







John Carter Brown.



caetken 1798 f. 1. 10.

743.





HISTOIRE

DES INDES OCCIDENTALES.

OV L'ON RECONNOIT
la bonté de ces païs , & de leurs
peuples; & les cruantez Tyran-
niques des Espagnols.

*Décrite premierement en langue Castillane par
Dom BARTHELEMY DE LAS CASAS,
de l'Ordre de S. Dominique , & Euesque
de Chappa; & depuis fidellement
traduite en François.*



A LYON,

Chez JEAN CAFFIN , & F. PLAIGNARD,
en rue Merciere , au Nom de IESVS.

M. D C. XLII.

Avec Approbation , & Permission.

A P P R O B A T I O N.

N O u s auons veu la presente version de
*l'Histoire des Indes Occidentales , écrite en
Espagnol par Dom F. Barthelemy de las Casas,
Religieux de S. Dominique, & Euesque ausdites
Indes, en laquelle n'ayant rien trouué qui puisse
donner sujet de s'esloigner des sacrez docu-
ments de la Foy Catholique , Apostolique &
Romaine , ie consents à l'impression d'icelle.*
Fait à Lyon le 27. Iuin 1642.

DEVILLE , Vic. Gener. substitué.

P E R M I S S I O N.

V E u l'Approbation de Monsieur le Vi-
caire General , le Procureur du Roy
n'empesche que le Liure susmentionné soit
imprimé aux fraiz & despens des *sieurs Cassin,
& Plaignard*, avec les deffenses en tel cas re-
quises. Fait ce dernier iour de Iuin 1642.

I. P R O S T.



P R E F A C E

A V L E C T E V R.

A MY LECTEUR, Peut-estre que lisant ce Liure, & voyant les cruantez inhumaines exercées par les Espagnols (qui se disent bons Chrestiens & Catholiques) tu reuoqueras en doute la verité de cette Histoire, l'attribuant à l'inuention fabuleuse, & à l'imposture de quelque Esprit passionné contre cette Nation. A quoy ie répons que tu n'en dois aucunement douter, ains receuoir ce narré comme tres-certain & veritable.

Premièrement, parce que l'Autheur nommé Frere Barthelemy de las Casas, Espagnol de nation, Religieux de l'Ordre de S. Dominique, estoit vn personnage

Preface au Lecteur.

sonage de tres-bonne vie ; & de grande reputation, lequel par l'espace de quarante ans a suivi les armées en ces conquestes des Indes Occidentales , pour y administrer les Sacremens de Confession & de Communion , & pour la conuersion des Indiens. (Apres lequel temps, en consideration de ses bons seruices, le Roy d'Espagne luy donna l'Euesché de Chappa , qui est vne ville & prouince dans la nouvelle Espagne.) Estant émeu de compassion Chrestienne par le cruel traictement de ces pauvres Indiens , il s'en vint en Espagne pour représenter à Philippe (lors Prince & depuis Roy d'Espagne) fils de l'Empereur Charles V. la façon inhumaine de proceder à ces conquestes desirées.

Il fit donc imprimer cette Histoire à Seuille en Espagnol , l'an 1542. chez Sebastien Truxillo , nonobstant l'Inquisition (chose merueilleuse) & la presenta au Roy, lequel craignant que telles actions de ses sujets parussent à tous , commanda
qu'on

Preface au Lecteur.

qu'on se saisit de toutes les copies, pour en faire abolir la memoire: mais Dieu a permis que quelques-vnes ont esté subtilemēt reseruées. Les Holandois incontinent ont fait traduire le Liure en leur langue mot pour mot, & en langue Françoisē. Les Venitiens aussi l'ont fait mettre en Italien, & court par l'Italie en Espagnol & en Italien en vn volume.

En second lieu, l'Authneur de ce Liure est fort estimé entre ceux de son Ordre, qui ont escrit sa vie, comme tu pourras voir en vn liure in folio imprimé à Bruxelles en Espagnol, composé par N. d'Auila Dominicain, qui fait mention de cēt œuvre, faisant vn denombrement des Oeuvres de cēt Authneur; & non seulement il affirme que tout ce qu'il dit est tres-veritable: mais aussi il asseure que les Espagnols sont encore le mesme à present, & que par leur inhumanité, cruauté, mauuaise vie, ils ont rendu le nom de Chrestien si odieux, que les Indiens croient qu'estre

Preface au Lecteur.

qu'estre Chrestien , c'est estre meurtrier , Tyran , paillard , larron , cruel , homicide , violeur de femmes , bruleur de maisons , &c.

En troisiéme lieu , pour confirmer la cruauté des Espagnols , il faut lire l'Histoire du nouveau Monde , par Hierosme de Benzoni Milanois , traduite d'Italien en François , qui en parle aussi , pour auoir fréquenté en ces pays-là l'espace de quatorze ans , du temps que nostre Autheur Barthelemy de Las Casas vivoit. Bref , tous les Escriuains , qui ont parlé de la conqueste des Indes Occidentales par les Espagnols , disent le même : excepté quelque Historien flatteur , qui a pallié cette verité , pour aucugler le monde à l'aduantage des Espagnols , ne faisant mention de leur cruauté. Neantmoins aucun ne s'est trouué , qui ait contredit à nostre Autheur , qui ne dit rien qui ne soit manifeste & notoire à l'Vniuers. Voyez l'histoire des Freres Prescheurs

Preface au Lecteur.

cheurs de la Prouince de Chappa , au li-
ure 4. chap. 12. par Frere Antoine Re-
mesal Dominicain , natif de Gallice , té-
moin du bon zele de nostre Autheur.


Que si tu desiré sçauoir , pourquoy les
Espagnols ont exercé tant de tyrannies
aux Indes , ç'a esté pour trois raisons.
La premiere , pour se rendre maistres ab-
solus de tous ces pays-là , & en apres
les peupler à leur façon : parce qu'ils crai-
gnoient que les Indiens ne se reuoltassent,
reconnoissant les Espagnols pour ce qu'ils
sont , qui n'estoient qu'en petit nombre,
au regard des Indiës , de maniere que pour
vn Espagnol , il y auoit plus de mille In-
diens. La seconde , à fin de leur faire
confesser où estoit leur or, & leur argent.
La troisieme est , d'autant que cette na-
tion estant hautaine & superbe , & où
elle a de la superiorité elle est cruelle ; &
le plus cruel d'entr'eux s'estime le plus
vaillant , & en fait trophée , appellant
celuy qui n'est cruel , ains doux & de-
bonnaire,

Preface au Lecteur.

bonnaire Gallina, ou Clerigo : C'est à dire , Prestre. Comme s'il n'y auoit que les Prestres , auxquels il n'est permis de tuer, ou d'estre cruel.


Parquoy , amy Lecteur , si tu es bon François , prens cét aduertissement ; que si l'Espagnol auoit le pouuoir sur toy, qu'il a vsuré sur les pauvres Indiens , tu ne serois point traicté plus doucement , & que ce petit liure te serue d'exemple. J'espere que la lecture d'iceluy , donnera hardiesse aux plus timides , & animera les plus hardis , à conquister des ames à Dieu , des richesses à leur patrie , & vne gloire immortelle à leur vertu. Sers donc fidelement ton Roy tres-Chrestien , & tres-luste , & prie Dieu qu'il luy fasse la grace de remporter la victoire sur ses cruels ennemis , comme les bons succez de ses armées Royales nous font esperer.

HISTOI



HISTOIRE
DES INDES
OCCIDENTALES;
ET DES CRUAUTEZ
TYRANNIQUES,
exercées par les Espagnols
en ces Pays-là.

*Escrite par Dom F. Barthelemy de las Ca-
sas, Religieux de S. Dominique, &
Euesque Espagnol ; fidèlement
traduitte en François.*

 E s Indes se découurirent l'an
mil quatre cens nonâte-deux,
& furent habitées des Espa-
gnols l'an ensuyuant. La premiere ter-
re où ils entrèrent pour l'habiter, fut
la grande & tres-fertile Isle Espagnole;
laquelle cõtient six cens lieüs de tour.

2 *Histoire des Indes*

Il y a d'autres grandes & infinies Isles à l'enuiron , & és confins à tous costez, lesquelles nous auons veuës les plus peuplées, & les plus pleines de leurs gens naturels, que peut estre autre pays au monde. La terre ferme, laquelle est loin de cette Isle 250. lieuës, ou plus, cōtient au long de la coste de la mer, plus de dix mille lieuës : qui sont desia découuertes , & s'en découure tous les iours d'auantage , toutes pleines de gens comme vne formiliere de formis. Sy bien qu'il semble que Dieu a mis en ces pays-là , le gouffre , ou la plus grande quantité de tout le genre humain.

DIEU crea toutes ces gens infinis, de toute sorte, tres-simples, sans finesse, ou cautelle, sans malice, tres-obeïssans, & tres-fidelles à leurs Seigneurs naturels , & aux Espagnols ausquels ils seruent ; Fort humbles, fort patiens, tres-pacifiques & paisibles , sans noïses & remuë

remuëmens, sans querelles, sans estrifs, sans rancune, ou haine, nullement desireux de vengeance. Ils sont aussi gens fort delicats & tendres; de petite complexion, & qui ne peuuent porter de trauail; & meurent tost de quelque maladie que ce soit. De sorte que mesme les enfans des Princes & Seigneurs nourris entre-nous, en toutes commoditez, aises & delices, ne sont point plus doüilllets que ces gens-là, encores que ce soyent enfans de laboureurs. Ils sont gens pauures, & qui possèdent peu de biens temporels, ny mesme ils ne sont point superbes, ambitieux, ny conuoiteux. Leur manger est tel, qu'il semble que celuy des Saincts Peres au desert, n'a point esté plus austere, ny moins somptueux. Leur vestement est communement d'estre nuds, les parties honteuses seulement couuertes; Et quand ils se couurent beaucoup, c'est d'une mante de cotton, qui est d'une

aune & demie , ou de deux aunes de
toille en quarré. Leur coucher est des-
sus vne natte ; & ceux qui ont mieux,
dorment comme dessus vne rets atta-
chée par les quatre coings , que l'on
appelle en langue de l'Isle Espagnole
Hamaças. Ils ont l'entendement tres-
net & vif ; dociles & capables de toute
bonne doctrine. Tres-propres à rece-
voir nostre sainte Foy Catholique, &
a estre enseignez en bonnes & vertueu-
ses mœurs , ayans moins d'empesche-
mens pour ce faire, que tous les autres
gens du monde ; Et sont tant enflam-
mez, & échauffez si tost qu'ils ont cō-
mencé à goulter des choses de la Foy,
pour les sçauoir entendre : & mesmes
en l'exercice des Sacremens de l'Egli-
se, & seruice diuin, que veritablement
les Religieux ont besoin d'une singu-
liere patience à les supporter. Et pour
faire fin, j'ay ouy dire à plusieurs Espa-
gnols , qu'ils ne pouuoient nier le bon
naturel

naturel qu'ils voyoient en eux. O que ces gens feroient heureux, s'ils auoient la connoissance du vray Dieu !

A ces agneaux si doux , ainsi qualifiez,doïez de leur facteur & Createur, comme il a esté dit , les Espagnols se font ruez , incontinent qu'ils les ont conneus ; Et cōme des loups, des lions, ou des tigres cruels , affamez de long-temps , n'ont fait en ces quartiers-là depuis quarante ans en ça , & font encores aujourd'huy , autre chose sinon de les mettre en pieces , tuer , & affliger, tourmenter & destruire ce peuple par d'estranges cruautéz ; (comme ie vous feray voir si apres) si bien que de trois millions d'ames qui estoient en l'Isle Espagnole,& que nous auōs venēs, il n'y a pas maintenant des naturels du pays deux cens personnes.L'Isle de Cuba, laquelle est quasi aussi longue, cōme il y a de Valladolid , iusques à Rome , est aujourd'huy comme deserte.

L'Isle de S. Jean , & celle de Iamayca, toutes deux fort grandes & tres-fertiles, sont desolées. Les Isles des Lucayos, qui sont voisines à l'Isle Espagnolle, & à celle de Cuba , du costé du Nort ; & plus de soixante Isles , avec celles que l'on appelle les Isles des Géants ; & les autres Isles , tant grandes que petites, dont la pire est plus fertile, que le jardin du Roy en Seuille, ont souffert plus de cruautéz qu'il ne s'en peut écrire; & de cinq cens mille personnes qu'il y auoit en ces Isles , aujourd'huy il n'y a pas vne seule creature: la plus part ayas esté tuez, ou tirez de là pour trauailler aux minieres de l'Isle Espagnole , où il n'estoit demeuré aucuns des naturels. Vn nauire allant l'espace de trois ans par toutes ces Isles, pour apres les vendanges y auoir esté faites , grapiller & cueillir les gens qui y restoiēt, vn bon Chrestien fut meū de pitié, & de compassion de conuertir & gagner à Iesus-Christ,

Christ, ceux qui s'y trouueroient:mais pour reste de tant de peuples,il ne s'est trouué que onze personnes, lesquelles ie vis. Autres plus de trente Isles, qui sont voisines à celle de S. Iean, ont esté semblablement dépeuplées & perduës, lesquelles contiennent plus de deux mille lieuës de pays.

Quant à la grande terre ferme,nous sommes certains, que nos Espagnols par leurs cruantez & execrables actiõs, ont dépeuplé & desolé plus de dix Royaumes,plus grands que toute l'Espagne,compris aussi en icelle l'Aragon & le Portugal;& deux fois plus de pays qu'il n'y a de Seuille à Ierusalem, qui sont plus de mille lieuës, lesquels royaumes encores pour le jourd'huy demeurent en friche & totale desolation, ayans estez auparauant autant peuplez qu'il est possible.

Nous pouuons donner bon & certain compte,qu'il est mort depuis qua-

8 *Histoire des Indes*

rante ans par les tyrannies & actions diaboliques des Espagnols, iniustement plus de douze millions de personnes, hommes, femmes, & enfans ; Et veritablement ie croy , & ne pense point estre abusé , qu'il en est mort plus de quinze millions.

Ceux qui sont allez d'Espagne en ces pays-là (& se tiennent pour Chrestiens) ont tenu deux voyes generales, & principales à extiper & effacer de dessus la face de la terre icelles miserables nations. L'une est, l'iniuste, cruelle, sanglante, & tyrannique guerre. L'autre maniere est, qu'ils ont tué tous ceux qui pourroient encores respirer, ou soupirer, & penser de se mettre en liberté ; ou bien s'oster des tourmens qu'ils endurent , comme sont tous les Seigneurs naturels , & les hommes valeureux & forts : car communement ils ne laissent en guerre viure que les enfans & les femmes: opprimés puis apres
aussi

aussi ceux-cy , avec la plus horrible & aspre seruitude que iamais fut mises sur hommes , ou bestes. A ces deux sortes de tyrannie diabolique , peuuent estre reduictes & ramenées comme des subalternes à leur genre, toutes les autres , diuerses , & infinies manieres que l'on tient pour desoler , & extirper ces gens là , qui sont sans nombre.

La cause pourquoy les Espagnols ont détruit vne telle infinité d'ames, a esté seulement qu'ils ont tenu pour derniere fin , l'or ; & de s'enrichir en peu de temps , & monter d'un saut à des Estats tres-grands, nullement conuenables à leurs personnes ; En fin ce n'a esté que leur auarice , qui a causé la perte de ces peuples, qui pour estres si doux & benins, se sont trouuez si faciles à subjuguer : & lors qu'ils ont creu trouuer quelque fauorable accueil parmi ces barbares, ils se sont veu traictez pires que des bestes , mais encores

moins que la fiente des ruës. Et sont ainsi morts sans Foy, & sans Sacremens tant de millions de personnes. Je puis asseurer cecy, comme l'ayant veu, & c'est chose si veritable, que mesme les Tyrans confessent que iamais Indiens n'ont fait aucun déplaisir aux Espagnols, mais plustost, qu'il les ont tenus comme s'ils fussent venus du Ciel, iusqu'à ce qu'eux, ou leurs voisins, ont épreuüé les effets de leur tyrannie.

De l'Isle Espagnole.

EN l'Isle Espagnole, qui a esté la premiere, comme nous auons dit, où arriuerent les Espagnols, se commencerent les grandes tueries, & pertes de gens, ayans les Espagnols commencé à prendre les femmes & enfans des Indiens, pour s'en seruir & en vser mal; à manger leurs viures acquis par leurs sueurs & trauaux, ne se contenant point de ce que les Indiens leur don

donnoient de bon gré , chacun selon
sa faculté, laquelle est tousiours petite,
parce qu'ils sont accoustumez de n'a-
uoir non plus de prouision , qu'ils ont
ordinairement de besoin, & qu'ils gai-
nent avec peu de trauail. Et ce qui peut
suffire pour vn mois à trois mesnages,
de dix personnes chacun, vn Espagnol
le mange & détrui& en vn iour. Apres
beaucoup d'autres forces, violences &
tourmens qu'ils leur faisoient, les In-
diens commencerent à connoistre que
ces hommes là ne pouuoient estre ve-
nus du Ciel. Quelques - vns cachoient
leur viandes , autres cachoient leurs
femmes & enfans; les autres s'enfuyoie&
aux montagnes, pour s'éloigner de cet-
te Nation. Les Espagnols leur don-
noient des soufflets, des coups de poing
& bastonnades, s'ingerans aussi de met-
tre les mains sur les Seigneurs des Vil-
les ; Et le tout paruint iusques à vne si
grande temerité & dissolution , qu'un
Capi

Capitaine Espagnol osâ bien violer par force la femme du plus grand Roy & Seigneur de toute cette Isle. Ce qui a donné suiet depuis ce temps là aux Indiens à chercher des moyens, pour jeter les Espagnols hors de leurs terres, & se mirent en armes : mais quelles armes ? si foibles, & de si peu de deffence, que leurs guerres ne sont que des jeux d'enfans, qui jouënt aux cannes, ou roseaux. Les Espagnols avec leurs cheuaux, leurs espées, & lances commencerent à faire des cruantez estranges : ils entroient és Villes, Bourgs & Villages, n'espargnans ny les enfans, ny les hommes vieux ; ny les femmes enceintes & accouchées, qu'ils ne leur ouurissent le ventre, & les missent en pieces, comme s'ils eussent donné dedans des agneaux enfermez en leur berçail. Ils faisoient des gageures, à qui d'un coup d'espée fendrait & ouurirait vn homme par le milieu : ou qui plus
abite

habilement , & plus dextrement d'un coup d'espée luy tailleroit la teste ; ou qui luy ouuriroit mieux les entrailles d'un coup. Ils arrachioient les enfans de la mammelle de leurs meres, & leur froissoient la teste contre les rochers ; d'autres en jettoient dans les riuieres, se rians & mocquans ; & lors qu'ils estoient en l'eau , ils s'écrioient ; *Remuë-toy , corps de tel ?* De plus furieux passioient au fil de l'espée les meres & les enfans. Ils faisoient de certains gibets , longs & bas ; de maniere que les pieds touchoient quasi à la terre , chacun pour treize , à l'honneur & reuerence de nostre Redempteur, & de ses douze Apostres, (comme ils disoient) & y mettans le feu brusloyent ainsi tous vifs ceux qui y estoient attachez. A d'autres à qui ils voulurent laisser la vie , ils leurs couperent les deux mains à peu pres, & les laissans ainsi ; disoient, *Allez avec ces lettres, porter les nouuelles à*
ceux

ceux qui se sont enfuis par les montagnes.
Ils perdoient communement les Seigneurs & Nobles de cette façon ; & faisoient certaines grilles de perches sur des fourchettes, & vn petit feu dessous, afin que peu à peu en donnans des cris, & dans ces tourmens infinis ils rendissent l'esprit.

Vne fois ie vis quatre ou cinq des principaux Seigneurs, rostir & brusler sur ces grilles: aussi ie pense qu'il y auoit encores deux ou trois grilles, garnie de mesme ; & parce que ces ames languissantes faisoient de grands cris, qui empeschoient au Capitaine de dormir, il commanda qu'on les estranglast: mais le Sergent qui estoit pire que le bourreau qui les brusloit (ie sçay son nom, & connois ses parens à Seuille) ne voulut point qu'ils fussent estranglez ; & luy mesme leur mit des baillons en la bouche, affin qu'ils ne criassent point, & attisoit le feu luy mesme, iusques

ques à ce qu'ils fussent rotis tout bellement & à son plaisir. J'ay veu les choses susdictes, & d'autres infinies ; & parce que ceux qui pouuoient fuir, se cachotent dedans les montagnes, fuyans ces hommes inhumains, dépouillez de toute pitié, ils apprenoient à des chiens de mettre en pieces vn Indien à la premiere veuë. Ces chiens faisoient de grands carnages , & parce que quelquesfois les Indiens en tuoient quelque vns , les Espagnols firent vne loy entr'eux , que pour vn Espagnol tué , ils feroient mourir cent Indiens.

*Les Royaumes qui estoient en l'Isle
Espagnole.*

IL y auoit en cette Isle Espagnole cinq grands royaumes principaux , & cinq Roys tres-puissans , ausquels obeïssent quasi tous les autres Seigneurs, qui estoient sans nombre. Il y auoit aussi quelques Seigneurs d'aucunes

nes Prouinces separées , qui ne reconnoissoient point pour Supérieur aucun de ces Roys. Vn royaume auoit nom *Magua*, qui vaut autant à dire comme Royaume de la plaine. Cette plaine est vne chose la plus signalée , & admirable, qui soit au monde : car elle contient huiſtante lieuës de pays, depuis la mer du Midy , iusques à la mer du Nort, estant large cinq lieuës, & huiſt iusques à dix. Elle a d'vn costé & d'autre des montagnes tres-hautes ; plus de trente mille riuieres & ruisseaux y entrent , dont les douze sont aussi grandes que Ebro , Duero , & Guadalqueuir. Et toutes les riuieres qui sortent d'vne montagne qui est vers l'Occident , en nombre de vingt-cinq mille, sont tres-riches d'or , en laquelle montagne est contenuë la prouince de Cibaou ; & d'où vient cet or exquis & fin de 24. carats, qui est tant renommé par deçà. Le Roy & Seigneur de ce Royaume
me

me estoit appellé *Guarionex*, qui auoit sous soy des vassaux, & Seigneurs si grands & puissans, qu'un chacun d'eux pouuoit faire seize mille hommes de guerre, pour le seruice de leur Roy; desquels Seigneurs i'ay conneu quelques vns. Ce *Guarionex* estoit tres-obeissant & vertueux, naturellement pacifique & affectionné à la deuotion des Roys de Castille, & ses gens donnoient par son commandement (chacun tenant maison) vne sonnette pleine d'or: mais peu apres comme ils n'auoient l'industrie de tirer l'or des mines, ils ne donnerent que la clochette à moitié pleine. Ce Cacique presenta au Roy de Castille de le seruir, en faisant labourer des terres depuis *la Isabella*, où premierement demeurerent les Espagnols, iusques à la ville de *S. Domingo*, qui sont cinquantes lieues bien grandes, pourueu qu'il ne leur demandast point d'or: car il disoit que

les jujets ne le sçauoient pas tirer. Je suis certain que labourage qu'il disoit faire faire, eust vallu toutes les années au Roy plus de trois millions de Castillans, & auroit causé qu'à present il y auroit en ceste Isle plus de cinquante villes plus grandes que Seuille.

Le payement que reçeut ce bon Roy pour vne si bonne volonté, fut de le deshonorer en la personne de sa femme, vn Capitaine mauuais Chrestien la violant. Ce pauvre Prince eust bien eu les forces pour s'en venger, mais il ayma mieux se retirer en vne Prouince *de los Ciguayos*, où il y auoit vn grand Seigneur son vassal, & là dans son affliction attendre la fin de ses iours. Les Espagnols ayant appris son exil, & asseurez du lieu où il estoit, commencerent vne guerre à ce Seigneur qui l'auoit receu chez luy, tuans & saccaageans tout; enfin parmy tant de desordre ce mal-heureux Prince fut trouué,
pris,

pris, enchainé, & enfermé dans vn nauire, pour le mener en Castille, lequel nauire perit sur Mer, & tous ceux qui estoient dedans. Voilà comme Dieu tire vengeance des choses si enormes.

L'autre royaume estoit appelé *de Marien*, où auuiourd'huy est le port à l'vn des bouts de la plaine vers le Nort, & est plus grand que le royaume de Portugal, bien plus fertile, & digne d'estre habité, ayans de grandes montagnes & minieres d'or & de cuiure fort riches. Le Roy s'appelloit *Guacanagari*, qui auoit deffous luy beaucoup de tres-grands Seigneurs, desquels i'en ay veu & conneu plusieurs. Au pays de ce Roy arriua premierement le vieil Admiral, & fut receu de Guacanagari fort humainement, avec tous les Espagnols qui estoient avec luy, & ay entendu dire à l'Amiral qu'il n'eust pas peu receuoir plus d'honneur en son pays. Ce Roy mourut en fuyant les tuë-

ries & cruautéz des Espagnols, & tous les Seigneurs & fujets moururent en la seruitude qui sera declarée cy apres.

Le troisiéme royaume & Seigneurie estoit *Maguana*, aussi vn pays admirable, tres-sain & fertile, où il se fait aujourd'huy le meilleur succre de cette Isle. Le Roy de ce pays se nommoit *Caonabo*, qui surpassoit tous les autres en forces & en estat, en grauité & en ceremonies de son seruice. Les Espagnols prindrent ce Royaume avec vne grande subtilité & malice, ainsi qu'il estoit en sa maison ne se doutant de rien. Ils le mirent puis apres sur vn nauire pour le mener en Castille: mais estans au port les nauires tous prests à faire voile, Dieu par son iuste iugement fit voir que cette iniustice ne luy aggreoit pas, enuoyant cette nuit là vne tempeste qui submergea & abyma tous ces nauires avec les Espagnols qui estoient dedans. Et mourut ainsi

ce pauvre Prince, chargé de fers & de chaînes. Il avoit trois freres aussi valeureux que luy, lesquels voyans la perte du Roy leur frere, se mirent en armes pour aller contre l'Espagne, mais ce peuple sçachant leur dessein, les vindrent rencontrer avec certains cheuaux (qui sont bien les plus dangereuses armes qui peuuent estre pour offencer les Indiens) & firent vn tel carnage, que la moitié de ce royaume en a esté ruiné & depeuplé.

Le quatriesme royaume est celuy qui se nomme de *Xaragua*; ce royaume estoit comme le centre, ou milieu, ou comme la Cour de toute cette Isle, le mieux policé, & où la Noblesse estoit en bonne reputation. Le Roy avoit nom *Bebechio*, qui avoit vne sœur appelée *Anacaona*. Ces deux frere & sœur firét de grands seruices aux Roys de Castille & aux Espagnols, les deliurās de beaucoup de dangers de mort.

Après la mort de Behechio , Anacoana demeura seule souveraine du royaume ; si bien que le Gouverneur de cette Isle y estant entré avec plusieurs hommes de pied & de cheual , commencerent à tout ravager ; & ayans fait appeller plus de trois cēs Seigneurs de cette prouince , fit mettre les plus Grands en vne maison de paille , & en mesme temps y fit mettre le feu , où ils furent bruslez tous vifs. Tous les autres Seigneurs, & quantité de peuple furent tuez à coups de lance & d'espée : Et la souveraine Dame Anacaona, pour luy faire honneur , ils la pendirent. Quelques Espagnols par pitié ou par auarice , ayans retenu de ieunes garçons pour leurs pages , afin qu'ils ne fussent tuez, les mirent en croupe de leurs cheuaux , & à l'instant vn autre Espagnol venoit par derriere qui les perçoit d'une lance. Quelqu'vns de ces Indiens, passerent à vne autre petite Isle , pour
éuiter

éviter cette cruauté : mais le Gouverneur condamna tous ceux-là qui y estoient passez , à estre esclaves le reste de leurs iours.

Le cinquième royaume estoit appelé *Higuey* , gouverné par vne Reyne nommée *Higuanama* , laquelle les Espagnols pendirent , & en suite bruslerent vne infinité de personnes , & firent quantité d'esclaves. Et parce qu'il y a diuerses particularitez en ces occisions , qu'on ne sçauroit bonnement comprendre , ie diray (comme deuant Dieu) que de toutes ces iniquitez & tyrannies , les Indiens ne donnerent iamais sujet aux Espagnols de les traiter de la sorte. Je dis d'auantage, c'est que ie peux croire & coniecturer que cependant que tout ce grand nombre de peuple a esté tué & exterminé , ils n'ont commis contre les Espagnols vn seul peché mortel , qui fust punissable par les hommes. Et quant aux pechez,

dont la punition est reseruée à Dieu, comme la cupidité de vengeance, hayne & rancune, que pouuoient ces gens là contre des ennemis si capitaux, comme leur estoient les Espagnols. Et ie scay pour certain que les Indiens ont tousiours eu tres-iuste cause de guerre contre les Espagnols, & que les Espagnols n'ont iamais eu aucune guerre iuste contre les Indiens, mais ont esté toutes diaboliques, & tres-iniustes, plus qu'on ne peut dire de Tyran qui soit au monde. Et i'affirme le mesme d'autant d'autres choses qu'ils ont faites par toutes les Indes.

Estans les guerres acheuées, & estés morts en icelles tous les hommes, reseruez communement les ieunes gens, les femmes & les enfans, lesquels ils départoient entr'eux, en donnans à vn trente, à vn autre quarante, & à vn autre cent, ou deux cens, selon que chacun auoit la faueur du Tyran
major

major, qu'ils appelloient Gouverneur: on les donnoit aux Espagnols, avec telle condition & couleur, qu'ils les enseigneroient en la foy Catholique, estans ceux-là mesme qui prenoient la charge des ames, communément tous gens idiots, hommes cruels tres-uares & vitieux. Et le soin & soucy qu'ils auoient d'eux, estoit d'enuoyer les hommes aux minieres pour les faire tirer de l'or, qui est vn trauail intolérable, & les femmes ils les mettoient aux champs, aux metairies, pour labourer & cultiuer les terres, qui est vn grand trauail, voire mesmes pour les hommes les plus robustes & les plus forts. Ils ne donnoient à manger à eux, ny à elles, sinon herbes, & choses semblables, de nulle substance: tellement que le laiët aux mammelles des femmes accouchées se seichoit, & ainsi mouroient en peu de temps toutes les petites creatures. Et pour estre les

maris separez , ne cohabitans point avec leurs femmes , la generation cessa entre ceux-là : quant à eux , ils mourroient és minieres de trauail & de faim, & elles mouroient de la mesme maniere aux champs. Ainsi fut consumé vn nombre de gens de cette Isle. Quant aux charges & fardeaux on leur en faisoit porter d'excessifs : mesme les Espagnols se faisoient porter en des litieres à bras, ou liëts faicts par les Indiens, en façon de rets : car ils se seruoyent tousiours d'eux pour transporter le bagage comme l'on fait des animaux. La quantité de fouëts, bastonnades, soufflets, coups de poing, maudissons, & autres manieres de tourmens sont innombrables, & presque épouuantable aux hommes.

La perte de ces Isles commença apres le trespas de la Serenissime Reyne, Madame Isabelle, qui fut l'an mil cinq cens & quatre : car auparauant il
ne

ne s'y estoit gasté que quelques Provinces par vne iniuste guerre , & ces choses pour la plus grand part se ce-
loient à la Reyne (à qui Dieu donne sa
paix) parce qu'elle auoit tres-grand
desir que ces gens là fussent sauuez,
comme nous en auons veu de bons
exemples.

Il faut croire qu'en quelque part des
Indes que les Espagnols soyent allez,
ou passez , ils ont tousiours exercé con-
tre ces gens innocens de grandes ty-
rannies & oppressions abominables ;
c'est pourquoy Dieu qui est iuste les
laisse tomber & precipiter d'une cheu-
te plus grande , en vn sens reprouué.

Des deux Isles, de S. Iean, & de Iamayca.

LEs Espagnols passerent à l'Isle de
S. Iean , & à celle de Iamayca (qui
estoyent comme des jardins, & ruches
d'abeilles) en l'an mil cinq cens & neuf,
s'estans proposé la mesme fin qu'ils
auoyent

auoyent eu en l'Isle Espagnole , faifans & commettans les brigandages & pechez fufdicts , & y adiouftans d'auantage beaucoup de tres-grandes & notables cruautez , tuans,bruflans , rotifans & iettans aux chiens : puis apres auffi opprimans , tourmentans , & vexans en des minieres , iufques à consumer & extirper tous ces pauures innocens , qui eftoyent en ces deux Isles iufques à fix cens milles ames , voire ie croy qu'ils eftoient plus d'un milion, & ie croy qu'aujourd'huy il n'y a pas en ces Isles deux cens perfonnes , & tous font peris fans foy , & fans Sacrements.

De l'Isle de Cuba.

EN l'an mil cinq cens & onze ils pafferent en l'Isle de Cuba , qui eft comme i'ay dit , auffi longue qu'il y a de Valladolid à Rome , & où il y auoit de fort belles Prouinces. Les Efpagnols firent

furent de grandes cruautéz en cette Isle, comme vous pourrez entendre. Vn Cacique, grand Seigneur nommé Hathuey, s'estoit transporté de l'Isle Espagnole à celle de Cuba, avec beaucoup de ses gens, pour fuyr les calamitez, & actes tant inhumains des Espagnols; comme quelques Indiens luy apprirent leur venue, il assemblea toutes ses gens, & leur dit. Vous sçavez que les Espagnols viennent par deçà, & comme ils ont traicté traicté tels & tels, & pourquoy ils le font. Ils répondirent que non, sinon (disoyent-ils) qu'ils sont de leur nature cruels & mauvais. Il leur dit, ce n'est pas seulement cela : mais aussi parce qu'ils ont vn Dieu lequel ils adorent; & regardant aupres de soy vn coffre plein d'or & de joyaux, leur dit : Voicy le Dieu des Espagnols, faisons luy, s'il vous semble bon, Areytos (qui sont bals & danſes) & en ce faisans luy donnerons contentement,

& commandera aux Espagnols qu'ils ne nous fassent point de déplaisir : Ils répondirent tous à claire voix ; C'est bien dit, c'est bien dit. Et ainsi ils danserent deuant luy iusques à se lasser : puis apres le Seigneur Hatuey , dit ; Regardez ce que nous ferons : car de le garder il nous pourroit couster la vie. C'est pourquoy ils s'accorderent tous de le jetter en vne grande riuere qui estoit là tout pres.

Ce Seigneur & Cacique fuyoit tousiours les Espagnols , & se deffendoit contre eux toutes les fois qu'il les rencontroit. A la fin il fut pris avec toutes ses gens , & fut bruslé tout vif. Et comme il estoit attaché au pal, vn Religieux de S. François (homme saint) luy dit quelques choses de Dieu & de nostre Foy , lesquelles luy pouuoient seruir dans le peu de temps que les bourreaux luy donnoient. Que s'il vouloit croire à ce qu'il luy disoit , il iroit

iroit au Ciel, où est la gloire & le repos
eternel, & s'il ne croyoit point, il
iroit en Enfer, pour y estre tourmenté
perpetuellement. Ce Seigneur apres
auoir vn peu demeuré à y penser, de-
manda au Religieux, si les Espagnols
alloient au Ciel; qui répondit, qu'ouy
bien ceux-là qui estoient bons. Le Ca-
cique dit incontinent sans plus penser,
qu'il ne vouloit point aller au Ciel:
mais vouloit aller en Enfer, à fin de ne
se trouuer au lieu où telles gens se-
royent.

Vne fois les Indiens venoyent au
deuant de nous, pour nous receuoir
auec des viures & viandes delicates, &
auec toute autre careffe, de dix lieuës
loin d'vne grande Ville: & estans ve-
nus sur le lieu, ils nous donnerent gran-
de quantité de poisson & de pain, &
autre viande, auec tout ce que plus ils
peurent. Voila incontinent le Diable
qui se met és Espagnols, & mirent au
fil

fil de l'espée, en ma présence sans aucune cause, plus de trois mille personnes qui estoient assises deuant nous, hommes, femmes & enfans. Je vis là de si grandes cruautéz, que iamais hommes viuans n'en n'a veu de semblables.

Quelques iours apres i'enuoyay des messagers à tous les Seigneurs de la Prouince de Hauana; les asseurant qu'ils n'eussent peur, & qu'il ne leur seroit fait aucun déplaisir (car tout le pays estoit effrayé des maux & tueries passées) & fis cecy par l'aduis du Capitaine même. Quand nous fusmes venus à la Prouince, vingt & vn Seigneurs & Caciques nous vindrent recevoir: lesquels le Capitaine print incontinent, rompant l'assurance, qu'il leur auois donnée, & les voulut le iour ensuiuant brusler vifs, disant qu'il estoit expedient de faire ainsi; qu'autrement ces Seigneurs feroient vn iour que

quelque mauuais tour. Je me trouuay en vne tres-grande peine , pour les sauuer du feu , toutesfois à la fin ils eschapperent.

Après que les Indiens de cette Isle furent mis en la seruitude & calamité de ceux de l'Isle Espagnole , & qu'ils veirent qu'ils mouroient & perissoient tous sans aucun remede , les vns commencerent à s'enfuïr aux montagnes, les autres tous desesperez se pendoient. Et par la cruauté d'un seul Espagnol, qui estoit grand Tyran, & que ie connois , il se pendit plus de deux cens Indiens , & est mort de ceste façon vne infinité de gens.

Il y auoit en cette Isle vn Officier du Roy , à qui ils donnoient pour sa part trois cens Indiens : dont au bout de trois mois , il y en estoit mort de trauail aux minieres , deux cens soixante : de sorte qu'il n'en resta que quarante , qui fut la dixième part :

C

apres

apres ils luy en donnerent encores vne fois autant & plus, & les tua aussi bien: & autant qu'on luy en donnoit, autant en tuoit-il, iusques à ce qu'il mourut, & que le Diable l'emporta.

En trois ou quatre mois, moy estant present, il est mort plus de six mille enfans, pour leur estre ostez peres & meres, qu'on auoit mis aux minieres. Je vis aussi d'autres choses épouuantables.

Puis apres ils delibererent de monter à ceux qui estoient aux montagnes, où ils firent des carnages épouuantables, & rendirent ainsi deserte toute cette Isle, laquelle nous vismes peu apres.

De la Terre ferme.

EN l'an mil cinq cens quatorze il passa en la terre ferme vn malheureux Gouverneur, vn Tyran tres-cruel, qui n'auoit ny pitié, ny prudence,

ce, estant comme vn instrument de la
fureur de Dieu, bien deliberé de mettre
en icelle terre beaucoup d'Espagnols.
Et combien qu'auparauant quelques
autres Tyrans estoient venus en la ter-
re, & y auoyent desrobbe, tué & trai-
té cruellement beaucoup de gens : si
n'auoit ce esté qu'à la coste de la mer,
desrobbant, brigandant, & faisant
du pis qu'ils auoyent peu : mais cestui-cy
surpassoit tous les autres, qui y estoient
venus deuant luy, & ceux de toutes les
illes, quelques execrables & abomi-
nables qu'ils eussent esté en toutes leurs
actions. Il ne gastoit, ne despeuploit
point seulement la coste de la mer,
mais ruinoit aussi des grands pays, &
royaumes, faisans meurtres & occisiōs
de gens iusques à vn nombre infini, &
les mettant en Enfer. Il couroit & ra-
geoit beaucoup de lieues de pays,
au dessus du Darien iusques au royau-
me & prouinces de Nicaragua inclus,

qui sont plus de cinq cens lieues de la meilleure & plus fertile terre, qui puisse estre au monde, où il y auoit bon nombre de grands Seigneurs, & beaucoup de villes, bourgs & villages; & telle quantité d'or, qu'il ne s'en estoit encor veu sur la terre vn tel nombre.

Ce Gouverneur avec ses gens trouuerent nouuelles sortes de cruauté & tourmens pour faire decouurir & donner de l'or. Il y eut vn sien Capitaine, lequel en vne course qu'il fit, il mit pres de quarante mille personnes au fil de l'espee, les brullant & tourmentant diuersement, ce qu'un Religieux de saint François, nommé Frere François de S. Romain, lequel estoit avec luy, m'a asseuré auoir veu.

L'auenglement tres-dommageable, qui a tousiours tenu saisis ceux-là qui ont gouverné les Indes, pour le regard du soin qu'ils ont de la conuersion de ces gens là (laquelle à la verité ils ont

en

en effet tousiours negligé avec des paroles fardées, disant d'un, & leur cœur pensant d'autre) est bien venu iusques là, que de commander qu'on fit des mandemens aux Indiens, qu'ils receussent la foy, & qu'ils vinssent à l'obeissance du Roy de Castille, ou autrement qu'on leur feroit la guerre à feu & à sang, & les tueroit-on, & les mettroit on en seruitude, &c. Comme si le Fils de Dieu, qui est mort pour vn chacun d'eux, eust commandé en sa loy, quand il dit : *Euntes docete omnes gentes*, qu'il fut fait des mandemens aux infideles pacifiques & cois, & qui ont leur propre pays, & s'ils ne les receuoient incessamment sans autre precedente predication, ou doctrine, & s'ils ne se donnoient eux-mesmes à la domination d'un Roy, lequel ils n'auoyent iamais veu, & de qui ils n'auoyent iamais ouy parler; & mesme de qui les gens & messagers sont cruels, & tant dénuiez

de toute pitié , & si horribles Tyrans, qu'ils eussent pour cela à perdre leurs biens & terres, la liberté, leurs femmes & enfans avec leurs vies : qui est chose par trop absurde & sotte , digne de tout vitupere & moquerie , voire digne d'Enfer : tellement que comme ce meschant & miserable Gouverneur auoit receu la charge d'executer lesdits mandemens , à fin de les rendre plus iustes en apparence : car ils estoient d'eux mesmes impertinens, contre toute raison & droict : il commanda (ou bien les larrons qu'il enuoyoit pour faire l'execution , le firent d'eux mesmes) que quand ils auroient proposé d'aller voller & dérober quelque lieu où ils sçauoient qu'il y auoit de l'or , estans les Indiens en leurs villes, & maisons , sans se douter de rien , les meschans Espagnols allassent comme des brigans iusques à vne demie lieüe pres de la ville , bourgade ou village,

&

& là à part eux & de nuit ils firent la lecture & publication, ou criée desdits mandemens, disans ainsi : *Caciques & Indiens de ceste terre ferme de tel lieu : Nous vous faisons sçavoir qu'il y a vn Dieu, vn Pape, & vn Roy de Castille, qui est Seigneur de ces terres : venez incontinent luy faire hommage, &c. Que si ne le faiçtes, sçachez que nous vous ferons guer- re, & vous tuerons, & vous ferons esclaves, &c.* Et à la quatriesme veille du matin les pauures innocens dormans encore avec leurs femmes & enfans, ces Tyrans se viennent ietter sur le- dict lieu, mettans le feu és maisons, qui estoient communément de paille, & brullans ainsi tout vifs, hommes, femmes, & enfans, plus subit que plu- sieurs ne s'en peurent appercevoir. Ils tuerent sur le champ ceux que bon leur sembla, & ceux qu'ils prindrent prisonniers ils les firent cruellement mourir sur la gehenne, pour leur faire

dire en quels lieux il y auoit de l'or plus qu'ils n'en auoient trouué chez eux : & les autres qui demeuroient en vie, ils les firent esclaves, les marquans d'un fer chaud. Puis apres le feu esté finy & esteinct, ils allerent chercher l'or és maisons. Et ainsi que s'est comporté cét homme mal-heureux, avec tous les mauuais Chrestiens qu'il a leuez depuis l'an quatorze, iusques à l'an vingt & vn, ou vingt & deux, enuoyât en ces exploicts six, ou plus, de ses seruiteurs & satellites, par lesquels il receut autant de parts, outre celle qu'il prenoit, comme Capitaine general, de tout l'or, de toutes les perles, & de tous les ioyaux qu'ils prindrent de ceux qu'ils faisoient esclaves. Le mesme faisoient les officiers du Roy, chacun y enuoyant autant de seruiteurs qu'il pouuoit. Aussi l'Euesque qui fut le premier en ce Royaume, y enuoya ses seruiteurs, à fin d'auoir sa part au butin.

butin. Ils déroberent plus d'or en ce temps-là & en ce Royaume, selon que i'en peux iuger, que ne monte vn million de ducats : voire ie croy que i'en dis trop peu. Et il se trouuera, que de tout cé grand larcin ils n'ont enuoyé au Roy sinon trois mille Castillans, y ayans tué & destruiect plus de huict cent mille personnes. Les autres Tyrans gouuerneurs, qui vindrent apres, iusques à l'an trente trois, ont tué, ou bien ont consenty que tous ceux qui restoyent fussent tuez, en la seruitude tyrannique.

Entre vne infinité de meschancetez que ce Gouuerneur fit, ou consentit estre faites au temps de son gouuernement, a aussi esté cette-cy : C'est qu'un Cacique, ou Seigneur luy donnant, ou de sa volonté, ou par crainte (qui est plus croyable) les poids de neuf mille ducats, les Espagnols non contents de cela, prindrent ledict Seigneur

&

& l'attacherent à vn pal , l'ayant assis sur la terre les pieds tendus : contre lesquels ils mirent du feu , pour luy faire donner de l'or d'auantage. Le Seigneur enuoya à sa maison , & furent apportez encores trois mille Castillans. Ils retournerent à luy donner des tourmens. Et comme le Seigneur ne donnoit non plus , ou parce qu'il n'en auoit plus , ou parce qu'il n'en vouloit plus donner , ils le tindrent ainsi les pieds contre le feu , iusques à ce que la moëlle luy sortoit & couloit par les plantes : dont il mourut. Ils ont souuentes-fois practiqué ces tourmens à l'endroit des Seigneurs, pour leur faire donner de l'or , dont ils les ont aussi ruez.

Vne autrefois vne certaine compagnie d'Espagnols faisans leurs brigandages & voleries , vint à vne montagne , où il s'estoit assemblé & caché beaucoup de gens qui fuyoient ces hommes

hommes si cruels & incontinent don-
nans dedans ils en prindrent soixante
ou huitante , tant femmes que filles,
ayans tué tous ceux qu'ils auoient peu
tuer. Le lendemain s'assemblerent
beaucoup d'Indiens, qui poursuyurent
les Espagnols , leurs faisans guerre ,
pour le grand desir qu'ils auoyent de
recouurer leurs femmes & filles. Les
Espagnols voyans que les Indiens les
approchoient de pres, ils ne voulurent
point quitter le butin , mais mirent
l'espée au trauers du ventre des fem-
mes & filles , & n'en laisserent en vie
vne seule de toutes les quatre vingts.
Les Indiens se rompoient la poictrine
de tristesse, & douleur qu'ils en auoyét,
jettans des cris , & disans telles paroles.
O les mauuais hommes , ô les cruels Espa-
gnols : tuez-vous las hiiias ? Ils appellent
hiiias en ces pays-là les femmes, comme
s'ils eussent voulu dire : Tuer les fem-
mes , ce sont actes d'hommes abomi-
nables

nables & cruels, comme bestes.

Il y auoit à dix ou quinze lieues de Panama vn grand Seigneur nommé Paris, qui-estoit fort riche d'or: les Espagnols y allerent, & ce Seigneur les receut comme s'ils eussent esté ses propres freres, & fit present au Capitaine de cinquante mille Castillans de son propre mouuement. Il sembloit au Capitaine & aux autres Espagnols, que celuy qui donnoit vne telle somme de son bon gré, deuoit auoir vn grand thresor, qui estoit la fin & l'allegement de leurs traux. Ils font semblant, & disent qu'ils veulent partir: mais ils retournent, & donnent dans la ville alors qu'ils y pensoient le moins; ils y mettent le feu, bruslent & tuent beaucoup de gens: & pillent cinquante ou soixante mille Castillans. Le Cacique, ou Seigneur échappa sans estre blessé, & au bout de trois ou quatre jours, apres auoir rassemblée le reste de
ses

ses gens , il court après les Espagnols qui luy auoient osté cent trente , ou quarante mille Castillans , & donne sur eux valeureusement , tuë cinquante Espagnols , & recouure tout l'or qui luy auoit esté osté. Les autres se fauuent bien chargez de coups. Mais le mal-heur suiuant ce pauvre Seigneur, voulut que les Espagnols retournerent contre luy , & le désirerent avec quantité de ses gens. Ceux qui ne furent tuez , ils les mirent en la seruitude ordinaire ; De maniere qu'il n'y a aujourd'huy aucune apparence qu'il y ait là eu du peuple , ny vn seul homme en trente lieues de pays , qui estoit auparauant fort peuplé & gouuerné par diuers Seigneurs. L'on ne tient point de compte des tueries que ce miserable homme , avec sa compagnie , a faict en ces royaumes qu'il a dépeuplé.

De la Prouince de Nicaragua.

EN l'an 1522. ou 23. ce Tyran alla plus auant pour subiuguer la fertile Prouince de Nicaragua, en laquelle il entra à la malheure. Il n'y a homme qui puisse parler assez dignement & suffisamment de la fertilité, salubrité, prosperité & frequence des gens qu'il y auoit. C'estoit chose admirable de voir combien elle estoit peuplée: ayant villes de trois ou quatre lieues en longueur, pleines de fruiets admirables: lesquels fruiets estoient aussi cause qu'il y auoit tant de gens. A ces gens-là, parce que le pays estoit plat & rasé, n'ayant point de montagnes, où l'on peust se cacher, & parce qu'il estoit si plaisant & delectable, que les naturels ne le pouuoient abandonner qu'avec grand regret, à cause dequoy ils enduroient de grandes persecutions, supportans patiemment les tyrannies,

cru

cruels outrages, & seruitudes des Espagnols : aussi parce que de leur nature ils estoient gens doux & pacifiques : ce Tyran avec ses compagnons leur fit endurer (ce qu'il auoit aussi fait pour destruire les autres royaumes) tant de dommages , tant de meurtres , tant de cruautéz , tant de seruages & d'iniquitez , qu'il n'y a langue humaine qui les puisse expliquer. Il y enuoya cinquante hommes à cheual , & fit tuer tout le peuple d'icelle Prouince (laquelle est plus grande que la Comté de Roussillon) par glaiue : de sorte qu'il n'y laissa en vie ny homme , ny femme , ny vieux , ny ieune , pour la moindre cause du monde , s'ils ne portoient plusieurs charges de *Mahis* , qui signifie en ce pays-là , froment , ou s'ils ne luy amenoient quantité d'Indiens pour le servir & toute sa compagnie : car le pays estant plat , personne ne pouuoit échapper sa rage diabolique.

Il enuoya des Espagnols pour faire courses en d'autres Prouinces , & permettoit à ces brigans de mener avec eux autant d'Indiens qu'ils vouloyent pour leur seruice, lesquels ils mettoient apres à la cadene , à fin qu'ils ne quittassent les charges & fardeaux dont on les chargeoit ; & quand quelques-vns estoient lassez , ne pouuans plus marcher pour les grandes charges que l'on leur donnoit, ou s'ils estoient malades, ou foibles de faim , ou de soif , afin qu'il ne fallust desfaire la chaisne , & pour auoir plustost fait , ils leurs coup-
poiët la teste contre le collier, & tōboit ainsi le corps d'un costé , & la teste de l'autre. Que l'on considere ce que pou-
noient penser les autres. Certes quand il se depeschoit de tels voyages , les Indiens scachans que personne n'en reue-
noit , en partant ils pleuroient & sou-
spiroient, disans : Ce sont là les che-
mins par où nous souldions aller pour
seruir

seruir les Chrestiens ; & combien que nous trauaillions beaucoup, toutesfois en fin après quelque temps nous reuenions à nos maisons, à nos femmes, & à nos enfans : mais à cette heure nous allons sans aucune esperance de iamais reuenir pour les reuoir , & viure avec eux.

Vne fois comme il voulut faire des nouueaux partages des Indiens, pour ce que son plaisir fut tel : voire l'on dit que c'estoit pour oster les Indiens à qui il ne vouloit point de bien, & les donner à qui bon luy sembleroit : il fut cause que les Indiens ne sèmerēt point les terres vn an durant. Et comme il y auoit faute de pain , les Espagnols ostoyent aux Indiens tout le froment qu'ils auoyent pour leur prouision, ce qui causa la mort à plus de vingt ou trente mille personnes ; & fut la necessité si grande , qu'une femme enragée de faim, tua son fils pour le manger.

Ils ont tellement oppressé ces pauvres gens en leur faisant porter des ais & du marain à vn port esloigné de trente lieuës loin, pour faire des nauires , & les enuoyoit chercher du miel , & de la cire par les montagnes, où les tigres les deuoroient.

La plus grande peste qui a dépeuplé ceste Prouince , a esté la licence que ce Gouverneur donna aux Espagnols de demander aux Caciques & Seigneurs du pays des esclaves. Tous les mois ils obtenoient congé du Gouverneur pour cinquante esclaves : avec menaces que s'ils ne les donnoient , ils les brusleroient tous vifs, ou les feroiët manger aux chiens. Et comme ordinairement les Indiens ne tiennent point d'esclaves , & est beaucoup si vn Cacique en tient deux, trois , ou quatre, ils alloient à leurs subiects , & prenoient premierement tous les orphelins , & puis apres ils demandoiët de qui auoit deux

deux enfans , l'un : & de qui trois , ils en prenoient deux : & ainsi le Cacique fournissoit au nombre que le Tyran demandoit , & avec grands pleurs & cris du peuple : car ce sont gens qui aiment (à ce qu'il semble) tendrement leurs enfans. Et parce que cecy se faisoit souuentesfois , ils despeuplerent depuis l'an 23. iusques à l'an 33. tout ce Royaume : car il y alla six ou sept ans cinq ou six nauires à la fois , emmenans tous grands nombre de ces Indiens , pour les vendre pour esclaves , à Panama & au Peru , où ils sont tous morts : car c'est chose prouuée & experimentée mille fois , que quand les Indiens sont transportez de leur pays naturel , ils meurent bien tost : aussi ne leur donne-on point tousiours à manger , & si ne diminue-on rien de leur trauail : comme aussi l'on ne les achapte point sinon pour trauailler. Ils ont en ceste maniere tiré de cette

Prouince des Indiens qu'ils ont faits esclaves, qui estoient aussi libres que ie suis, plus de cinq cens mille ames: Et par les guerres diaboliques que les Espagnols leur ont fait, & par la seruitude horrible, en laquelle ils les ont mis, ils ont fait mourir autres cinquante ou soixante mille personnes, & en tuent encores à present. Toutes ces tueries ont esté faictes par l'espace de quatorze ans. Il y peut auoir au iourd'huy en toute ceste Prouince de Nicaragua le nombre de quatre ou cinq mille personnes, lesquelles ils font encores tous les iours mourir, avec des seruitudes & oppressions ordinaires & personelles, ayant esté le pays le plus peuplé du monde, comme j'ay desia dit.

De la nouuelle Espagne.

EN l'an mil cinq cens dix-sept se
descouurit l'Espagne neufue, au
descou

descouurement de laquelle se commirent grands desordres, & tueries à l'endroit des Indiens, par ceux qui faisoient cét exploict. En l'an mil cinq cens dix-huict, il y alla des Espagnols Chrestiens, comme ils se nomment, pour desrober & tuer, combien qu'ils disent y aller pour peupler le pays. Depuis cét an de dix-huict iusques au iourd'huy l'an mil cinq cens quarante deux, l'iniustice, la violence & les tyrannies que les Espagnols ont faict es Indes, sont venuës au plus haut degré d'extremité, ayans ces mesmes Espagnols entierement perdu la crainte de Dieu & du Roy, & s'estans oubliez eux mesmes: car les desconfitures, les cruautez, les tueries, les degasts, les destructions des Villes, les pilleries, les violences & les tyrannies, qu'ils ont faites en tât de Royaumes & si grands, ont esté telles & si horribles, que toutes les choses qu'auons dites, ne sont

rien au prix de celles qui y ont esté faictes & perpetrées depuis l'an mil cinq cens dix-huict, iusques à l'an mil cinq cens quarante deux : & encores à ce iourd'huy au mois de Septembre se font & se commettent les plus griefues & les plus abominables : de maniere que la regle qu'auons mise dessus, est veritable : C'est, que dès le commencement ils sont tousiours allez de mal en pis, & se sont surmontez eux-mesmes en plus grands desordres & actes diaboliques.

De sorte que depuis la premiere entrée en Espagne neufue, qui fut au dix-huictiesme iour d'Auril dudit an, iusques à l'an trente, qui sont douze ans entiers, les tueries & les desfaictes n'ont iamais cessé, que les sanglantes & cruelles mains des Espagnols ont continuellement faictes en quatre cens cinquante lieuës de pays, quasi à l'entour de Mexico & es lieux circonuoi-
sins,

lins, où il pourroit entrer quatre ou cinq grands Royaumes, aussi grands & beaucoup plus fertiles que n'est l'Espagne. Tout ce pays estoit plus peuplé que Toledo, & Seuille, & valadolid, & Saragoçe avec Barcelone : car il n'y auoit point en toutes ces Villes-là, & n'y eut iamais tant de monde quand elles furent les plus peuplées, qu'il y a eu audit pays, lequel contient en son entour plus de mille huit cens lieuës. Pendant les douze ans susdits, les Espagnols ont tué & fait mourir esdites quatre cens cinquante lieuës de pays, tant hommes que femmes, ieunes & petits enfans, plus de quatre millions de personnes à coups d'espée, & de lance, & par feu, durant les conquestes (comme ils les appellent) ou plustost durant les inuasions des Tyrans cruels, qui sont condamnées non seulement par la loy de Dieu, mais aussi par toute loy humaine, & sont

pires que celle, que fait le Turc, pour
destruire l'Eglise Chrestienne. Et ne
sont point icy mis en compte ceux
qu'ils ont tuez, & qu'ils tuent encores
tous les iours en la susdite seruitude,
& oppression ordinaire.

Il n'y a langue humaine, qui puisse
raconter les particularitez des actes
épouuantables, que ces ennemis pu-
blics, voire ces capitaux ennemis du
genre humain, ont fait généralement
par tout, & en diuerses parts, & en
temps diuers, dedans ledit contour,
ny mesme quelques actes à cause de
leurs circonstances qui les font plus
griefs, ne pourroient estre bonnement
expliquez par quelque diligence, temps
& escriture, qu'on y sceust employer,
Toutesfois ie diray quelque chose
d'aucunes parties, avec protestation &
serment, que ie n'en pense point ex-
pliquer vne seule partie de mille.

De la nouvelle Espagne en particulier.

ENTRE autres meurtres & massacres, ils firent aussi cestui-cy en vne Ville grande de plus de trente mille feux, qui s'appelle Cho Iula : c'est que tous les Seigneurs du pays & des enuirons, & premierement les Prestres avec leur grand Pontife, allans en procession au deuant des Espagnols, pour les recevoir avec grand accueil & reuerence, & les menans au milieu d'eux pour les loger à la Ville, aux maisons & logis du Seigneur, ou principaux Seigneurs de la Ville; les Espagnols s'auiserent de faire là vn massacre, ou chastiment (comme ils disent) à fin de mettre & semer vn espouuantement de leurs cruantez en tous les coings de ce pays-là. Car cecy a esté tousiours leur coutume en tous les pays ou ils sont entrez, d'y faire incontinent à leur arri- uée vne cruelle & remarquable tuerie,

à fin que ces pauvres & doux agneaux
tremblassent de peur qu'ils auroient
d'eux : tellement qu'ils enuoyerent
premierement appeller tous les Sei-
gneurs, & les Nobles de la Ville, &
de tous les lieux sujets à icelle, avec le
Seigneur principal : & ainsi comme ils
venoient pour parler au Capitaine
des Espagnols, ils furent incontinent
pris, sans que personne s'en fust ap-
perceu, qui en eust peu porter les nou-
uelles. On leur demandoit cinq ou
six mille Indiens pour porter les ba-
gages, & charges des Espagnols : les-
quels Indiens vindrent incontinent, &
furent mis és basses cours des maisons.
C'estoit grand pitié de voir ces pau-
ures gens, quand ils s'apprestoient
pour porter les charges des Espagnols.
Ils viennent tous nuds, seulement les
parties honteuses couuertes, ayans cha-
cun sur l'espaule vne rets avec vn peu
de viande : Ils s'abbaisent tous, & se
tien

vennent acroupis comme des pauvres
agneaux, se presentans aux espées : &
estans ainsi tous assemblez en la basse
cour avec des autres, vne partie de
ces traistres & perfides Espagnols tous
armez se mettent aux portes pour les
garder, & tous les autres mettent ces
pauvres moutons au fil de l'espée &
les lances, de sorte qu'il ne s'en est
pas peu eschapper vn seul, qu'il ne fust
cruellement mis à mort : sinon qu'au
bout de deux ou trois iours, voicy
venir plusieurs tous couverts de sang,
qui s'estoient cachez & sauuez entre
les corps morts, & se presentoient
pleurans deuant les Espagnols, leur de-
mandans misericorde, & la vie : mais
ils n'ont trouué en eux pitié, ny com-
passion aucune, ains furent tous taillez
en pieces. Tous les Seigneurs, qui
estoyent plus de cent, estoyent tenus
vifs : & le Capitaine commanda qu'ils
fussent bruslez vifs, estans attachez à
des

des paus fichez en terre. Mais vn Seigneur qui estoit paraenture le principal, & le Roy de ce pays-là, se sauua & se jetta avec quelques trente ou quarante autres hommes au temple, qui estoit-là, & estoit comme vn Fort, le quel ils appellent en leur langue *Quu* & là il se defendit vne bonne partie du jour. Mais les Espagnols (ausquels rien ne peut eschapper, mémemment aux gens d'armes, mirent le feu au temple & y bruslerent tous ceux qui y estoient. Lesquels jettoient ces voix & cris; O les mauuais hommes! ô les mauuais hommes! quel desplaisir vous auons nous fait, pour ainsi nous tuer? Allez, allez, vous irez à Mexico, où nostre Seigneur souuerain Motençuna prendra vengeance de vous. Il se dit que comme les Espagnols iouoyent en la basse cour ce beau jeu, mettans au fil de l'espee les cinq ou six mille hommes, leur Capitaine auoit le cœur tout resiouy,

eliouy , & chantoit :

*Mira Nero de Tarpeya à Roma como se
ardia :*

*Gritos dan niños viejos , y el de nada se
dolia.*

C'est à dire :

*Nero du Mont Tarpée contemple le feu
qu'en Rome il auoit mis :*

*Les vieux & vieux là se lamentent : son
cœur n'en est à compassion soubmis.*

Ils firent vne autre grande bouche-
e en la ville de Tepeaca , qui estoit
plus grande, & y auoit de maisons &
e peuple , plus qu'en la ville susdite.

De Cholula ils allerent vers Mexi-
co. Le Roy Motençuma leur enuoya
a deuant de grands presens , des Sei-
gneurs , & plusieurs personnes menans
este par le chemin. Et à l'entrée de la
haussée de Mexico , qui dure deux
euës, il leur enuoya aussi son propre
ere accompagné de beaucoup de
rands Seigneurs , portans de grands
pre

presens d'or, d'argent, & des vestemens; & à l'entrée de la ville, le Roy en personne avec toute sa Cour, les alla recevoir, estât porté en vne litiere d'or & les accompagna iusques au Palais qu'il leur auoit faict apprestier. En ce iour là mesme, comme quelques-vns m'ont dit, qui y furent presens, ils prindrent, par vne certaine dissimulation, le grand Roy Motençuma, comme il ne se doutoit de rien, & ordonnerent huictante hommes pour le garder, & apres luy mirent les fers aux pieds. Mais laissant tout cecy, comme y ayant trop à dire, ie vous feray voir vne chose notable, perpetrée par ces tyrans là. Le Capitaine de tous les Espagnols estant allé au port de la mer pour prendre vn autre Capitaine Espagnol qui venoit contre luy en guerre, & ayant laissé vn autre Capitaine en sa place, avec cent hommes pour garder le Roy Montencuma : ceux-cy
s'adui

aduiferent de faire vne chose fort remarquable , afin d'augmenter en ces lieux, la peur qu'on auoit d'eux. Cependant les Indiens, le peuple & les Seigneurs de la ville qui ne songeoient à rien autre qu'à donner plaisir & passe-temps à leur Seigneur qui estoit prisonnier , furent estonnez que comme ils eurent porté en ces danſes toutes leurs richesses & joyaux en signe de souuſſance , deux mille ieunes gens, sans des Seigneurs , & la fleur de la noblesse de tout l'estat de Motençua, furent tous passez au fil de l'espée, le Capitaine ayant commandé qu'à certaine heure, alors que les Indiens pensoient le moins, ils donneroient à mort ceste Noblesse , de maniere qu'il n'en laisserent vn seul en vie. Les autres firent de mesme en d'autres lieux, ce qui mit ces royaumes en vne telle solation, que tant que le monde durera ils se souuiendront de chanter & lamener

lamenteur en leurs Aryetos & bals, comme en rime, toutes ces calamitez, & la perte de leur Noblesse.

Les Indiens voyans vne si grande cruauté non iamais ouye, faicte à l'en-droict de tant d'innocens sans aucune cause : mesme ayans souffert patiemment l'emprisonnement non moins iniuste de leur Seigneur souuerain, lequel aussi leur auoit commandé qu'ils ne fissent point de guerre aux Espagnols, toute la ville se met en armes, dont les Espagnols estans assaillis, & plusieurs blesez, à grand peine peurent-ils échapper, & mirent vn poignart à la poictrine du prisonnier Motençuma pour le tuer, s'il ne se mettoit à la galerie, ou fenestre pour commander aux Indiens qu'ils se tinssent paisibles. Les Indiens ne se soucians pour lors d'obeyr, s'aduiferent de choisir vn Seigneur & Capitaine d'entr'eux pour conduire leur armée. Et parce que le

Capitaine

Capitaine qui estoit allé au port, re-
venoit victorieux, & amenoit beau-
coup plus d'Espagnols qu'il n'en auoit
mené, le combat cessa trois ou qua-
tre jours, iusques à ce qu'il fust entré
en la Ville: Lors les Indiens assem-
blerent vne infinité de gens de tout
le pays, & combattirent si long-temps,
que tous les Espagnols pensans y de-
meurer, s'auiserent d'abandonner par
une nuit la Ville. Ce qu'estant venu
à la connoissance des Indiens, ils en-
tuerent vne grande quantité sur les
bords des marécages. Mais apres les
Espagnols s'estans ralliez, ils donne-
rent combat à la Ville, où ils firent vne
horrible & espouuantable boucherie
des Indiens, tuerent vne infinité de
peuple, & y bruslerent vifs beaucoup
de grands Seigneurs.

Après ces grandes & abominables
tyrannies, commises en la Ville de
Mexico, & és autres Villes, & au pays
E d'alén

d'alentour de Mexico , à dix lieuës , & à quinze , & à vingt , où ont esté tuez gens infinis : ceste tyrannie & peste, passa plus auant, pour gaster aussi , infecter & desoler la Prouince de Panuco. C'estoit chose esmerueillable du grand nombre de gens qu'il y auoit, & des desfaictes & tueries qu'ils firent en la Prouince de Tupeque , de Ipilcingo , & de Columa , chacune Prouince contenant plus de pays que le Royaume de Leon & de Castille.

Il faut aussi noter que le titre avec lequel ils sont entrez , & ont commencé à destruire tous ces innocens & pauvres Indiens , & ont despeuplé ces pays-là , qui deuoient auoir causé vne grande ioye à ceux qui seroient vrayement Chrestiens , estans si peuplez : c'estoit à dire qu'ils vinsent à se mettre en subjection , pour seruir au Roy d'Espagne : autrement qu'ils les tue-roient, ou les feroient esclaves. Et ceux
qui

qui ne venoient incontinent pour satisfaire à des mandemens tant iniques, & ne se mettoient és mains de ces hommes cruels & brutaux, ils les appelloient rebelles, comme qui se feroient eslevez contre sa Majesté : & pour tels les accuserent-ils au Roy nostre Seigneur : l'aveuglement de ceux qui gouvernoient les Indiens, ne pouuans comprendre, ny entendre ce qui en leurs loix est plus clairement enseigné, que nul autre principe de roïct : c'est, que nul ne peut estre appellé rebelle, si premietement il n'est sujet. Que les Chrestiens & ceux qui ont quelque connoissance, considèrent à cette heure, si telles choses peuvent preparer & informer les cœurs des gens qui vivent en leur pays eurement, & ne pensent point devoir rien à personne, ains sont leurs propres Seigneurs : de leur dire ainsi soudainement ces nouuelles : Mettez

vous à l'obeyffance du Roy eſtranger
que vous ne viſtes , & de qui vous
n'ouyſtes iamaïs parler : autrement
vous ſçaurez que nous vous mettrons
incontinent en pieces : mémement
quand on void par experience qu'ils
le font auſſi pluſtoſt qu'ils ne l'ont dit.
Et qui eſt bien plus eſpouantable , ils
mettent ceux-la meſme qui obeyſſent,
en vne ſeruitude tres-dure , en laquelle
y a des traux incroyables , & des
tourmens plus grands , & de longue
durée que de ceux-là qui ſont execu-
tez par le glaiue : car en fin ils periſ-
ſent , eux , leurs femmes, leurs enfans,
& toute leur generation. Et poſé le
cas, que par les menaces & épouuan-
temens fuſdits, ces gens là , ou autres
quelconques au monde , viennent à
obeyr & reconnoiſtre la domination
d'un Roy eſtranger : ne voyent point
ces aueugles , & du tout eſtourdis
d'ambition , & d'auarice diabolique,
qu'ils

qu'ils ne gagnent partant vn rien de droit, comme ainsi soit que ce sont veritablement telles frayeurs & craintes qui peuuent mouuoir mesmes les hommes les plus constans & les plus auisez, & qui de droit naturel, humain & diuin, n'ont non plus de force qu'une poignée de vent, pour rendre vallable chose qui soit, sinon que la peine & l'obligation les attend au profond de l'Enfer. Je laisse les offenses & les dommages qu'ils font au Roy, quand ils gastent tant de ses Royaumes, & aneantissent (tant qu'ils peuuent) tout le droit qu'ils ont en toutes les Indes. Et ce sont là les services que les Espagnols ont fait, & ont encores à ceste heure en ces pays-à ausdits Roys & Seigneurs, avec ce beau titre tant iuste & bien orné.

Ce Capitaine Tyran enuoya avec ce beau & iuste titre deux autres Capitaines aussi Tyrans, & beaucoup

moins pitoyables que luy, aux grands Royaumes tres-florissans, & tres-fertiles, & pleins de gens, assauior au royaume de Guatimala, qui est à la mer de Midy: & celuy de Naco, & Honduras ou Guaymura, qui est à la mer du Nort, confrontant & confirmant l'un avec l'autre trois cens lieues de Mexico. Il enuoya l'un par terre, & l'autre par mer: l'un & l'autre mena beaucoup de gens à cheual & à pied.

Je dis en verité, que de ce que ces deux ont faict de mal, & principalement celuy qui alla au royaume de Guatimala (car l'autre mourut bien tost de male mort) il en pourroit estre fait vn grand liure de tant de tueries, de tant de desolations, & de tant d'outrages & iniustices brutales, qui pourroyent espouuanter le siecle present & à venir. Certes cestuy-ci surpassa tous les autres & presens & passez en quantité, & en nombre, tant pour les abo-
mina

minations qu'il commit, que pour les peuples & pays qu'il gasta & rendit deserts. Toutes lesquelles choses estoient infinies.

Celuy qui alla par mer fit de grandes pilleries, cruautez & desordres és peuples de la coste : au deuant duquel allans quelques vns avec des presens du royaume de Yucatan, qui est au chemin du royaume susdit de Naco & Guaymura vers où il alloit : quand il fut paruenu à eux, il enuoya des Capitaines, & beaucoup de gens par toute cette terre, qui pilloient, tuoyent, & destruisoyent autant de peuples & de gens qu'il y auoit : & principalement vn, lequel avec 300. hommes s'estant mutiné & rebellé, se jetta dans le pays de Guatimala, où il perdit hommes & villes, & fit sentir sa rage à plus de six vingt lieues de pays, afin que si on les eust poursuiuis, on eust trouué le pays dépeuplé : & hors de crainte d'e-

estre pris & tuez par les Indiens, en vengeance des dommages & degats faits par eux. Comme il arriua quelque iours apres, que le principal Capitaine contre qui certui-cy c'estoit leué, fut tué : auquel ont succédé plusieurs autres tyrans, lesquels par des tueries espouuantables ont perdu ces pauvres Indiens : si bien que depuis l'an mil six cens vingt-quatre, iusques à present, ils ont rendu ces Isles & Royaumes des deserts inhabitables, qui autresfois sembloient estre vn Paradis terrestre. Ils ont tué en onze ans plus de deux millions de personnes, n'ayans laissé en plus de cent lieuës de pays en quarré que 2000. personnes, lesquelles ils tuent encor tous les iours, ou tiennent captifs.

Or retournons à escrire du grand Tyran & Capitaine, qui alla à Guatimala : lequel comme il a esté dit, surmontoit tous les passez, & est esgal à

tous

tous ceux qui sont aujourd'huy depuis les provinces voisines à Mexico, lesquelles par le chemin qu'il a tenu (selon que luy mesme escriuit en vne lettre au principal Tyran qui l'auoit enuoyé) sont loing du Royaume de Guatimala 400. lieues, & alla tuant, desrobbant, bruslant & destruisant tout le pays par où il passoit, avec le titre susdict: disant qu'on se soumist à eux: à des hommes tant inhumains, tant iniques & tant cruels non du Roy d'Espagne qui leur estoit inconnu, & de qui ils n'auoient iamais ouy parler, & lequel ces gens là estimoyent estre plus iniuste & plus cruel qu'ils n'estoyent eux mesmes. Et ne donnans les Tyrans aucun espace de temps pour deliberer, ils se jettoient sur ces pauvres gens, quasi aussi tost que le message estoit faict: mettans sans aucune consideration tout à feu & à sang.

*De la Prouince, & Royaume
de Guatimala.*

Estant venu audit royaume, il y fit à la premiere arriuée grande ruerie de gens. Ce nonobstant le principal Seigneur alla le receuoir, estant porté en vne litière avec des trompettes & tabourins, festes, & esbatemens accôpagné de beaucoup de Seigneurs dela ville de Viclatan chef de tout le royaume, où ils se seruirent de tout ce qu'ils auoyent, & specialement en leur donnant à manger abondammét, & tout ce qu'ils demandoient le plus. Les Espagnols logerent icelle nuit hors la ville, parce qu'il leur sembloit qu'elle estoit forte, & qu'il y pourroit auoir du danger. Ce Capitaine appella le lendemain le principal Seigneur & plusieurs autres grands Seigneurs, lesquels estans venus cōme doux moutons, il les prit tous, & leur comman-
da

la de donner certaines sommes d'or, Eux respondans qu'ils n'en auoyent point, parce que le pays n'en donnoit point, il commanda incontinent qu'ils fussent bruslez vifs, sans auoir autrement commis crime quelconque, & sans autre forme de procez, ou sentence. Comme les Seigneurs de toutes ces Prouincès veirent qu'on auoit bruslé leurs souuerains Seigneurs, seulement à cause qu'ils ne donnoient point de l'or, ils s'enfuyent tous aux montagnes, commandans à leurs sujets d'aller aux Espagnols, & les seruir comme leurs Seigneurs: mais qu'ils ne les descouurissent point, n'y donnassent à connoître où ils estoient, Et voicy venir tous les gens du pays, disans qu'ils desiroient estre à eux, & les seruir comme leurs Seigneurs. Le Capitaine répondit qu'il ne les vouloit point recevoir, & qu'il les tueroit s'ils ne disoient

loyent où estoient leurs Seigneurs. Les Indiens dirent qu'ils n'en sçauoient rien : & quant à eux, ils estoient contents qu'ils se seruissent d'eux & de leurs femmes, & de leurs enfans, & qu'ils le trouuoient en leurs maisons, & là les pouuoient tuer, ou faire d'eux ce qu'il leur plairoit : & le mesme presenterent les Indiens souuentefois. Les Espagnols s'en allerent aux villages & bourgades : & trouuans là ces pauures gens trauaillans en leur labour avec leurs femmes & enfans : & ne se doutans de rien, ils les trauerferent de leurs lances, & les mirent en pieces. Ils s'en vindrent à vne bourgade grande & puissante, qui se tenoit plus qu'autre asseurée, à cause de son innocéce, laquelle les Espagnols desorent quasi toute en l'espace de deux heures, mettans au trenchans de l'épée, enfans & femmes, & hommes vieux, avec tous ceux qui ne peurent fuir.

Les

Les Indiens voyans que par leur humilité, par leurs presens & patience, ils ne pouuoient appaiser, ny adoucir ces cœurs inhumains & enragez: & que sans aucune couleur, ny raison, ils estoient mis en pieces: & voyans semblablemēt qu'ils deuoient aussi bien mourir: ils s'auiserent de s'assembler, & se rallier pour mourir tous en guerre, & se venger le mieux qu'ils pourroient, de tant d'ennemis cruels & diaboliques. Et sçachans assez qu'ils estoient non seulement sans armes, mais aussi tous nuds, debiles, & à pied, & tels qu'ils ne pourroient nullement se preualoir ou vaincre: mais qu'à la fin ils seroient destruits, ils s'auiserent de faire certaines fosses au milieu des chemins, auxquelles tombassent les cheuaux, & se perçassent le ventre dedans, des pieux aigus & bruslez, mis à propos, & couverts si bien de glazons, qu'il
sem

sembloit n'y auoir rien. Il y tomba des cheuaux dedans vne fois ou deux car les Espagnols s'en sceurent apres donner de garde. Et pour se venger, ils firent vne loy, qu'autant d'Indiens qu'on pourroit prendre vifs, de quel que aage ou sexe qu'ils fussent, ils seroient iettez dedans ces mesmes fosses. Ils y jettetent aussi des femmes enceintes & accouchées, & vieilles gens, autant qu'ils en peurent prendre, iusques à ce qu'elles furent remplies. C'estoit chose pitoyable à voir les femmes avec leurs enfans percez de ces pieux. Et tous les autres ils les tuerent à coups de lances & au trenchant de l'espée. Ils en iettoient aussi aux chiens acharnez, qui les deschiroient & deuoroient. Ils bruslerent vn Seigneur en vn grand feu à flammes viues, disans en ce luy vouloir faire honneur. Et persisterent en ces boucheries tant inhumaines enuiron sept ans, depuis
l'an

an 24. iusques à l'an 31. Que l'on iuge quel est le nombre des gens qu'ils peuuent auoir tuez.

Entre vne infinité d'actes horribles , que ce mal-heureux Tyran fit en ce Royaume avec ses gens : car ses Capitaines n'estoient point moins malheureux & insensez que luy , & avec les autres qui y aydoient , fut aussi notable cestui-cy : C'est qu'à la Prouince de Cuzcatan , où est à cette heure , ou bien à l'entour , la Ville de S. Saluador , qui est vn pays tres-fertile , avec toute la coste de la mer de Midy , qui s'étendoit quarante ou cinquante lieuës : & en la Ville de Cuzcatan qui estoit le Chef de la Prouince , luy ayant esté fait vn tres-grand accueil , plus de vingt ou trente mille Indiens l'attendant tous chargez de poulles & d'autres viures : Ce Capitaine estant arrivé , & ayans receu les presens , il commanda qu'un chacun des Espagnols prit

prit de ce grand nombre de gens ceux qu'il luy plaitoit , pour s'en seruir le temps qu'ils seroient-là , & qu'on les contraignit de porter tout ce qui seroit de besoin. Chacun en prit ou cent, ou cinquante, ou autant qu'il sembloit suffire pour estre fort bien seruy. Ces pauvres agneaux innocens seruoient de toute leur force les Espagnols , ne restant autre chose sinon qu'ils les adorassent. Cependant ce Capitaine demanda aux Seigneurs beaucoup d'or : car ils estoient principalement venus pour cela. Les Indiens respondirent , qu'ils estoient prests de donner tout l'or qu'ils auoient : & asssemblerent vne grande quantité de haches de cuiure qu'ils ont , & dont ils se seruent , dorez , qui semblent estre d'or , & aussi en tiennent elles quelque peu. Le Capitaine y fait mettre la touche , & comme il vit que c'estoit cuiure , il dit aux Espagnols : Qu'un
tel

el pays soit donné au Diable : allons
ous en d'icy , puis qu'il n'y a point
'or : & chacun mette les Indiens qu'il
retenu pour s'en servir, aux fers , &
es fasse marquer pour esclaves. Ce
u'ils firent, marquans du fer du Roy,
ous ceux qu'ils peurent. Je vis mesme
e fils du principal Seigneur d'icelle
ille, estre aussi marqué. Les Indiens,
ui estoient eschappez avec tous les
utres du pays, voyans toutes ces mes-
hancetez des Espagnols , commen-
erent à s'assembler , & à se mettre en
rmes, dont les Espagnols feirent de
randes tueries , & retournerent à
Guatimala , où ils bastirent vne Ville,
qu'elle à cette heure Dieu a renuer-
e d'un iuste iugement , avec trois
eluges venans tous ensemble : l'un
toit d'eau, l'autre de terre, & le troi-
ème de pierres , de la grosseur de dix
u vingt bœufs. Par ainsi tous les Sei-
neurs & les hommes qui pouuoient
F faire

faire la guerre, estans tuez, ceux qui
restoient, furent mis en la diabolique
seruitude susdite, estans faits esclaves
tributaires, & donnans fils & filles,
car ils n'ont point autrement d'esclaves.
Et ainsi les Espagnols enuoyans
des Nauires chargez au Peru pour les
vendre, & par leurs autres tueries, ont
destruict & rendu desert vn Royaume,
de cent lieuës en quarré ou davantage,
pays le plus heureux & peuplé qui peust
estre au monde. Et ce Tyran mesme
escriuit qu'il estoit plus peuplé que le
Royaume de Mexico en quoy il disoit
verité. Il a fait mourir avec ses
compagnons & confreres plus de quatre
ou cinq millions d'ames en quinze ou
seize ans, depuis l'an vingt-quatre,
iusques à l'an quarante: & encores à
cette heure, ils tuent, & destruisent
ceux qui y restent. Ce Tyran auoit
pour coustume quand il alloit faire la
guerre à quel

que

que Ville ou Prouince, d'y mener des
Indiens delia subiuguez, autant qu'il
pouuoit, pour faire guerre aux autres
& comme il ne donnoit point à man-
ger à dix ou vingt mille hommes qu'il
menoit, il leur permit de manger les
Indiens qu'ils prenoient: Et par ainsi
il auoit en son camp vne boucherie
ordinaire de la chair humaine, où en
sa presence on tuoit & rotissoit des en-
fans. Ils tuoient les hommes seulement
pour en auoir les mains & les pieds,
lesquelles parties ils tenoient pour les
meilleurs morceaux.

Il faisoit mourir de trauail vne in-
finité d'Indiens à faire des nauires, les-
quelles il menoit de la mer de Nort, à
celle de Midy, qui sont cent & trente
lieuës, les chargeans d'ancres pesans
trois ou quatre quintaux. Il transpor-
toit en cette maniere beaucoup d'ar-
tillerie, qu'il chargeoit sur les espau-
les de ces pauures gens nuds, d'où i'en ay

veu beaucoup defaillir par le chemin, à cause des grands & pesans fardeaux. Il desfaisoit les familles, ostant aux hommes leurs femmes & filles, lesquelles il donnoit apres aux mariniers & soldats, pour les contenter : qui les menotent en leurs armées. Il emplissoit les nauires d'Indiens, où ils moururent de soif & de faim. Certainement si i'auois à dire les particularitez de ces cruantez, ie ferois vn grand liure, qui estonneroit tout le monde. Il fit deux armées, chacune de beaucoup de nauires, avec lesquelles il consommoit comme avec vn feu & foudre venant du Ciel, toutes ces gens-là. O combien il a fait d'orphelins. Combien d'hommes & de femmes a-il fait vefues, les priuant aussi de leurs enfans ! Et combien d'adulteres a-il causé ! combien a-il rauy la liberté ? Combien d'angoisses & calamitez ont souffert par luy beaucoup de gens ? Com-
bien

Combien a-il fait jetter de larmes, de soupirs & gemissemens? Combien de deuotions a-il causé en cette vie presente, & en la vie à venir de damnation éternelle, non seulement aux Indiens, qui sont infinis: mais aussi aux malheureux Espagnols, de l'aide desquels il s'est seruy en violences si grandes, & pechez si enormes, & abominations si execrables? Je prie Dieu qu'il ait pitié de luy, & qu'il se soit contenté d'une si mauuaise fin qu'il luy a donné.

De la nouuelle Espagne & Panuco.

& Xalisco.

A Pres les grandes cruautez susdictes, & autres que i'ay obmis, qui ont esté faites és Prouinces de la neufue Espagne, & de Panuco: Il y arriua vn autre Tyran, cruel & forcené en l'an 1525. lequel en commettant beaucoup de cruautez, & en marquant plusieurs esclaués en la maniere susdicte, qui

estoyent tous hommes libres : & en en-
uoyant beaucoup de nauires chargez
aux Isles de Cuba & Espagnole, où ils
en pouuoient vendre le mieux, il ache-
ua de rendre deserte toute cette Pro-
uince. Et est aduenü qu'on y a donné
pour vne iument, huit cens Indiens,
ames raisonnables. Ce Tyran fut
pourueu de l'estat de President en la
Ville de Mexico, & de toute la nou-
uelle Espagne: & furent pourueus avec
luy d'autres Tyrans d'Office d'Audi-
teur, auxquels estats ils commirent
tant de meschancetez, tant de pechez,
tant de cruautez, larrecins, & abomi-
nations, qu'on ne les sçauroit croire.
Ils mirent ce pays en vne extreme de-
solation, que si Dieu ne les eust gar-
dés par la resistance des Religieux
de saint François, & s'il n'y eust esté
bien tost pourueu d'une audience, &
conseil royal, bon & amy de toute
vertu, ils eussent rendu deserte en deux
ans

ans toute l'Espagne neufue, comme est
deserte l'Isle Espagnole.

Après que le Capitaine principal
que j'ay dit, eut acheué de rendre de-
vert Panuco, & qu'il eut entendu les
nouuelles, que l'audience Royale ve-
noit, il s'auisa d'aller plus auant de-
dans le pays, pour decouurir où il
pourroit tyranniser: & tira par force
de la Prouince de Mexico quinze ou
vingt mille hommes, à fin qu'ils por-
tassent les charges & bagages des Es-
pagnols qui alloient avec luy: des-
quels il n'en reuint iamais deux cens,
les autres estans tous morts par les
chemins. Il arriua en la Prouince de
Mehuacam, qui est loing de Mexico
quarante lieuës, vn pays autant heu-
reux & pleins de gens, comme celuy
de Mexico. Le Roy & Seigneur du
pays l'allant receuoir, avec vne com-
pagnie d'une infinité de gens qui leur
faisoient mille seruices & courtoisies,

il le print incontinent , parce qu'il auoit le bruit d'estre fort riche d'or & d'argent : & à fin qu'il luy donnast de grands trefors, il commença à le tourmenter, le mettant en vn cep par les pieds, le corps estêdu, & les mains liées à vn pal, puis luy mit vne brasierre contre les pieds, & vn garçon avec vn arrosoir en main, mouillé dedans l'huile, qui arrosoit peu à peu, à fin de bien rostir la peau. Il y auoit d'vn costé vn homme cruel, lequel avec vne arbaleste bandée visoit droit au cœur : de l'autre costé il y auoit vn autre qui tenoit vn chien, faisant mine de le faire courir sus, qui en moins d'un *Credo* l'eust peu deschirer : & ainsi le tourmenterent-ils, à fin qu'il descouurist les thresors qu'il desiroit : iusques à ce qu'un Religieux de saint François l'osta : toutesfois il mourut dans ces tourmens. Ils tuerent de cette façon beaucoup de Seigneurs &

Caci

Caciques en cette Prouince, à fin qu'ils leur donnassent de l'or & de l'argent.

En ce temps-là, vn certain Tyran allant pour visitateur, plus des bourses (& pour desrober les biens des Indiens) que pour soin de leurs ames, trouua que quelques Indiens auoient caché leurs idoles, comme n'ayans iamais esté enseignez par les mal-heureux Espagnols de quelque autre meilleur Dieu. Il print & tint prisonniers les Seigneurs, iusques à ce qu'ils luy donnerent leurs idoles, pensant qu'ils fussent d'or ou d'argēt, & n'en estoient point: parquoy il les chastia cruellement & iniustement. Et à fin qu'il ne demeurast frustré de son attente, qui estoit de desrober, il contraignit lesdits Caciques, de les racheter, & les racheterent pour l'or & l'argent qu'ils purent trouuer, a fin de les adorer par dieux, comme ils auoient accoustumé de faire auparauant. Voila les

exemples & bonnes œuvres, que ces mal heureux Espagnols font à l'honneur de Dieu.

Ce grand Tyran & Capitaine passa outre de Machuacam à la Prouince de Xalisco, laquelle estoit entiere & tres-pleine de gens, & tres-heureuse: car c'est vn des plus fertiles & admirables pays des Indes, qui auoit des bourgades qui contenoient quasi sept lieuës. Comme il entroit en ce pays-là, les Seigneurs & les habitans, selon que tous les Indiens ont accoustumé de faire: l'allerent receuoir avec presens & allegresse, il commença à faire les cruautés & méchancetez qu'il auoit apprises, & que tous les autres ont accoustumé de faire: voire beaucoup plus, pour paruenir à la fin qu'ils pretendent: qui est de faire amas d'or, qui est leur Dieu. Il brusloit les Villes, il prenoit les Caciques prisonniers, & leur donnoit des tourmens; il faisoit esclaus

ous ceux qu'il prenoit, dont il en menoit vne infinité attachez en des chaînes. Les femmes accouchées allans chargées des bagages des mauuais Chrestiens, & ne pouuans porter leurs petits enfans à cause du trauail & de la faim, elles les jetterent par le chemin, dont il en mourut vne infinité.

Vn mauuais Chrestien prenant par force vne ieune fille pour en abuser, la mere s'y opposa: & comme elle la voulust oster, l'Espagnol tira son espée, & luy coupa la main, & tua la ieune fille à coups de poignard, parce qu'elle ne voulust point consentir à son appetit.

Entre plusieurs autres choses, il fit iniustement marquer pour esclaués quatre mille cinq cens ames, tât hommes, femmes, qu'enfans, sans vne infinité d'autres choses qui n'ont point esté mises en compte.

Ayant acheué ces diaboliques guerres,

res, il mit tous ces pays-là en la seruitude ordinaire, & permit que ses maistres d'hostel, & tous les autres fissent des tourmens non iamais ouïs, à fin de tirer de l'or & des tributs des Indiens. Son maistre d'hostel tua beaucoup d'Indiens, les pendant & brulant vifs, & ietta quelques vns aux chiens, leur couppant les mains, la teste, & la langue, eux estans en paix; seulement pour les intimider, à fin qu'ils les seruissent, & leur donnassent de l'or & des tributs: le tout au sceu & à la veuë de ce Tyran, iusques aussi à venir à à des fouës, bastonnades, soufflets, & d'autres especes de cruautez, esquelles il les exerçoit & oppressoit tous les jours.

Il se dit de luy, qu'il a destruiët & brulé en ce royaume de Xalisco huit cens bourgades: qui fut cause que les Indiens desesperez, & voyans ceux qui restoient qu'ils perissoient ainsi cruellement,

lement, ils s'esleuerent & allerent aux
montagnes tuans quelques Espagnols,
combien que ce fust à bon droict. Et
depuis à cause des iniustices & outrages
des autres Tyrans modernes, qui pas-
soyent par là, pour destruire les autres
Prouinces, ce qu'ils appellent décou-
rir, beaucoup d'Indiens s'assemble-
rent, se fortifiens sur certains rochers,
sur lesquels les Espagnols ont fait de
nouveau tant de cruautez, qu'ils ont
quasi mis tout ce grand pays en ruine.
Et quoy que ces mal-heureux ne s'e-
xercent qu'au mal, ils ne laissent de
dire, que leur guerre est iuste, contre
ces pauures innocens; disans que c'est
Dieu qui les leur donne, parce que
leurs guerres iniques se font de droict;
ainsi ils se resioüyssent, se glorifient, &
rendent graces à Dieu de leurs tyran-
nies, comme faisoient ses Tyrans &
larrons desquels parle le Prophete Za-
charie, cap. ii. *Pasce pecora occisionis, que*
qui

Histoire des Indes
qui occidebant, non dolebant: sed dice-
bant, Benedictus Deus, quia diuites facti
sumus.

Du Royaume de Yucatan.

EN l'an mil cinq cens vingt-six, fut
 constitué vn autre mal-heureux
 Gouverneur au Royaume de Yuca-
 tan, par les menteries & faux rapports
 qu'il auoit fait au Roy, comme ont
 fait les autres Tyrans iusques à cette
 heure, à fin qu'il leur donnast des of-
 fices & charges, par le moyen desquel-
 les ils peussent desrober. Ce Royau-
 me de Yucatan estoit fort peuplé,
 abondant en viures & en fruiets plus
 que Mexico:& singulierement il estoit
 abondant en miel & en cire, plus que
 nul autre quartier des Indes, qui ait
 esté veu iusques à present. Il contient
 environ trente lieuës de tour. Les gens
 de ce pays estoient les plus notables
 de toutes les Indes, tant en police &

en

en prudence, comme en bonne vie,
vrayement digne d'estre menez à la
connoissance de Dieu : entre lesquels
il se pouuoit bastir de grandes villes
par les Espagnols, qui y eussent peu
viure comme en vn Paradis terrestre,
s'ils n'en eussent esté indignes, à cause
de leur grande auarice, & pechez enor-
mes : comme aussi ils ont esté indi-
gnes de plusieurs autres bons partis,
que Dieu leur auoit montré en ces
Indes. Ce Tyran commença avec trois
cens hommes, de faire la guerre à ces
bonnes gens innocens, qui estoient
en leurs maisons, sans faire tort à per-
sonne : où il tua, & ruina gens infini.
Et parce que le pays ne porte point
d'or, car s'il en eust porté, il eust con-
sumé ces Indiens-là à les faire trauail-
ler aux minieres, pour faire de l'or
des corps & des ames de ceux pour
lesquels Iesus-Christ est mort : il fit
generalement esclauers tous ceux qu'il
ne

ne tua point , & renuoya des nauïres qui estoient venus au bruit des esclaves , pleins de gens vendus , pour vin , huile , vinaigre , chair de porc sallée , vestemens , cheuaux , & ce que chacun auoit de besoin , selon que le Capitaine iugeoit & estimoit. Il laissa choisir entre cent ou cinquante ieunes filles , donnant la plus belle & la mieux disposée pour vn baril de vin , d'huile , de vinaigre , ou pour vn pourceau salé. Et semblablement il donnoit à choisir vn ieune garçon bien dispos entre deux ou trois cens , pour les choses susdites. Et est aduenü qu'un garçon qui sembloit estre fils de quelque Prince , fut donné pour vn fromage , & cent personnes pour vn cheual. Il continua ces mauuaisés actions , depuis l'an vingt-six , iusques à l'an trente trois , qui sont sept ans , desolant & déplorant ce pays sans aucune misericorde , iusques à ce que les nouuelles vindrent des richesses

richesses du Peru, ce qui donna occasion aux Espagnols de cesser ceste tyrannie diabolique pour vn temps. Quelques iours apres les gens retournerent à faire & commettre d'autres meschancetez énormes, des larrecins, des emprisonnemens, & des offenses grandes contre Dieu, & ne cessent encores aujourd'huy de les faire, & ont quasi rendu desertes & despeuplées toutes ces trois cens lieües, lesquelles estoient autant pleines & peuplées, comme i'ay dit.

Il n'y a homme qui peust croire, ne lire les cas particuliers des cruautez qui se sont commises. I'en raconteray seulement deux ou trois, dont il me souuient à ceste heure. Comme les malheureux Espagnols alloient avec leurs chiens furieux cherchans au trac, & venans les Indiens, femmes & hommes: vne Indienne malade, voyant qu'elle ne pouuoit fuir, ny eschapper

des chiens qu'ils ne les deschirassent, comme ils faisoient les autres, elle print vne corde, & s'en pendit à vne poutre, ayant attaché à son pied vn enfant de l'aage d'un an qu'elle auoit: & ne l'eust point si tost fait, que voycy venir les chiens despecher l'enfant, combien que deuant qu'il mourust, vn Frere Religieux le baptisa.

Quand les Espagnols partirent de ce Royaume, vn d'entr'eux dit au fils d'un Seigneur de quelque Ville ou Prouince, qu'il allast avec luy: l'enfant dit qu'il ne vouloit point laisser son pays. L'Espagnol répondit, Vien avec moy, ou ie te couperay les oreilles. Le ieune Indien persista, disant, qu'il ne vouloit point laisser son pays: l'Espagnol tirant son poignard, luy coupe l'une & l'autre oreille. Le ieune homme disant tousiours qu'il ne vouloit point laisser son pays, il luy coupa aussi le nez avec les levres de dessus.

tout

tout en riant, & n'en faisant non plus
de cas, que s'il ne luy eust donné
qu'une chiquenaude.

Cet homme damnable se loüoit, &
vantoit vilainement à vn venerable
Religieux, disant qu'il trauailloit
tant qu'il pouuoit à engrosser beau-
coup de femmes Indiennes, à fin qu'il
receut plus d'argent en les vendant
grosses d'enfans pour esclauues.

En ce Royaume, ou en vne Prouin-
ce de la neufue Espagne, vn certain
Espagnol alla vn iour avec ses chiens
à la chasse; & ne trouuant que pren-
dre, il luy estoit aduis que les chiens
auoient faim, & print vn petit en-
fant qu'il osta à sa mere, & luy coup-
pant les bras & les jambes, le mit
en pieces, donnant à chacun chien sa
part: puis apres estans icelles pieces
mangées, il ietta aussi le reste du corps,
ou le tronc, à tous les chiens ensem-
ble. Il se void icy combien est grande

la stupidité des Espagnols en ce pays-là, & comment Dieu les a liurez en vn sens reprouué, & quel conte ils tiennent de ces gens-là qui sont créez à l'image de Dieu, & rachetez de son sang. Nous verrons cy apres les choses encores pires.

Laiſſant les cruantez infinies & non iamais ouïyes, que firent en ce Royaume ceux qui ſe diſent Chreſtiens, telles que nul iugement ne les ſçauroit aſſez imaginer, ie veux conclurre avec cecy : c'eſt qu'eſtans ſortis de ce Royaume, tous les Tyrans diaboliques auuglez, & conuoiteux des richèſſes du Peru, le Pere Frere Jacques avec quatre Religieux de ſainct François, fut eſmeu d'aller en ce Royaume, pour le pacifier, & pour y preſcher, & tirer à Ieſus-Chriſt ceux qui y pourroient reſter des meurtres tyrâniques, que les Eſpagnols y auoient fait en ſept ans. Et ie croy que ceux-cy
furent

es Religieux lesquels en l'an 34. certains Indiens de la Prouince de Mexico, enuoyans au deuant d'eux des messagers, requeroient qu'ils entrassent en leur pays, pour leur donner connoissance d'un vray Dieu, & Seigneur de tout le monde: & à l'occasion desquels les Indiens tindrent conseil, pour sçauoir quels hommes estoient ceux là, qui se disoient Peres & Freres: & ce qu'ils pretendoyent, & en quoy ils differoient des Espagnols, desquels ils auoient receu tant d'outrages & iniures: accordans à la fin de les receuoir, à condition qu'eux seuls entreroient, & non les Espagnols avec eux: ce que les Religieux leur promirent: car il leur estoit permis, & auoit esté commandé du Viceroy de la Nouueue Espagne d'ainsi faire, & qu'il ne leur seroit fait aucun desplaisir par les Espagnols. Les Religieux leur prescherent l'Euangile de Iesus-Christ,

comme ils ont accoustumé de faire, & la sainte intention des Roys de Castille, desquels tous les sept ans passez les Espagnols ne leur auoient iamais donné aucune notice, ny qu'il y auoit autre Roy, que celui qui les tyrannisoit & destruisoit; qu'au bout de quarante iours que les Religieux y estoient entrez, & y auoient presché, les Seigneurs du pays leur apportèrent, & mirent en leurs mains toutes les idoles, à fin qu'ils les bruslassent: par après aussi ils leur amenerent leurs enfans, à fin qu'ils les enseignassent, lesquels ils ayment plus que la prunelle de l'œil. Ils leur faisoient aussi des Eglises, & des Temples, & des maisons. Et quelques autres Prouinces les appellerent & inuiterent, à fin qu'ils leur vinsent aussi prescher, & donner connoissance de Dieu, & de celui qu'ils disoient estre le Roy de Castille. Et estans persuadez & induits
par

ar les Religieux , ils firent vne chose
ue iamais encores n'auoit esté faite
s Indes; (car tout ce que controuuoït
quelques Tyrans , qui ont gasté ces
royaumes & grands pays , pour blas-
mer & denigrer les Indiens, sont bour-
es , & menteries) douze ou quinze
seigneurs , qui auoyent beaucoup de
sujets & de pays , assemblans chacun
son regard leur peuple , & prenans
leur aduis & consentement , s'assuiet-
issoient de leur propre mouuement à
la domination des Rois de Castille, re-
ceuant l'Empereur comme Roy d'Es-
pagne pour souuerain Seigneur. De-
puis ils firent aussi certaines signatu-
res , lesquelles i'ay chez moy , avec les
tesmoignages desdits Religieux.

Les Indiens estans ainsi acheminez
en la foy, avec tres-grande joye & espe-
rance des Freres Religieux de pouuoir
mener à Iesus - Christ tout le peuple

de ce Royaume, qui restoit en petit nombre, des tueries & guerres païsées. il entra en ceste Prouince 18. Espagnols, à cheual, & 12. à pied, menans quant & eux beaucoup de charges d'idoles qu'ils auoient prinſes en des autres Prouinces aux Indiens. Le Capitaine desdits trente Espagnols appella à ſoy vn Seigneur du pays, par où ils eſtoient entrez, & luy commanda de prendre de ces idoles, & les departir par tout ſon pays, vendant chacun idole pour vn Indien, ou Indienne, pour les faire eſclaues, avec menaces que s'il ne le faisoit, il luy feroit la guerre. Ledit Seigneur eſtant forcé de peur, distribua les idoles par tout le pays, & commanda à tous ſes ſujets, qu'ils les priſſent pour les adorer, & qu'ils donnassent en change des Indiens & des Indiennes, pour en faire des eſclaues. Les Indiens eſtans intimidéz, ceux qui auoient deux enfans,

en donnoient vn, & qui trois, en donnoient deux. Et ainsi ce Cacique contentoit les Espagnols, ie ne dis pas Chrestiens.

Vn de ces brigans diaboliques, nommé Iean Garcia, estant malade & prochain de la mort, auoit au dessous de son liët deux charges d'idoles, & commanda à vne Indienne, qui le seruoit, qu'elle gardast bien de ne donner point ses idoles, qui estoient-là pour des fariboles: car elles estoient fort bonnes: & de ne prendre point moins d'un esclaue pour piece: & en fin avec ce testament & derniere volonté, le mal-heureux mourut, empesché dans un soin, qui l'a logé au fond d'Enfer.

Qu'on regarde, & qu'on considere à cette heure, quel est l'auancement de la religion, & quels sont les bons exemples du Christianisme des Espagnols, qui vont aux Indes: quel honneur ils font à Dieu, comment ils tra-

uaillent à fin qu'il soit connu & adoré de ces gens-là, quel soing & cure ils ont de faire ; de sorte que par icelles creatures soit semée, croisse, & s'augmente la sainte foy : Et que l'on iuge aussi, si le peché de ces gens-là a esté moindre, que celui de Ieroboam, *qui peccare fecit Israel*, faisant les deux veaux d'or, à fin que le peuple les adorast : ou bien, s'il n'a point esté semblable à celui de Iudas, & qui ait causé plus de scandales. Voilà les œuvres des Espagnols, qui vont aux Indes, qui veritablement beaucoup de fois, voire par avarice, & pour auoir de l'or, ont vendu & vendent, ont renié, & renient encores à present Iesus-Christ.

Les Indiens voyans que ce que les Religieux auoient promis n'estoit pas obserué, & que les Espagnols leur amenoient des idoles des autres lieux pour les leur vendre : eux ayans mis toutes
les

es leurs es mains des Freres Religieux,
fin qu'elles fussent brullées, & que
e vray Dieu fust par eux adoré, tout
e pays s'est mutiné & despité contre
es Freres Religieux : & les Indiens
ont à eux, disans : Pourquoi nous
uez vous menty, en nous promet-
ant par tromperies, qu'il n'entreroit
oint d'Espagnols en ces pays ? Et
pourquoy nous auez vous brullé nos
ieux, puis que vos Espagnols nous
n ameinent d'autres ? Nos dieux n'e-
oient-ils pas aussi bons que ceux
es autres Prouinces ? Les Freres Re-
gieux les appaierent le mieux qu'ils
eurent, ne sçachans que respondre :
t s'en allerent chercher les trente Es-
pagnols:auſquels ils declarerent le mal
u'ils auoient fait : les prians de se de-
partir de là. Ce que les Espagnols ne
oulurent faire : mais dirent aux In-
iens, que les mesmes Freres Religi eux
es auoient fait venir là : qui fut vne
malice

malice extreme; qui dôna suiet aux Indiens de tuer les Freres Religieux: mais ces bons Peres en estans aduertis par des mesmes Indiens, se retirerent; & leur innocence estant reconnue; & la meschanceté des Espagnols apparence, avec humble pardon, ils enuoyerent des messagers apres eux, bien cinquante lieuës loing: les prians de reuenir. Les Religieux comme seruiteurs de Dieu, & zelateurs d'icelles ames, leur adioustans foy, retournerent à eux, & furent receus comme des Anges. Et les Indiens leur faisans mille seruices, ils furent ainsi avec eux quatre ou cinq mois. Et parce que ces Espagnols ne voulurent iamais se departir de ces pays-là: & que mesme le Viceroy avec tout ce qu'il peut faire, ne les sceust retirer, pour estre la neuue Espagne bien loing de là, combien qu'il les fit proclamer traistres: & d'autant qu'ils ne cessoient de faire les outrages

rages & griefs accoustumez aux Indiens, voyans les Religieux que tost ou tard, ils s'en sentiroient, & que par aventure le mal pourroit tomber sur eux : & mesmement qu'ils ne pouvoient prescher aux Indiens avec repos & assurance des Indiens & d'eux-mesmes, à cause des assauts continuels & mauuais deportemens des Espagnols : ils delibererent de laisser ce Royaume, lequel demeura ainsi destitué de lumiere & de doctrine : & demeurerent ces ames-là és tenebres de ignorance, & en la maniere où elles estoient.

De la Prouince de sainte Marthe.

LA Prouince de Sainte Marthe estoit vn pays, où les Indiens prenoient tout plein d'or, estant la terre avec les autres voisines bien riches, & les gens industrieux à tirer de l'or. Ce qui a causé que depuis l'an mil quatre cens,

cens nonante & huiet, iusques à l'an mil cinq cens quarante deux, diuers tyrans sont allez continuellement auec des nauires, courans & rauageans le pays, tuans & dérobbans ces gens-là & leur ostans ce qu'ils auoient d'or, & rendans tousiours à leurs nauires qu'ils alloient & venoient souuentefois. Et ainsi ils firent en ces Prouinces de grande cruauté, & ce communement par la coste de la mer, & quelques lieux dedans le pays, iusques à l'an mil cinq cens vingt-trois, laquelle année quelques Espagnols tyrans y firent leur demeure. Et parce que le pays, comme il a esté dit, estoit fort riche, il y succéda diuers Capitaines, les vns plus cruels que les autres : de sorte qu'il sembloit qu'un chacun s'efforçast à qui feroit des cruautés plus enormes, que son deuancier n'auoit faict. En l'an mil cinq cens vingt-neuf, il y alla un grand Tyran bien deliberé, avec beaucoup de

de gens , sans aucune crainte de Dieu,
ny comprission du genre humain , le-
quel fit des degasts , & tueries si gran-
des , qu'il surpassoit tous ceux qui y
estoitent allez deuant luy , déroband
par l'espace de six ou sept ans qu'il
y estoit , grands thresors : puis apres luy
estant mort sans confession , & s'estant
enfuy du lieu de sa residence , luy suc-
cederent d'autres Tyrans aussi meur-
triers & larrons , qui mirent à fin le re-
ste des gens , que les sanglantes mains
des Tyrans precedans n'auoient peu
extirper. Ils se mirent si auant au pays,
rauageans & desolans beaucoup de
Prouinces , y tuans & prenans prison-
niers les gens , à la façon desia practi-
quée és autres Prouinces , faisans souf-
rir grieus tourmens aux Seigneurs &
à leurs subiects , & pour leur faire des-
couurir l'or , & les lieux où y auoit de
l'or : surmontans , comme il est dit , en
nombre de meschancetez , & cruelles
manie

manieres de faire tous les passez , l'auant que depuis l'an 1529. iusques au iourd'huy , ils ont rendu desertes en ces quartiers-là , plus de quatre cens lieuës de terre, qui n'estoit moins peuplée que les autres pays dont nous auons parlé.

Veritablement , si i'auois à faire vñ denombrement des meschancetez, des tueries, des desolations, des iniquitez, des violences, des massacres , & des autres grands pechez que les Espagnols ont faict , & commis en ces Prouinces de saincte Marthe, contre Dieu le Roy , & contre icelles innocentes nations : i'en ferois vñe histoire bien grande. Mais cela se fera en sō temps, si Dieu me donne la vie : seulement ie diray quelque peu de mots de ce qu'en a escrit l'Euesque de ceste Prouince au Roynostre Sire : & est la lettre en date du vingtième de May, l'an 1541. Lequel Euesque entre autres paroles

dit ainsi : Je dis , sacrée Majesté , que le
moyen pour remedier à cette contrée , est ,
que sa Majesté la mette hors de la puissan-
ce des paratres , & luy donne un mary
qui la traite comme il est de raison , & se-
lon qu'elle merite , & ce le plustost qu'il
s'en pourra faire : autrement ie suis certain ,
que selon que les Tyrans qui en ont le gou-
uernement , la tourmentent & trauaillent ,
elle prendra bien tost fin , &c. Et plus bas
il dit : Par où vostre Majesté connoistra
clairement , comment ceux qui gouuernent
en ces quartiers , meritent estre desarçon-
nez & deposez de leur gouuernement , à
fin que les Republiques soyent soulagées.
Que si cela ne se fait , à mon aduis ils
ne pourront iamais estre gueris de leurs
maladies. Sa Majesté sçaura aussi , qu'en
ces pays il n'y a point de Chrestiens : mais
des Diables , qu'il n'y a point de seruiteurs
de Dieu , ny du Roy : mais des traistres à
leur loy , & à leur Roy. Et en verité le
plus grand empeschement que ie trouue à

H

reduire

reduire les Indiens qui sont en guerre, & à les mettre en paix, & à mener ceux qui sont en paix à la connoissance de nostre Foy: c'est le traictement inhumain & cruel que ceux qui sont en paix reçoivent des Espagnols, en estans si fort degoustez & picquez, qu'ils n'ont rien plus en haine & horreur que le nom des Chrestiens, lesquels en tous ces pays ils appellent en leur langue Yares, qui veut dire Diables. Et sans point de faute, ils en ont raison. Car les actes qu'ils commettent icy, ne sont ny de Chrestiens, ny d'hommes qui vsent de raison, mais de diables: d'où vient que les Indiens voyans ces comportements estre generalement tant esloignez de toute humanité, & sans aucune misericorde, aussi bien és chefs comme és membres: ils estiment que les Chrestiens tiennent ces choses pour loy, & que leur Dieu, & leur Roy en sont auteurs. Et de vouloir travailler à leur persuader autrement, ce seroit vouloir travailler en vain, & leur donner plus grande matiere de se
rire,

rire, & se mocquer de Iesus-Christ, & de sa Loy. Les Indiens qui sont en guerre voyans le traictement qu'on fait aux Indiens qui sont en paix, ayment beaucoup mieux mourir vne fois, que d'endurer plusieurs morts estans en la puissance des Espagnols. Je sçay cecy par l'experience inuictissime Cesar, &c. Il dit d'abondant en vn chapitre plus bas. Sa Majesté a par deça plus de seruiteurs qu'elle ne pense: car il n'y a soldat de tous ceux qui y sont, qui n'osast dire ouuertement & publiquement, que s'il brigande, desrobe, gaste, tuë, ou brusle les subiects de sa Maiesté, à fin qu'ils donnent de l'or, il sert en cela à vostre Majesté, avec ce titre qu'il dit que de là, il en vient à sa Majesté sa part. Parquoy Cesar tres-Chrestien, il seroit bon, que vostre Majesté donnast à entendre, en chastiant quelques-vns rigoureusement, qu'elle ne reçoit point de seruice en chose par laquelle Dieu est desobey & des-honoré. Tout ce que dessus, sont les paroles

formelles dudit Euesque de Sainte Marthe, par lesquelles il se voit clairement ce qu'aujourd'huy se fait en tous ces pauvres pays contre ces gens innocens. Il appelle Indiens de guerre, ceux qui se sont sauuez par les montagnes en fuyant les tueries des mal-heureux Tyrans. Il appelle aussi Indiens de paix, ceux qui apres auoir perdu vne infinité de gens par des massacres, ont esté mis en la tyrannique & horrible seruitude susdite, dont à la fin ils ont esté desolez, & tuez comme il appert par ce qui en a esté dit par l'Euesque, qui toutesfois ne parle que bien peu de ce qu'ils ont souffert.

Les Indiens de ce pays-là ont accoustumé de dire, si quand on les travaille & mene par les montagnes chargez, ils viennent à tomber, & defaillir de foiblesse & de peine: car à cette heure-là on leur donne des coups de
pieds

pieds & de bastons, & leur rompt-on les dents avec les pommeaux d'espées, à fin qu'ils se releuent, & marchent auant, sans prendre haleine, avec ces paroles : O combien tu es meschans ! ils ont, dis-je, accoustumé de dire ; Je n'en puis plus, tuez-moy icy : ie desire de mourir icy : & ils disent cecy avec grands souspirs, & à peine pouuans parler, pour auoir le cœur serré, montrant grande angoisse & douleur. Mais qui pourroit donner à entendre la centième partie des afflictions & calamitez que ces gens innocens souffrent des malheureux Espagnols : Dieu les vueille faire connoistre à ceux-là qui peuuent & doiuent y remedier.

De la Prouince de Carthagene.

Cette Prouince de Carthagene est située au deffous, & à cinquante lieues de celle de Sainte Marthe vers l'Occident, confinant avec la Prouince

de Cenu iusques au Golfe de Vraba, qui sont cent lieuës au long, de la mer & est vn grand pays dedans la terre vers le midy. Ces prouinces depuis l'an 1498. ou 99. iusques à cette heure ont esté mal traictées, & desolées, comme celles de sainte Marthe; & ont esté en icelles faictes par les Espagnols des cruautéz, des saccagemens, & pilleries enormes, lesquelles à fin de mettre plus tost fin à ce bref sommaire, ie ne veux point particulariser, pour auoir plus de loisir de pouuoir raconter les meschancetez qui se commettent en d'autres Prouinces.

De la Coste des Perles, & de Paria, & de l'Isle de la Trinité.

DEpuis la coste de Paria, iusques au Golfe de Veneçuela exclus, qui sont 200. lieuës, les Espagnols ont fait de grands & estranges degasts, brigandans ces gens là; & en prenans de vifs

le plus qu'ils peurent , à fin de les vendre pour esclaves, & les captiuans souventesfois contre l'assurance & l'amitié qu'ils leur auoyent promise , ne leur gardans point la foy donnée, nonobstant le bon accueil qu'ils auoyent receu de ces bonnes gens , ayans esté accueillis & traictez en leurs maisons comme des peres & des enfans , se seruans , & jouïssans de tout ce qu'ils auoient & pouuoient. Il ne se pourroit bonnement dire, ny exprimer particulièrement , quelles , & combien grandes ont esté les iniustices , les iniures & les foulles que les gens de ce costelà ont enduré des Espagnols, depuis l'an mil cinq cens dix , iusques à présent. Je veux seulement raconter deux ou trois actes qu'ils ont commis , par lesquels il se pourra iuger des autres innombrables & tres-meschans , qui estoient dignes de tous tourmens & feu.

En l'Isle de la Trinite, qui est beaucoup plus grande, & plus fertile que n'est la Sicile, & est jointe à la terre ferme, du costé de Paria, & où les gens sont les meilleurs, & les plus vertueux, en leur qualité, de toutes les Indes, comme il y alla vn brigád en l'an 1510. accompagné de soixante, ou septante autres brigandeaux bien-faiçts : ils commanderent aux Indiens par publication & cris publics, de venir demeurer & viure avec eux en icelle Isle. Les Indiens les receurent comme leurs propres entrailles & enfans, & tant les Seigneurs que les sujets les seruoient avec tres-grande allegresse, leur apportans à manger par chacun iour, autant qu'il pouuoit suffire, pour nourrir encores vne fois autant de gens : car c'est bien la coustume & la liberalité de tous les Indiens de ce nouueau monde, de donner aux Espagnols en tres-grande abondance de

tout

tout ce qu'ils ont , & dequoy ils ont
e plus de besoin. Les Espagnols
irent vne grande maison de bois ,
fin que les Indiens y demeurassent
ous ensemble : car les Espagnols le
voulurent ainsi , qu'il y eust seule-
ment vne maison , & non plus , pour
aire ce qu'ils auoient desia projeté
de faire : & le firent. Quand ils met-
oient la paille sur les verges , ou sur
e bois , & auoient desia couuert à la
auteur de deux hommes , à fin que
eux de dedans ne peussent voir ceux
qui estoient dehors , sous couleur d'a-
uancer l'ouurage , & à fin qu'il fust
bien tost acheué , ils mirent beau-
coup de gens dedans , se diuisans
es Espagnols , & se mettans vne par-
tie dehors à l'entour de la maison ,
avec leurs armes , à cause de ceux qui
eussent peu sortir , & vne autre par-
tie d'iceux se mettant dedans la mai-
son. Et ainsi ils mirent les mains aux

H 5 espèces,

espées, & commencerent à menacer les Indiens nuds, de les tuer s'ils se bougeoient, & à les lier. Et à ceux qui s'enfuyoient, ils les mirent en pieces: quelques-vns des Indiens qui s'enfuyrent, & des blesez, & des non blesez, & d'autres du peuple qui n'estoient point entrez en la maison, prindrent leurs arcs, & flesches, & s'assemblerent en vne autre maison, en nombre de cent, ou de deux cens. Et comme ils deffendoient la porte, les Espagnols mirent le feu à la maison, & les bruslerent tous vifs. Et s'en vont avec leur prinse, qui pouuoit estre de cent & huietante, ou de deux cens hommes, qu'ils auoient sceu lier, à l'Isle de saint Iean, où ils en vendirent la moitié, & de là à l'Isle Espagnole, où ils vendirent l'autre moitié. Comme ie reprenois le Capitaine de cette notable trahison, & meschanceté, au mesme temps &
à la

la mesme Isle de saint Iean, il me
espondit : Seigneur, deportez-vous
de cela : Ainsi m'ont commandé de
faire, & m'en ont donné instruction
ceux qui m'ont enuoyé : que si ie ne
es pouuois prendre par guerre, ie les
prinsse sous espece & couleur de paix,
et veritablement le mesme Capitai-
ne me dit, qu'en toute sa vie, il n'a-
uoit trouué ny pere, ny mere, sinon
en l'Isle de la Trinité, pour les bons
offices que les Indiens luy auoient
fait : & dit cecy à sa plus grande con-
fusion, & aggrauant dauantage ses pe-
chez. Ils ont fait des choses sembla-
bles infinies en cette terre ferme, pre-
sant les pauvres gens contre l'asseu-
rance donnée. Que l'on regarde quels
ceux sont ceux-cy : & si les Indiens
ainsi prins, peuuent iustement estre
faits esclaves.

Vne autrefois, les Freres Religieux
de S. Dominique de nostre Ordre,
estans

estans deliberez d'aller prescher & conuertir ces gens-là, qui n'auoient le remede, ny la lumiere de doctrine pour sauuer leurs ames, comme sont aujourd'huy les Indiens: ils enuoyerent vn Religieux licencié en Theologie, homme vertueux & saint, avec vn Religieux lay son compagnon, à fin qu'il prinst veuë du païs & qu'il traitast avec les gens, & cherschast vn lieu propre pour bastir des Monasteres. Les Religieux estans arriuez, ils les receurent comme Anges venus du Ciel, & ouyrent avec grande affection, attention, & allegresse les paroles qu'à cette heure-là les Religieux leur peurent donner à entendre, plus par signes qu'autrement: car ils ne sçauoient point la langue. Il aduint qu'il y arriua vn nauire, apres que celuy qui auoit amené ledit Religieux fut party, & les Espagnols de ce nauire vsans de leur custume

diabo

abolique emmenent par tromperie,
ns le sceu des Religieux, le Seigneur
u pays qu'on appelloit Don Alonso,
it que les freres Religieux , ou des
autres Espagnols luy eussent donné ce
om : car les Indiens ayment & desi-
nt porter le nom des Chrestiens , &
emandent incontinent qu'on le leur
onne aussi deuant qu'ils sçachent rié
our pouuoir estre baptisez. Ils indui-
nt frauduleusement Don Alonso à
nter au nauire avec sa femme &
autres personnes , faisans semblant
e les vouloir festoyer. En fin ils en-
erent dixsept personnes avec le Sei-
neur & sa femme , se confiant le Sei-
neur , que les Religieux estants en-
ez en son pays , empescheroient les
Espagnols de luy faire quelque tort :
ar autrement il ne se fust point fié à
ux. Les Indiens estans entrez au na-
ire , les traistres Espagnols hausse-
ent les voiles , & yindrent à l'isle
Espagno

Espagnole, & là les vendirent pour esclaves. Tout le pays voyant qu leur Seigneur & leur Dame souverain ne estoient emmenez, ils viennent aux Freres Religieux, les voulans tuer. Les Religieux voyans vne si grande meschanceté, furent extremement affligez, parce que c'estoit mettre en perillement, que ces creatures n'ouysent iamais la parole de Dieu, & n'y creussent. Ils appaiserent neantmoins les Indiens, le mieux qu'ils peurent disans qu'avec le premier navire qui partiroit, ils escriroient, & feroient tant qu'on leur redroit leur Seigneur & les autres qui estoient avec luy. Dieu enuoya là incontinent vn navire pour plus grande confirmation de la damnation de ceux-là qui gouvernoient, & ils escriuirēt aux Religieux de l'Isle Espagnolle, ils crierent & protesterent vne & plusieurs fois : mais les auditeurs ne leur voulurent jamais faire

ire iustice , parce qu'eux mesmes
uoient eu part au butin des Indiens,
que les Tyrans auoient pris tant iniu-
ement & méchamment. Les deux
Religieux qui auoient promis aux In-
diens du pays , que leur Seigneur Don
Alonso avec les autres viendroient de-
ans quatre mois , voyans qu'ils ne
venoient point , ny en quatre , ny en
uiict , ils s'apprestèrent pour mourir,
et donner la vie à qui ils l'auoient
esla offerte , deuant que partir d'Es-
pagne : & ainsi les Indiens prindrent
vengeance en les tuant , & tyranni-
ant , nonobstant qu'ils fussent in-
nocens : parce qu'ils penserent que
les Religieux auoient esté cause de
cette trahison ; & parce qu'ils virent
que ce qu'ils leur auoient certifié &
promis, ne sortoit point en effect : c'est
sçauoir que dedans quatre mois ils
n'auoient leur Seigneur , & parce que
jusques à maintenât ils ne sçauent pas
en

en ce pays là , qu'il y a difference des Freres Religieux aux Tyrans , larrons & brigands Espagnols. Les Freres Religieux donc bien-heureux , endurent iniustement : pour laquelle iniustice il n'y a nulle doute , qu'ils ne soyēt aujourd'huy avec Dieu es Cieux bien-heureux , qui a voulu qu'ils fussent là enuoyez par obediēce , & qu'ils eussent intention de prescher , & dilater la sainte foy , & de sauuer toutes icelles ames , & de souffrir tous travaux , & la mort mesme , quand elle leur seroit presentée pour Iesus Christ crucifié.

Vne autrefois , à cause des grandes tyrannies , & actes execrables des mauvais Chrestiens , les Indiens tuerent deux autres Freres Religieux de saint Dominique , & vn de saint François dont ie veux estre bon tesmoin , pour estre eschappé miraculeusement de la mort : dequoy il seroit difficile de parler

arler, & feroit pour épouuanter les hommes, à cause de la grauité & horreur du cas. Parquoy ie ne le veux dire, pour n'estre prolix, iusques à son temps; & au iour du iugement il sera plus clair, quand Dieu prendra vengeance des brigandages horribles & abominables, comme font ceux-là qui portent le nom des Chrestiens contre les Indiens.

Vne autre fois en ces Prouinces au Cap de la Codera, qu'ils appellent, il auoit vne ville, dont le Seigneur auoit nom Higueroto, nom propre de la personne, ou bien commun aux Seigneurs du lieu. Ce Seigneur estoit si bonnaire, & ses gens tant vertueux, & seruiables, qu'autant d'Espagnols qu'il y venoit par nauire, ils y trouuoient bon traitement, & toute consolation. Ledit Seigneur auoit aussi deuoturé plusieurs de la mort, qui s'estoient réfugiés; d'autres qui estoient venus

malades, & à demy morts de faim, lesquels il rafraischissoit, & r'enuoyoit par apres faufs à l'Isle des Perles, où il y auoit des Espagnols, & les eust peultuer s'il eust voulu, sans qu'ame en eust iamais rien sceu. Si bien que tous les Espagnols appelloient les subiets de Higueroto, la maison & logis de tous. Vn malheureux Tyran s'auisa de brigander aussi ces gens-là, ainsi qu'ils pensoient estre bié asseurez: & y estant allé, en vn nauire, il conuia grand nombre de gens d'y entrer, comme ils estoient accoustumés de se fier aux Espagnols, beaucoup de peuple estant entrez, hommes, femmes & enfans, il haussa les voiles, & s'en alla vers l'Isle de saint Iean, où il les vendit tous pour esclaués. Je vins à ladite Isle au mesme temps, & vis le Tyran, & ce qu'il auoit fait. Il auoit destruit toute cette ville-là, dont il faisoit grand mal à tous les autres Tyrans Espagnols, qui

auoient

uoient accoustumé de brigander, & desrober par ces costez-là, & auoient en abomination ce faict tant espouuantable, pour auoir perdu la maison & le logis qu'ils auoient-là, cōme s'ils n'eussent esté en leur maison propre.

Je me deporteray de raconter les meschancetez infinies, & les cas abominables, qui ont esté faits en ces pays, & se font encores à present.

Ils ont tiré de toute ceste coste (laquelle estoit tres-peuplée) à l'Isle Espagnole, & à celle de S. Iean, plus de deux millions d'ames brigandées, lesquelles ils ont toutes puis apres tuées en ces dites Isles, les mettans aux mines, & à d'autres trauaux, outre le grand nombre de gens qu'il y auoit en ces Isles, comme auons dit cy-dessus. Et c'est vne grande pitié, & vne chose qui ne se peut voir fendre vn cœur, tant fust-il dur, de voir cette coste d'un pays tres-ferme, toute deserte & despeuplée.

C'est chose verifiée , qu'il ne menent
iamais nauires chargez d'Indiens ainfi
dérobez & brigandez , comme i'ay
dit , qu'ils n'en iettent en mer la troi-
siesme partie , sans ceux qu'ils tuent,
quand ils les veulent prendre chez
eux. La cause en est , que comme ils
veulent en toute maniere paruenir à la
fin qu'ils se sont proposez:il est besoin
de beaucoup de gens , pour en tirer
beaucoup de deniers , selon la quanti-
té des esclaués : & ils ne menent que
bien peu de viande , & d'eau pour peu
de gens , à fin que les Tyrans , qui se
nomment les equipeurs des nauires, ne
dépendent point beaucoup. Et n'y en
a à peine que pour les Espagnols , qui
vont avec le nauire pour brigander, &
y a faute pour les pauvres Indiens. Par
quoy aussi ils meurent de faim & de
soif , & n'y a autre remede , sinon que
l'on les jette en la mer. Et veritable-
ment vn homme d'entr'eux me dit
qu

que depuis l'Isle de Lucayos, où ont esté faites de grandes tueries en cette maniere, iusques à l'Isle Espagnole, qui sont soixante, ou septante lieuës, il alla vn nauire sans qu'il eust compas ou carte marine, se conduisant seulement à la trace des Indiens morts, flottans sur la mer, qui y auoient esté jettez.

Et puis quand ils les descendent en l'Isle, où ils les menent pour vendre, c'est pour faire fendre vn cœur de pierre, (qui a tant soit peu de misericorde) de les voir nuds & affamez, tomber, & defaillir de faim, & de soif, enfans, & hommes vieux & femmes. Puis apres ils les separent comme des agneaux, les peres des enfans, & les femmes des maris, en faisans des troupes de dix, ou vingt personnes, & iettans ainsi sur eux le sort, afin que les mal-heureux equippeurs prennēt leur part, qui sont ceux-là qui equippent & arment deux

ou trois nauires pour l'armée des Tyrans corsaires, & brigans, qui vont voler & prendre les pauvres gens en leurs maisons. Et quand le sort tombe sur le troupeau, où il y a quelque vieillard, ou quelque malade, le Tyran, à qui il échet dit, que le vieillard soit donné au Diable : pourquoy me le donnes-tu, à fin que ie l'enterre ? Et ce malade, pourquoy m'eschet-il, à fin que ie le fasse penser ? Que l'on voye icy en quelle estime les Espagnols ont les Indiens, & s'ils accomplissent le commandement de Dieu, touchant l'amour du prochain, d'où dependent la Loy & les Prophetes.

La tyrannie que les Espagnols exercent contre les Indiens, à tirer & pescher des perles, est vne des plus cruelles, & des plus maudites choses, qui soit au monde. Il n'y a vie si desesperée en ce monde, qui y soit à comparer : encores que celle de tirer l'or soit en son

en son genre tres-dure. Ils les mettent
en la mer, trois, ou quatre brasses de-
dans l'eau, depuis le matin iusques au
Soleil couchant, où ils sont continuel-
lement, nageans sans respirer, arra-
chans les ouystres, ou s'engendrent les
perles. Ils montent en haut sur l'eau,
avec vne rets pleine d'ouystres, pour
prendre haleine: là il y a vn bourreau
Espagnol, en vne petite nasselle, & si
les pauures gens demeurent quelque
peu à se reposer, il leur dōne des coups
de poing, & les tire par les cheueux en
l'eau pour retourner à pescher. Leur
viande est le mesme poisson, qui con-
tient les perles, & pain Caçabi, & quel-
que Mahis, qui sont pains de ces pays
là: l'vn est bien petite substance,
& l'autre est difficile à faire, desquels
aussi on ne leur donne iamais leur
saoul. Les liçts qu'on leur donne de
nuict, c'est de les mettre sur la terre
en vn cep, à fin qu'ils ne s'enfuyent.

Souuentesfois ils se noyent en mer , à la pescherie , & au trauail de chercher des perles , & ne montent iamais dessus l'eau , à cause que les Tuberones & les Maroxos , qui sont deux especes de monstres marins tres-cruels, qui deuorent vn homme entier , les tuent , & les mangent. Que l'on regarde si en ce gaignage des perles sont gardez les commandemens de Dieu, touchant l'amour de Dieu & des prochains, quand ils mettent ces gens-là en danger de la mort du corps & de l'ame : car ils tuent leurs prochains par leur auarice, sans qu'ils ayent receu , ny la foy , ny les Sacremes : où ils leur donnent vne vie tant horrible , qu'ils les mettent à fin , & consomment en peu de jours : car il est impossible que les hommes puissent viure lōg-temps dessous l'eau sans prendre haleine, le froid continuel les perçant ; & ainsi ils meurent communement, iettans du sang par la bouche,

che, à cause de la compression de la poictrine, causée de ce qu'ils sont si long-temps, & si continuellement sans respirer dedans l'eau, & du plus de sang, qui cause le froid. Leurs cheueux qui de nature sont noirs, se changent & deuiennent bruslez, comme les poils des loups marins. Il leur sort des espaulles du salpêtre, de sorte qu'ils semblent estre des monstres en forme d'hommes, ou vne autre espece d'hommes. Ils acheuerent de consommer en ce trauail insupportable, ou pour dire mieux, en cest exercice diabolique, tous les Indiens Lucayens, qui estoient aux Isles ayans gousté ces grains: & chacun Indien leur valloit cinquante, ou cent Castillans. Ils les vendoient publiquement, encores qu'il fust defendu par la iustice, autrement iniustice: car car les Lucayens estoient bons navigateurs: ils ont aussi là tué vn nombre infiny de gens des autres Prouinces.

L court par la Prouince de Paria vne riuere, nommée Yua Pari, plus de deux cens lieues de terre d'enhaut. Il entra par la mesme riuere vn malheureux Tyran beaucoup de lieues auant en l'an 1529. avec quatre cens hommes, ou plus, qui y fit des tresgrandes occisions, brullant tous vifs, & mettant au fil de l'espée vne infinité d'Indiens, qui estoient en leur pays & maisons, ne faisans tort à personne, & partant n'ayans peur, ny ne se doutans de rien. En fin, il mourut de male mort, & son armée se desfit. Depuis luy, ont succedé autres Tyrans en ces meschancetez & tyrannies, & encores aujourd'huy, ils vont destruisans, tuans, & iettans en Enfer les ames, que le Fils de Dieu a rachetez de son sang.

Du Royaume de Veneçuela.

EN l'an 1526. le Roy nostre Seigneur
Estant induict par tromperies &
persuasions dommageables, comme les
Espagnols ont rousiours mis peine à
cacher les dommages & pertes que
Dieu, les ames, & son estat recoiuent en
les Indes, donna & commit vn grand
royaume, nommé Veneçuela (qui est
plus grand que toute l'Espagne) avec
le gouuernement & l'entiere iurisdic-
tion, à des marchans Allemans, avec
certaines capitulations, & conuentions
qui furent faites avec eux. Ceux-cy
Entrans entrez en ces pays avec trois
ou quatre cens hommes, ou plus, y
trouuerent le peuple fort agreable,
lebonnaire, & doux comme des
agneaux: comme ils sont aussi en tou-
tes les autres parties des Indes, deuant
que les Espagnols leur eussent fait
mort. Ils y allerent sans comparais-
on beaucoup

beaucoup plus cruellement que nul des autres Tyrans, desquels nous auons parlé: se portans plus inhumains que loups, & lions rauissans, car il auoient la iurisdiction de tout le pays le possedans plus librement avec vn soin plus grand, & d'vn auenglement d'auarice plus enragée; se seruans de toutes pratiques & industries, pour auoir, & desrober de l'or, & de l'argent, plus que tous ceux, desquel il a esté parlé cy-deuant: ayans ietté au loing toute crainte de Dieu, & du Roy, mesme ayans oublié qu'il estoient hommes.

Ces inhumains ont desolé, & destruit plus de quatre cens lieuës de pays tres-fertile, & en iceluy des Provinces grandes & admirables, des vallées tres-spacieuses de 40. lieuës, & de bourgades fort peuplées. Ils ont tué diuerfes nations, en ayans mesme fait perdre les langues, n'y estant demeur

qu

qui les parlast: sinon que quelques vns
eussent mis en des cauernes, & aux
entrailles de la terre. Ils ont tué, &
mis en Enfer par diuerfes manieres de
cruautez, plus de quatre ou cinq mil-
les ames, & encores à present, ils ne
cessent point de faire de mesme d'une
infinité d'iniustices, brigandages, &
tueries qu'ils ont faictes, & font en-
cores aujourdhuy.

Ils prindrent le souuerain Seigneur
de cette Prouince, sans aucune cause,
seulement pour luy oster son or: luy
donnans aussi la gehenne: lequel Sei-
gneur se deslia & s'enfuit aux monta-
gnes: parquoy ses subjets s'esleuerent
& mutinerent, se cachans sur les mon-
tagnes entre les hayes & buissons. Les
Espagnols vont apres eux, pour les
chercher, ils les trouuent, & en font
cruels massacres: & tous ceux qu'ils
prennent vifs, ils les vendent publi-
quement à l'encan pour esclaves. Pour
les

les appaiser, les Indiens les receurent avec joye, & quantité de presens d'or. Le payement qu'ils en eurent, fut d'estre mis au fil de l'espée, & taillez en pieces. Vne fois comme ils alloient pour receuoir les Espagnols en la façon susdite, le Capitaine Allemand Tyran, fit mettre en vne grande maison de paille, vn grand nombre de gens, & les fit tailler en pieces. Et d'autant qu'il y auoit au haut de la maison quelques poutres, où plusieurs montoyent, fuyans les sanglantes mains, & les espées de ces gens-là (ô bestes sans aucune pitié ! cet homme inhumain enuoya y mettre le feu, dont tous ceux qui y estoient furent brulez vifs. A cette occasion le pays demeura fort desert, les habitans fuyans de tous costez sur les montagnes.

Ils vindrent aux confins de la Prouince & Royaume de Sainte Marthe, où ils trouuerent les Indiens pacifiques en leurs

leurs maisons , faifans leurs affaires :
ils furent long temps avec eux man-
geans leurs biens, & les Indiens les ser-
uoient comme s'ils eussent eu à rece-
voir leur vie , & sauvement d'eux, en-
durans leur continuelles oppressions,
& importunitéz ordinaires, qui sont
intolerables. Ils leur donnerent en ce
temps là vne grande somme d'or, de
leur bon gré, outre les autres innom-
brables bons seruices qu'ils leur firent.

A la fin comme ces Tyrans voulu-
rent s'en aller , ils s'auiserent de les
payer pour leurs gistes en ceste ma-
niere: Le Tyran Allemand Gouver-
neur , commanda que l'on prinst tous
les Indiens qu'on pourroit trouuer,
avec leurs femmes & enfans , & puis
qu'on les mist en vn grand enclos, le-
quel se faisoit à ce propos, & qu'on
leur fist sçauoir , que qui voudroit
sortir , & estre libre , qu'il auroit à
se rachapter à la volonté de l'iniuste
gou

gouverneur, en donnant autant d'or pour soy, autant pour sa femme, & autant pour chacun enfant. Et pour les presser d'avantage, il commanda qu'on ne leur donnast point à manger, iusques à ce qu'ils auroient donné de l'or pour leur rançon. Plusieurs enuoyèrent en leur maison en querir, & se rachettoient comme ils pouuoient : & ceux-là estoient deliurez, & alloient travailler pour gagner leur vie. Le Tyrann enuoya certain brigands d'Espagnols pour les aller prendre encores vne autre fois, apres qu'ils furent rachetez : on les mene à l'enclos, où ils sont tourmentez de faim & de soif, à fin qu'une autre fois ils se rachettent ; & plusieurs d'entr'eux furent pris & rachetez deux ou trois fois : les autres qui n'auoient plus rien à donner, il les laissa dans l'enclos mourir de faim ; & ainsi a esté perduë vne prouince tres-riche de gens & d'or, laquelle a vne

vallée

allée de quarante lieuës, où a esté
brulée cette bourgade, où il y auoit
mille maisons.

Ce Tyran s'aduifa d'aller dedans le
pays, avec vn grand desir de descou-
rir de ce costé là l'enfer du Peru. A
cause de ce mal-heureux voyage, luy
& les autres emmenerent des Indiens
infinis, chargez de trois, ou quatre
quintaux pesant, estans enchainez. Si
quelqu'un estoit las, ou foible, defail-
lant de faim, ou de trauail, on luy
couppoit incontinent la teste contre
le collier de la chaine, à fin qu'il ne
poullust point prendre la peine de des-
errer les autres, qui alloient aussi de-
dans les colliers, & tomboit ainsi la
teste d'un costé, & le corps de l'autre:
& departoit-on la charge de celuy
qui estoit defailly, & on la mettoit
sur les autres. De dire que les Prouin-
ces qu'il rendit desertes, & les Villes
& places qu'il brula (car toutes les

maisons sont de paille) & de nombre les gens qu'il tua , & les meurtres particuliers qu'il commit par ce chemin, ce seroit chose croyable: toutesfois veritable & pleine d'horreur. Par cette mesme voye , marcherent depuis autres Tyrans, qui vindrent de la mesme Vençuela, & autres de la Prouince de Sainte Marthe , avec la pareille intention de descouurir cette sainte maison d'or du Peru : & trouuerent tout le pays (à la longueur de plus de 200. lieues) tant bruslé , despeuplé & desert , qu'eux mesmes tout tyrans & cruels qu'ils estoient , s'esmerueillerent , & s'espouuanterent de voir les traces des degasts tant lamentables, par où cestuy-là auoit passé.

Toutes ces choses ont esté prouuées, avec beaucoup de tesmoins , par le fiscal du conseil des Indes : & la preuue se garde au mesme conseil : & si n'ont iamais bruslé vifs aucuns de
ces

ces execrables tyrans: & n'est du tout rien ce qui a esté prouué des grandes desfaites, & maux que ceux-cy ont fait, parce que tous les Ministres de la iustice (qui iusques à cette heure ont esté és Indes, à cause de leur grand & damnable aueuglement) ne se sont point empeschez d'examiner les delicts, pertes, & tueries qu'ont fait, & font encores à present tous les Tyrans des Indes: sinon qu'ils disent, parce que tel, & tel a traicté cruellement les Indiens, le Roy aperdu de son reuenu autant de mille Castillans de rente: & leur suffit cette petite preuue, trop generale & confuse, pour reprendre tant de meschancetez. Et encores si peu qu'ils en font, ils ne le sçauent verifier, ny faire valloir, comme ils deueroient: car s'ils faisoient ce qu'ils doivent à Dieu & au Roy, il se trouueroit que les Tyrans Allemans ont desrobé au Roy plus de trois millions de Ca-

stillans d'or : car icelles Prouinces de Veneçuela , avec les autres qu'ils ont ruinées , & despeuplées plus de 400. lieuës en longueur , comme i'ay dit , est le pays le plus heureux & le plus riche d'or : & estoit plus peuplé que nul autre pays du monde : de maniere qu'ils ont destourbé & fait perdre en ce Royaume au Roy d'Espagne plus de deux millions de rente , en dix-sept ans qu'il y a que ces ennemis de Dieu , & du Roy ont commencé à le destruire : & il n'y a nulle esperance que ses pertes se puissent iamais reparer , tant que le monde sera : sinon que Dieu fasse par miracle , ressusciter autant de millions d'ames , qu'il en est mort.

Je veux conclurre leur cruauté avec cecy : C'est que depuis qu'ils entrerent au pays iusques à present : à sçauoir ces dix-sept ans , ils ont renuoyé par mer beaucoup de nauires chargez & pleins d'Indiens , pour les vendre comme esclaves

esclaues à Sainte Marthe, & à l'Isle
Espagnole & de Iamayca, & à l'Isle de
Saint Iean, plus d'un million : & en
enuoyent encores aujourd'huy l'an
mil cinq cens quarante deux : ce voyant
l'Audience Royale de cette Isle Espa-
gnole, & dissimulant de le voir, fa-
vorisant & supportant tout cecy : com-
me elle a aussi les yeux fermez à tou-
tes les autres tyrannies, & rauages in-
finis qui ont esté faits en toute cette
coste de terre ferme, qui sont de qua-
tre cens lieues, qui ont esté, & sont
encores pour le iour-d'huy comme
Veneçuela, & Sainte Marthe dessous
sa jurisdiction ; ce que l'audience eust
peu empescher & y remedier. Il n'y a
eu autre cause de mettre ces Indiens en
seruitude, que la seule peruerse, aueu-
glée, & obstinée volonté, & cupidité
miserable que ces Tyrans tres-auares,
ont d'auoir, & se combler de grands
biens : comme tous les autres ont

toufiours eu par toutes les Indes , pre-
nans ces pauvres agneaux & mouton
de leurs maisons , & emmenans leurs
femmes & enfans par des façons de
de faire tant cruelles & execrables ,
comme il a esté dit , les marquans de
la marque du Roy pour les vendre
pour esclaves.

*Des Prouinces de la terre ferme au qua-
tier qui est nommé la Floride.*

EN ces Prouinces font allez trois
Tyrans en diuers temps , depuis
l'an 1510. ou 1511. pour y faire tels actes
que les autres , & que les deux d'en-
tr'eux ont commis és autres quartiers
des Indes , pour monter à des estats
nullement à eux conuenables , plus
hauts beaucoup que leurs merites ne
peuvent porter , avec le sang & la de-
struction de leur prochain : & ils sont
morts tous trois de male mort, & leurs
maisons ont esté aussi destruites avec
eux,

eux, lesquelles ils auoyent basties au
temps passé de sang humain , comme
en peux estre bon tesmoin de tous
trois, & leur memoire est desia effacée
de dessus la face de la terre : comme
s'ils n'eussent iamais esté en ce monde.
Ils laisserent tous ces pays en desordre
& confusion , & leur nom en infamie
& horreur , par certaines tueries qu'ils
firent, non point tout esfois beaucoup,
parce que Dieu les a punis de mort
deuant qu'ils en fissent plus ; & leur
auoit gardé ce chastiment en ces
pays , pour les maux que ie sçay , &
ay veu qu'ils auoient fait és autres par-
ties des Indes. Le quatriesme Tyran
qui y vint dernièrement en l'an 1538.
bien deliberé , & estant bien équipé,
il y a trois ans qu'il n'en est point de
nouuelles. Nous sommes certains
qu'incontinēt à son entrée il s'est por-
té cruellement , & s'est deslors com-
me esuanouy: que s'il est en vie , luy

& ses gens ont destruit en ces trois ans beaucoup de peuple, s'il s'en est trouué par où il a passé : car il est vn des plus remarquables d'entre ceux qui ont fait tant de degasts en plusieurs Royaumes ; c'est pourquoy ie croy que Dieu luy a donné telle fin comme aux autres.

Trois ou quatre ans apres sortit du pays de la Floride le reste des Tyranneaux, qui y estoient allez avec ce Tyran major, qui y estoit demeuré mort, desquels nous entendimes les cruautez que là de son viuant (principalement apres sa mal-heureuse mort) les hommes inhumains ont perpetré contre ces Indiens innocens, qui furent si grandes, & contre Dieu, & leurs prochains, que ie m'ennuye de les reciter.

Ils trouuerent beaucoup de grands peuples, gens sages & bien policez, & firent parmy eux des meurtres infinis,
afin

afin de leur imprimer dans le cœur
vne peur mortelle.

Entrans dans vne bourgade où ils
furent bien receuz, les Indiens leur dō-
nans tout ce qui leur estoit neceſſaire,
& quantité de leurs gens pour les ſer-
uir, apres s'eſtre retirez, vn Capitaine
parent du Tyran major retourna pour
 dérober tout le peuple qui estoit ſans
deſſiance, & tua le Seigneur du pays,
faſant auſſi vne infinité d'autres cru-
autez.

En vne autre bourgade, laquelle ſe te-
noit ſur ſes gardes, parce qu'ils eſtoient
voifins, & crainte des actes horribles
qu'ils auoyent ouys d'eux, ils mirent
au fil de l'eſpée petits & grands, ieunes
& vieux, ne prenans perſonne à mercy.

Le Tyran major fit couper le nez &
les levres iuſques à la barbe à vn grand
nombre d'Indiens, que l'on auoit man-
dé querir d'une certaine bourgade, ou
bien ils eſtoient venus de leur bon gré.

Et ainsi en cét estat tant pitoyable , & en ces douleurs , & amertumes le sang coulant ils les renuoyerent , à fin qu'ils portassent les nouuelles des œuures & miracles que ces Predicateurs de la faincte foy Catholique baptisez faisoient. Que l'on iuge à cette heure quelles gens c'estoient , quel amour ils portoient aux Chrestiens , & comment ils croient que Dieu est , lequel ils disent estre tout bon & iuste , & que la loy & la religion dont ils font profession , est sans macule. Les maux sont tres-grands , que commirent ces mal-heureux enfans de perdition. Et ainsi le meschant & mal-heureux Capitaine, mourut sans confession : & ne doutons point qu'il ne soit enseuely es Enfers : si toutesfois Dieu ne l'a secrettement pourueu , selon sa diuine misericorde , & non selon ses demerites , à cause de ses tant execrables meschancetez.

*De la riuere de la Plata : c'est à dire
de l'argent.*

Depuis l'an mil cinq cens vingt-deux, ou vingt-trois, aucuns Capitaines firent trois ou quatre voyages à la riuere de la Plata, où il y a de grands Royaumes, Prouinces, & gens bien dispos, & capables de raison. Nous sçauons en general qu'ils y ont fait beaucoup de tueries & dommages: mais comme ce pays est beaucoup loigné des Indes, desquelles il se parle le plus: nous n'en sçaurions dire des choses notables en particulier: Nous ne doutons point toutesfois qu'ils n'y ayent fait, & font encores cette heure, les mesmes œuures qui ont esté cy-deuant faictes, & se font maintenant és autres quartiers: car ce sont les mesmes Espagnols; & il y en entr'eux de ceux là qui se sont trouvez en des autres actes & exploits.

Et

Et aussi y vont-ils pour deuenir riches & grands Seigneurs comme les autres ce qui ne se peut faire sans perdre tuer, desrober & diminuer les Indiens selon l'ordre & la voye que les autres ont tenu.

Après auoir escrit ce que dessus i'ay conneu à la verité qu'ils ont gasté & despeuplé de grandes Prouinces & Royaumes en ces pays-là, faisans de rueries & des cruantez estranges à l'en droit de ces pauvres gens-là, desquel les ils se sont rendus remarquables au tant ou plus que les autres, pour auoir eu plus de commodité : estans plus esloignez d'Espagne : & ils ont vescu plus desordonnément & sans iniustice : combien qu'en routes les Indes il n'y a point eu de iustice, comme il appert suffisamment, par ce qui a esté dit cy dessus.

Entre autres choses infinies furent leuës au conseil des Indes aussi celles
qui

qui se diront cy-apres. Vn tyran gouverneur, donna mandement à quelques-vns de ses gens, qu'ils s'en allaissent à certaines bourgades des Indiens : & que si on leur donnoit à manger, ils les tuassent tous. Ils y allerent avec telle autorité. Et parce que les Indiens ne voulurent point se donner à eux, comme à leurs ennemis, plus par crainte de les voir ensuyans, que par faute de liberalité : ils mirent au fil de l'espée plus de cinquante mille ames.

Vn certain nombre de gens de vaux, se vint mettre en leurs mains, & leur presenterent leur seruice, lesquels d'auenture ils auoient enuoyez querir : & parce qu'ils ne venoient point si tost : ou bien parce que comme ils ont accoustumé de faire, ils voulurent engraouer en eux leur crainte horrible & espouuantable : le Gouverneur commanda qu'on les mit tout

és mains des autres Indiens , lesquels ils tenoyent pour ennemis : dont plusieurs & crians ils prioyent qu'ils les tuaissent eux mesmes , & ne les donnaissent point à leurs ennemis : & ne voulans sortir hors la maison , où ils estoient , ils y furent mis en pieces crians , & disans : *Nous vous venons servir en paix, & vous nous tuez : nostre sang demeure à ces parois en tesmoignage de nostre mort iniuste , & de vostre cruauté.* Certes cecy fut vn acte signalé digne d'estre considéré , & beaucoup plus d'estre lamenté.

Des grands Royaumes , & amples Prouinces du Peru.

EN l'an 1531. alla vn autre grand Tyran, avec quelques gens aux royaumes du Peru , où entrant avec le mesme titre & intention que ceux du passé, il alloit gastant villes & bourgades , tuant les habitans d'icelles ; & fau-

caus

cause de tant de maux qui sont ensuy-
is en ces pays-là , que i'asseure qu'il
y a homme qui les puisse raconter,
& représenter aux yeux des lecteurs,
insi qu'il appartient. Quand à moy,
ie voulois représenter au naïf quel-
qu'vnes de leurs cruautéz, il me seroit
impossible, sans les dechiffrer comme
ils le meritent.

Il gasta à son entrée malheureuse
en cette Isle, plusieurs bourgades, leur
éroband grande quantité d'or, & au-
tres richesses. En vne Isle qui est au-
res des mesmes Prouinces nommée
Iugna , fort peuplée & plaisante , le
seigneur avec le peuple d'icelle les re-
çut comme si c'eust esté des Anges
descendus du Ciel : & six mois apres
comme les Espagnols eurent mangé
toutes leurs prouisions, ils leur décou-
vrirent aussi quantité de bons bleds
qu'ils gardoient soigneusement dessous
terre pour eux , & leurs femmes , &
leurs

leurs enfans, pour vn temps de seche-
resse & sterilité: leur presentans le tout
avec beaucoup de larmes, qu'il les dé-
pendissent & mangeassent à leur vo-
lonté. Le payement qu'ils eurent à la
fin, fut qu'ils mirent tout au fil de l'es-
pée, & firent quantité d'esclaves. De
là ils allerent à la prouince de Tam-
bala, qui est en la terre ferme, où il
tuerét & destruisirét tant de gens qu'il
peurent; Et parce que chacun s'en-
fuyoit, espouuantez de tant d'acte
horribles, ils firent courir vn bruit
qu'ils se rebelloyent contre le Roy
d'Espagne. Ce Tyran auoit cette in-
dustrie, & tenoit cette procedure, qu'il
tous ceux qu'il prenoit, ou aux autres
qui luy faisoient des presens d'or &
d'argent, il leur commandoit tousiours
d'apporter, iusqu'à ce qu'ils vit qu'il
n'en pouuoient plus. Et alors il disoit
qu'il les receuoit pour vassaux & suzer-
ains des Roys d'Espagne; & les caressoit

& faisoit sonner deux trompettes , en leur donnant à entendre que de là en auant ils ne les prendroit plus , & ne leur feroit aucun mal.

Peu de iours apres , le Roy vniuersel & Empereur de ces royaumes, nommé Atabaliba , vint accompagné de beaucoup de gens nuds , portans leurs armes ridicules, ne sçachans point comment les espées tailloient , les lances rappoient , comme les cheuaux couroient, & quels estoient les Espagnols, que si les diables auoyent de l'argent, ils se mettroient en deuoir pour leur dérober. Il vint au lieu où ils estoient, disant ; Où sont ces Espagnols ? qu'ils viennent icy , ie ne me bougeray d'icy iusques à ce qu'ils me satisfassent de mes sujets qu'ils m'ont tuez, & de mes bourgades qu'ils m'ont despeuplées, & de mes richesses qu'ils m'ont desrobées. Les Espagnols allerent contre luy , & luy tuerent vne infinité
L de

de gens : ils prindrent aussi sa personne, laquelle venoit estant portée en vne litiere à bras. Ils traittent avec luy, à fin qu'il se rachapte. Le Roy promet de donner quatre millions de Castillans, & eux promettent de le relascher, toutesfois en fin ne gardans ny foy, ny verité (comme ils n'ont iamais gardé) ils luy mettent faussement sus, que par son commandement il s'assembloit des gens. Le Roy respondit qu'en tout le pays il ne se remuoit point vne feuille sur l'arbre, sans sa volonté : que s'il s'assembloit des gens, ils deuoient croire que c'estoit par son commandement : quant à luy, il estoit prisonnier, & ils le pouuoient tuer. Nonobstant cecy, ils le condamnerent à estre bruslé vif : mais à la requeste de quelques-vns, le Capitaine le fit estrangler : & estant estranglé, il fut bruslé. Ce Roy ayant entendu sa sentence, dit : Pourquoi me bruslez-vous :

ous ? quelle chose vous ay-je fait ? ne
n'avez-vous point promis de me met-
re en liberté, en vous donnant de
or : & vous en ay-je point donné plus
que ie n'en auois promis ? Puis que
insi le voulez, enuoyez-moy à vostre
Roy d'Espagne, disant plusieurs au-
res choses à la confusion, & detesta-
tion de la grande iniustice des Espa-
gnols : & en fin ils le bruslerent. Que
on considere icy le droict & titre de
este guerre, l'emprisonnement de ce
eigneur, la sentence & execution de
à mort, & la conscience, avec la-
quelle ces Tyrans possèdent si grands
hresors, comme ils ont desrobé en
es Royaumes à ce Roy, & à d'autres
eigneurs infinis, & à des particuliers.

Quant aux cruantez notables com-
mises en l'extirpation de ces gens, par
ceux qui se disent Chrestiens: i'en veux
icy raconter quelques vnes, lesquelles
vn Religieux de saint François vit au

commencement, & les certifia de son nom, & de sa signature: les enuoyant par ces quartiers-là, & par des autres en ce Royaume de Castille: & dont i'en ay chez-moy vne copie signée de sa main, en laquelle est dit ainsi:

Moy Frere Marc de Nice, de l'Ordre de saint François, Commissaire par dessus les autres Freres du mesme Ordre, es Prouinces du Peru, qui fus des premiers Religieux, qui entrerent esdites Prouinces avec les Espagnols: ie dis en donnant vray tesmoignage d'aucunes choses, lesquelles i'ay veuës de mes yeux en ces pays-là, mesmement concernant le traitement & conquestes faictes sur les naturels du pays. Premièrement, ie suis tesmoin oculaire, & ay eu certaine connoissance, que ces Indiens du Peru, sont vne gent la plus debonnaire qui ait esté veuë entre les Indiens, estant affable, & amy aux Espagnols: & ay veu qu'ils leurs donnoient abondance d'or & d'argent, & des pierres precieuses, & tou

ce qu'on leur demandoit, leur faifans tous
bons feruices: Et les Indiens ne font iamais
fortis en guerre, mais en paix, fi long temps
qu'ils ne leur en ont donné occafion, par
leur mauuais traitement & cruantez:
mais au contraire les ont receus avec toute
amitié & honneur és bourgades, en leur
donnant à manger, & autant d'esclaves,
mafles & femelles qu'ils demandoient pour
leur feruice.

Item, ie fuis tefmoin, que fans que ces
Indiens en euſſent donné occafion, les Ef-
pagnols auffi toſt qu'ils furent entrez en
leur pays, apres que le grand Cacique Ata-
baliba auoit donné aux Eſpagnols plus de
deux millions d'or, & auoit mis en leur
puiffance tout le pays fans faire reſiſtance,
incontinent ils bruſlerent ledit Atabaliba,
qui eſtoit Seigneur de tout le pays. Et apres
luy, ils bruſlerent ſon Capitaine general
Cochilimaca, lequel eſtoit venu au Gou-
uerneur en paix, avec autres grands Sei-
gneurs. Tout ainſi bruſlerent-ils peu de

jours apres vn grand Seigneur , nommé Chamba , de la Prouince de Quito , sans coulpe aucune , & sans leur en auoir donne la moindre occasion. Pareillement ils bruslerent iniustement Schapera , Seigneur de Canariens. Aussi bruslerent-ils les pieds à Aluis , grand Seigneur , entre tous ceux qui estoient au Quito , & luy firent souffrir plusieurs autres tourmens , pour luy faire dire où estoit l'or d'Atabaliba : duquel thresor , comme on a reconnu , il ne sçauoit rien. Aussi bruslerent-ils en Quito Cocopanga , qui estoit Gouverneur de toutes les Prouinces de Quito , qui aux requestes que luy auoit fait Sebastian de Bernalcaçar , Capitaine du Gouverneur , estoit venu en paix , & parce qu'il ne donnoit point tant d'or comme il luy demandoit , ils le bruslerent avec beaucoup d'autres Caciques , & principaux Seigneurs. Et à ce que ie puis entendre , l'intention des Espagnols estoit qu'il ne demeurast point vn Seigneur en tout le pays.

Item,

Item, ie certifie que les Espagnols as-
semblerent grand nombre d'Indiens, & les
enterrerent en trois grandes maisons, autant
qu'il y en pouuoit dedans, & y mettans
du feu, les bruslerent tous, sans qu'ils eus-
sent donné aux Espagnols la moindre cau-
se de ce faire. Et il aduint qu'un Pre-
tre, qui se nomme Ocatia, tira un ieune
garçon du feu, auquel il brusloit: quoy
voyant un autre Espagnol, le luy osta
d'entre les mains, & le ietta au milieu des
flammes, où il a esté conuerty en cendres,
avec les autres. Lequel Espagnol retour-
nant au mesme iour au camp, tomba subi-
tement mort au chemin, & mon aduis
estoit que l'on ne l'enterrast point.

Item, j'affirme d'auoir veu de mes pro-
pres yeux, que les Espagnols ont couppe
les mains, le nez, & les oreilles à des In-
diens, & à des Indiennes, sans aucune
cause ny propos, sinon qu'il leur vint ainsi
en fantaisie, & en tant de lieux & de
quartiers, qu'il seroit trop prolix de le

reciter. Et ay veu que les Espagnols ont fait courir des chiens sur les Indiens, pour les faire mettre en pieces : & si ay veu qu'ils ont bruslé tant de maisons & de bourgades, que ie n'en sçaurois dire le nombre. Aussi est-il vray, qu'ils arrachioient les petits enfans de la mammelle de leurs meres : & en les prenans par les bras, les jetoient aussi loin qu'ils pouuoient : Et d'autres enormitez & cruantez sans aucune cause, qui me donnoient vne frayeur à les voir, & seroit long à les raconter.

Item, ie vis qu'ils manderent aux Caciques, & aux principaux Indiens, qu'ils vinssent en paix & assurance à eux, leur promettans sauue-garde : Et incontinent qu'ils furent arriuez, ils les bruslerent. Ils en bruslerent, moy estant presens, deux, l'un en Andon, & l'autre en Tumba : & ie ne sçeu iamais tant faire, que ie les peusse empêcher de brusler, quoy que ie leur preschasse, selon Dieu, & ma conscience, tant que i'ay peu connoistre. Les Indiens du Peru ne

font esleuez, ny rebellez pour autre cause,
ue pour le mauuais traitement qu'on leur
faisoit, comme il est manifesté à vn cha-
cun: & à iuste cause les Espagnols n'ayans
jamais gardé ny verité, ny foy à ces gens-
là, & les instruisans tyranniquement, con-
tre toute raison & iustice, avec tout le pays,
leur faisans de tels outrages, qu'ils estoient
deliberez de plustost mourir, que de les en-
lurer vne autre fois.

Item, ie dis que le rapport mesmes des
indiens, qu'il y a encores plus d'or caché,
qu'il n'en est venu en lumiere, lequel à cau-
se des cruantez des Espagnols, ils n'ont
poulu descouvrir, & ne descouvriront ia-
mais, pendant qu'ils seront si mal traittez:
mais aimeront plustost mourir cōme les au-
tres: En quoy Dieu a esté fort offensé, & sa
Majesté mal seruie, estant defraudée en ce
qu'elle a perdu vn tel pays, qui pouuoit ai-
mement donner à manger à toute la Castil-
le: pour lequel pays recouurer, il y aura
grande difficulté, frais, & coustange.

M 5 Tou

Toutes ces paroles sont formelles dudit Religieux, lesquelles sont aussi ratifiées par l'Euesque de Mexico, qui tesmoigne que le Pere Frere Marc a affirmé tout ce que dessus.

Il faut icy considerer ce que le pere dit qu'il a veu, parce qu'il a esté cinquante, ou cent lieuës par le pays, par l'espace de neuf ou dix ans, au commencement quand il y auoit encores bien peu d'Espagnols : mais au son de l'or il y en a vingt-quatre, ou cinq mille, & s'espandirent par beaucoup de grands Royaumes & Prouinces par plus de cinq ou six cens lieuës, lequel pays ils ont entierement destruit, comme les mesmes choses, & des autres plus sauuages & cruelles. Veritablement depuis ce temps-là iusques à cette heure, il s'est destruit & desolé mille fois plus d'ames qu'il n'en a conté : & ont destruit avec moindre crainte de Dieu & du Roy, & avec

moins

moins de pitié, vne tres-grande partie du monde : ils ont tué iusques auourd'huy en ces Royaumes (& encores maintenant ils en tuent) plus de quatre millions de personnes.

Quelques iours passez, ils lancerent avec darts de cannes, & firent mourir vne puissante Reyne, femme d'Elingue, qui est encores Roy de ce Royaume là, lequel les Espagnols, en mettant la main sur luy, firent rebeller, & demeure rebelle : ils prindrent la Royne sa femme, & la tuerent contre toute raison & iustice, toute enuieinte qu'elle estoit, comme on disoit, seulement pour donner ennuy à son mary.

S'il falloit raconter les particularitez des cruautéz, & tueries que les Espagnols ont commises & commettent encores iournellement au Peru, sans aucune doute elles seroient si espouuantables, & en si grand nombre, que
tout

que le Tyran qui vint premierement tout ce que nous auons dit des autres parties des Indes , en seroit obscurcy & sembleroit peu de chose au regard de la grauité, & grãd nombre d'icelles

Du nouveau Royaume de Grenade.

EN l'an mil cinq cens trente neuf il y eut plusieurs Tyrans concurrés venans de Veneçuela , de sainte Marthe , & de Carthagene , à chercher le Peru , & en y eut aussi d'autres qui descendirent du mesme Peru , pour essayer à penetrer iceluy pays : & trouuerent au delà de la Sainte Marthe, & Carthagene , 300. lieuës dedans le pays, des terres fertiles, & des Prouinces admirables, pleines de gens infinis, tres-debonnaires comme les autres , & tres-riches , tant d'or que de pierres precieuses , qu'on appelle Esmeraudes. Aufquelles Prouinces ils donnerent *Le nouveau Royaume de Grenade* , parce que

En ces pays, estoit natif du Royaume de Grenade, qui est par deça. Et parce que plusieurs hommes iniques & cruels, de ceux qui brigandoient en ces pays-là, estoient des bouchers notables, faisans estat d'espandre le sang humain, ayans l'usage & l'experience des grands pechez susdits en beaucoup de quartiers des Indes, c'est pourquoy leurs œuures diaboliques ont esté telles & en si grand nombre: lesquelles circonstances sont si hideuses & griesues, qu'elles ont excédé beaucoup d'autres, voire toutes les œuures qui ont esté commises par d'autres, & par ceux-cy en d'autres Prouinces.

J'en diray quelques vnes d'une infinité qu'ils ont cōmises en ces trois ans, & qu'encores de present ils ne cessent de commettre. C'est qu'un Gouverneur, parce que celuy qui desroboit & ruoit un nouveau royaume de Grenade ne le voulut admettre pour compaignon

pagnon à desrober & tuer , fit vne en-
queste & preuue contre luy, avec beau-
coup de tesmoins , sur le fait des tue-
ries, desordres & meurtres qu'il auoit
fait & fait encores à present , laquelle
enqueste & preuue a esté leuë , & se
garde au Conseil des Indes.

Les tesmoins deposent en ladite en-
queste, qu'estant tout ce Royaume en
paix, les Indiens seruans les Espagnols,
leur donnans à manger de leurs la-
beurs, & trauaillans continuellement,
& leur cultiuans les terres, & leur ap-
portans beaucoup d'or, & de pierres
precieuses, comme sont esmeraudes,
& tout ce qu'ils pouuoient, & auoient,
estans les Villes, & les Seigneuries, &
les gens departis entre les Espagnols:
qui est tout ce à quoy ils estudient,
pour estre cela le moyen de paruenir
à leur derniere fin, à sçauoir à l'or. Et
estans tous mis en la tyrannie & ser-
uitude accoustumée, le Tyran Capi-
taine

aine principal qui commandoit en
es pays-là, print le Seigneur & Roy
e tout ce pays, & le tint prisonnier
x ou sept mois, luy demandant de
or & des esmeraudes, sans cause, ny
aison aucune: Ledit Roy qui auoit
om Bogata, par crainte qu'ils luy
onnerent, dit qu'il donneroit vne
aison d'or, esperant qu'il eschappe-
oit des mains de celuy qui l'affligeoit:
il enuoya des Indiens qui luy ap-
ortassent de l'or: & de fois à autre
uy apporterent grande quantité d'or,
e de pierres precieuses: mais parce
ue le Roy ne luy donnoit la maison
d'or, les Espagnols disoient qu'on le
uast, puis qu'il n'accomplissoit point
e qu'il auoit promis. Le Tyran com-
manda qu'on le mist en iustice de-
ant luy mesme. Ils somment & ac-
usent ainsi le plus grand Roy de ce
pays-là, & le Tyran donne la senten-
e, le condamnant à estre tourmenté

&

& gehenné, s'il ne donnoit la maison d'or. Ils luy donnerent le tourment & l'estrappade de cordes: ils luy jettent du suif brullant sur le ventre: ils luy mettēt des fers aux pieds, qui estoient attachez à vn pieu, & lient le col à vn autre pieu, deux hommes luy tenans les mains, & ainsi ils luy mettent du feu aux pieds. Et le Tyran y venant de fois à autre, luy dit qu'on le tueroit peu à peu, s'il ne donnoit de l'or. Et ainsi il l'acheua, & fit mourir ledit Seigneure en ces tourmens: durans lesquels tourmens Dieu monstra par signe, que ces cruautez luy desplaïsoient, en consumant de feu toute la ville où elles se commettoient. Tous les Espagnols, pour suiure leur bon Capitaine, & pour ne sçauoir faire autre chose que de mettre en pieces ces pauvres gens, firent de mesme: tourmentans avec des diuers & sauages tourmens vn chacun Indien: le Cacique & Seigneure

neur du peuple avec toutes leurs
ens, qui leur estoient donnez en char-
e : lesdits Seigneurs avec toutes leurs
ens les seruans, & leur donnans de
or, & des esmeraudes, tant qu'ils pou-
oient & en auoient. Et les tourmen-
oient tant seulement, à fin qu'ils
leur donnassent de l'or dauantage &
es pierreries : & ainsi ils bruslerent
& despescherent tous les Seigneurs de
e pays-là.

De la grande peur des cruautez no-
ables qu'un des Tyrans particuliers
fisoit aux Indiens, se transporta aux
montagnes (en fuyant vne si grande
cruauté) vn grand Seigneur nommé
Daytama, avec beaucoup de ses gens
ar ils tiennent cecy pour remede &
esfuge s'il leur eust vallu : & les Espa-
nols appellent cela s'esleuer & rebel-
er. Ce qu'ayant cogneu le Capitaine
principal Tyran, il enuoya renfort
e gens audit cruel homme, pour la

M

cruau

cruauté de qui les Indiens qui estoient pacifiques , & auoient enduré de grandes tyrannies & meschancetez , estoient allez aux montagnes , à fin qu'il les allast chercher : & parce qu'il ne suffisoit point de se cacher aux entrailles de la terre , ils y trouueren grande quantité de gens , & tueren & despescherent plus de cinq cent ames , qu'hommes , que femmes , & & enfans : car ils ne prenoient per sonne à mercy. Aussi les tesmoins disent , que le mesme Seigneur Dayrama , deuant que les Espagnols le firent mourir , estoit venu audit cruel homme , & luy auoit apporté quatre ou cinq mille Castillans , quoy non obstant il fit le meurtre susdit.

Vne autrefois estans venus beaucoup d'Indiens pour seruir aux Espagnols , & estans seruans avec telle humilité & simplicité , qu'ils ont accoustumé , se tenans asseurez , voicy veni

par

ar vne nuit le Capitaine à la ville
à ils seruoient , lequel commanda
ne ces Indiens fussent mis au fil de
espée , quand ils auroient souppé , &
quand ils dormiroient , se reposans du
travail du iour. Et il fit cecy , parce
qu'il luy sembloit qu'il estoit bon de
faire ce massacre , à fin d'imprimer sa
crainte és cœurs de tous les gens de ce
pays-là.

Vne autrefois le Capitaine com-
manda de prendre serment des Espa-
nols , pour sçauoir combien vn cha-
cun auoit en sa maison & à son serui-
ce , de Caciques , & principaux Sei-
gneurs & Indiens de la commune , &
l'incontinent on les menast tous à
place , où il commanda qu'ils eus-
sent la teste tranchée : & furent ainsi
mis à mort quatre ou cinq cens per-
sonnes.

Et les tesmoins disent d'un certain
tyran particulier , qu'il auoit exercé

grandes cruautez en tuant , & coup-
pant les mains & le nez à plusieurs
hommes & femmes , & destruisant
beaucoup de gens.

Vne autrefois, le Capitaine enuoya
le mesme cruel homme avec quelque
Espagnols, à la Prouince de Bogata
pour s'informer qui estoit le Seigneur
qui auoit succédé en icelle Prouince
depuis qu'il en auoit fait cruellement
& avec tourmens tuer le Seigneur
vniuersel : & y chemina par beaucoup
de lieues de pays, prenant autant d'In-
diens qu'il peust. Et parce qu'ils ne
dirent point qui estoit le Seigneur
qui auoit succédé: il couppa aux vns
les mains, & fit jetter les autres hom-
mes & femmes, à des chiens achar-
nez, qui les mettoient en pieces. Et de
ceste maniere il a tué & destruit beau-
coup d'Indiens & Indiennes. Et vi-
iour à la quatriesme veille de la nuit
il alla pour se ruer sur des Caciques ou
Capitai

capitaines , & beaucoup d'Indiens,
qui estoient en paix, & assurez (car il
luy auoit donné sa foy , & assurance
qu'ils n'auroient aucun mal, ny dom-
mage) par laquelle seurté ils sortirent
des montagnes, où ils estoient cachez,
pour peupler la plaine, où ils auoient
leur ville. Et estans ainsi venus sans
suspçon, se fians à la foy donnée, il
leur print vn grand nombre, tant hom-
mes, que femmes, & commanda qu'on
leur fist tendre la main contre la ter-
re, & luy-mesme avec vn cimeterre
leur couppa les mains ; & leur dit qu'il
leur faisoit ce chastiment , parce qu'ils ne
voulurent point dire où estoit leur
seigneur nouveau, qui auoit succédé
à ce Royaume.

Vne autrefois, parce que les Indiens
ne luy dōnoient point vn coffre plein
d'or , que ce cruel Capitaine leur de-
mandoit, il enuoya des gens pour leur
faire la guerre , où ils tuerent vne in-

finité de personnes, & ils coupperent les mains & le nez à tant de femmes & d'hommes, que l'on n'en sçauroit dire le nombre. Ils en ietterent d'autres deuant des chiens acharnez, qui les despeschoient & mangeoient.

Vne autrefois voyans les Indiens d'une certaine Prouince de ce Royaume là, que les Espagnols leur auoient bruslé trois ou quatre Seigneurs des plus principaux, ils s'enfuyrent de peur, sur vne montagne, d'où ils se pouuoient deffendre contre les ennemis tant denuez de toute humanité. Et il y auoit (selon que les tesmoins disent) quatre ou cinq milles Indiens. Le Capitaine susdit enuoya vn grand & notable Tyran, qui surpassa de beaucoup plusieurs de ceux là qui ont la charge de rauager & gaster, avec certain nôbre d'Espagnols, à fin qu'ils chastiaissent les Indiens esleuez, qui fuyoient vn si grand carnage, comme s'ils

ils eussent fait chose qui ne fust de
pire, & comme il appartenoit à eux
de chastier & prendre vengeance, eux
mesmes estans dignes de tout tour-
ment, sans qu'on en aye pitié, ny mi-
sericorde, puis qu'ils en font tant esloi-
gnez, manians de ceste sorte ces pau-
res innocens. Or les Espagnols mon-
terent par force sur la montagne, car les
Indiens estoient nuds, & sans armes.
Et les Espagnols crioient aux In-
diens, paix, & les asseuroient qu'ils
ne leur feroient aucun mal, & que
quant à eux, qu'ils ne fissent guerre.
Incontinent que les Indiens cessèrent
de se defendre, l'homme tres-cruel en-
voya dire aux Espagnols qu'ils prin-
rent les forts de la montagne: & quand
ils les auroient, ils donnassent dedans
aux Indiens. Ils donnerent donc com-
me des tigres & lions, dedans ces
rognons tant doux, & en mettent
tant au fil de l'espée, qu'il a fallu qu'ils

se missent à reposer : & apres auoir reposé quelque temps , le Capitaine commanda qu'ils tuassent & iettassent de la montagne (laquelle estoit fort haute) tous ceux qui estoient demeurez en vie , & il fut fait ainsi. Et les moins disent , qu'ils voyoient comme vne nuée d'Indiens, iettez de la montagne à bas , de sept cens hommes ensemble , où ils tresbucherent en pieces.

Et pour accomplir toute sa grande cruauté , ils rechercherent tous les Indiens qui s'estoient cachez parmy les buissons, & commanda qu'on les tuast à estocades : & ainsi ils les tuerent , & les ietterent du haut de la montagne en bas. Encores ne se pouuoit-il contenter des choses dites , tant cruelles : mais se volut faire encore plus connoistre , augmentant ses pechez horribles, en ce qu'il commanda que tous les Indiens & les Indiennes , que quel-
ques

ques particuliers pouuoient auoir pris
vifs (car vn chacun en tels massacres a
accoustumé de recueillir quelques-
uns, & des masles, & des femmes, &
des garçons pour s'en seruir) fussent
mis en vne maison de paille, sauuez &
reseruez ceux-là, qui leur sembloient
estre bons pour leur seruice, & qu'on
y mist le feu: & furent ainsi bruslez
quarante ou cinquante tous vifs. Il fit
mettre tous les autres deuant les chiens
acharnez, qui les mettoient en pie-
ces, & les deuoroient.

Vne autrefois le mesme Tyran alla
à vne Ville, qui a nom Cota, & print
là grande quantité d'Indiens, & fit
desmembrer par ses chiens quinze ou
vingt Seigneurs des principaux, &
couppa les mains à grande multitude
d'hommes & de femmes: lesquelles
mains il enfla le long d'une perche, à
fin que les autres Indiens veissent ce
qu'il auoit fait à ceux-là. Il y auoit

M ; enfilé

Histoire des Indes
enfilé septante couples de mains. Il
couppa aussi à plusieurs femmes & en-
fans le nez.

Personne ne sçauroit dechiffrer les
meschancetez, & cruautez de cét hom-
me ennemy de Dieu : car elles sont
sans nombre, & non iamais plus ouyes,
ny veuës celles qu'il a fait, & par le
pays de Gatimala, & par tout où il a
esté : car il y a beaucoup d'années qu'il
fait ce mestier, de brusler & de de-
struire ces gens & ces pays-là.

Les témoins disent d'abondant, que
les cruautez & tueries qui se sont fai-
tes, se font encores audit nouveau
Royaume de Grenade, par les person-
nes mesmes des Capitaines, & par le
consentement qu'ils ont donné à tous
les autres Tyrans, degasteurs & extir-
pateurs du genre humain, qui estoient
avec luy, & qui ont rendu tout le
pays desert & gasté : & sont telles &
si grandes, que si sa Majesté n'y met
remede

remede en temps , (comme ainsi soit
que la tuerie des Indiens se fait seule-
ment pour luy oster l'or , lequel ils
n'ont point : car ils ont donné tout ce
qu'ils en auoient) ils l'acheueront en
peu de temps , de sorte qu'il n'y aura
point d'Indiens pour habiter la terre,
laquelle demeurera en friche & sans
estre cultiüée.

Il faut icy noter la cruelle tyrannie
de ces mal-heureux Tyrans , combien
elle a esté violente & diabolique ,
qu'en l'espace de deux ou trois ans,
depuis que ce Royaume a esté descou-
uert , lequel (selon que tous disent ,
& ceux qui y ont esté , & ceux qui de-
posent comme témoins) estoit plus
peuplé de gens , que ne pouuoit estre
autre pays au monde : ils y ont raclé &
tué , se monstrans tant esloignez de pi-
tié , de compassion , de la crainte de
Dieu & du Roy , que l'on dit que si sa
Majesté n'empesche ces inhumanitez
&

& tyrannies diaboliques, il n'y demeura point vn seul homme viuant, & aussi ie le croy: car i'ay veu de mes propres yeux qu'en ces quartiers là, ils ont destruit & despeuplé en peu de iours de grands pays. Il y a d'autres grandes Prouinces, qui confinent avec ledit nouveau Royaume de Grenade, qui s'appelloit Popayan & Cali, & trois ou quatre autres, qui contiennent plus de cinquante lieues de pays, lesquelles ils ont destruites & desolées de la mesme maniere qu'ils ont fait les autres, en déroband & en tuant par les tourmens & enormitez dessus dites, & les gens en estoient infinies, car la terre est tres-fertile: & ceux qui en viennent à ceste heure, disent, que c'est vne chose pitoyable & triste, de voir tant de si grandes Villes brulées & desolées, comme ils en veirent repassans par là: que là où il souloit auoir en vne Ville mille ou deux mille

ména

ménages, ils n'y en ont point trouué cinquante, & les autres ont esté totalement rasées & despeuplées. Et en quelques quartiers ils ont trouué deux & trois cens lieuës de pays tout dépeuplé & brulé, & des grandes villes destruites. Et finalement, parce que depuis que les Royaumes du Peru, du costé de la Prouince de Quito, sont entrez bien auant de grands & cruels Tyrans, iusques audit nouveau Royaume de Grenade, & de Popayan, & de Cali, par le costé de Carthagene, & Vraba, & que aussi autres mal-heureux Tyrans de Carthagene sont allez assaillir Quito, & puis apres encores du costé de la riuiera de saint Iean, qui est à la coste de Midy. Tous lesquels se sont venus joindre, & ont extirpé & dépeuplé plus de 600. lieuës de pays, avec la perte d'une infinité d'ames, & faisans encores à ceste heure le mesme aux pauvres gens, qui y restent,

rentent, tous innocens qu'ils sont.

Et ainsi est la regle que j'ay posé au commencement veritable : c'est que la tyrannie, la violence, & l'iniquité des Espagnols, est tousiours allée en croissant en cruauté, inhumanité, & meschanceté contre ces agneaux tant doux. Ce qui fait pour le present en ces Prouinces, entre autres choses tres-indignes de tout le feu & tourment, est tout ce qui s'ensuit.

Après les tueries & massacres des guerres, ils mettent les gens en la servitude horrible dessusdite, & les donnent en des commandes aux diables, à vn deux cens Indiens, & à l'autre trois cens. Le diable Commendador commande qu'on fasse venir deuant luy cent Indiens, lesquels viennent incessamment, comme des agneaux, & fait coupper la teste à trente ou quarante d'entr'eux, & dit aux autres là presens, Je vous feray de mesme, si vous

vous ne me seruez bien, ou si vous allez arriere de moy sans mon congé.

Que pour l'honneur de Dieu, ceux qui ont leu, ou liront cecy, considerent à cette heure, si cét acte tant horrible & cruel, ne passe point toute cruauté, de laquelle on se sçauroit aduiser, & si c'est à tort, quel'on appelle les Espagnols diables. Et lequel vaudroit mieux, de donner les Indiens en charges au diable d'Enfer, ou aux Espagnols qui sont és Indes?

Après cecy, ie raconteray vn autre acte diabolique, lequel ie ne sçay point s'il est moins cruel, & inhumain que sont ceux des bestes sauuages. C'est que les Espagnols qui sont és Indes, prennent des chiens tres-cruels, instruits, & enseignez tout à propos, pour tuer & deschirer les Indiens. Que vous ceux qui sont veritablement Chrestiens, & aussi ceux qui ne le sont point, regardent si iamais il a esté ouy au monde chose semblable : c'est

que pour nourrir desdits chiens , ils meinent par tout où ils vont , en des chaînes beaucoup d'Indiens , comme si c'estoient des pourceaux, & les tuent, tenans boucherie de chair humaine. Et les vns disent aux autres , preste moy vn quartier d'vn vellaco , pour donner à manger à mes chiens, iusques à ce que i'en tuë aussi vn , tout ainsi comme s'ils empruntoient vn quartier d'vn pourceau , ou d'vn mouton. Il y en a d'autres qui vont au matin à la chasse avec leurs chiens , lesquels, estans reuenus pour manger, si on leur demande, comment auez vous fait ? Ils répondent , bien : car i'ay tué avec mes chiens quinze ou vingt vellacos. Toutes ces choses diaboliques sont prouuées , au proces que les Tyrans ont fait les vns contre les autres. Y a-il chose plus horrible ou plus inhumaine.

Je me veux deporter de cety, iusques

ques à ce qu'il nous vienne autre nou-
uelle des choses en meschancetez plus
insignes & remarquables (s'il en peut
estre de plus griesues) ou iusques à ce
que nous retournions à les voir de
nouveau, comme nous les auons veuës
par le passé l'espace de quarante deux
ans continuellement, de nos propres
yeux: Protestant en bonne conscien-
ce à Dieu, que ie croy & ie le tiens
pour certain, que les dommages & les
pertes sont si grandes, avec les destru-
ctions & subuersions des villes, massa-
cres & tueries, avec les cruautez hor-
ribles & hideuses, avec les violences,
iniquitez & larrecins: toutes lesquel-
les choses ont esté commises entre ces
gens, & en ces pays, & se commettent
encores aujourd'huy en tous ces quar-
tiers-là: qu'en toutes les choses que
i'ay dites, & comme ie les ay peu des-
chiffrer au plus pres du vray, ie n'en
ay point dit de mille parts vne, de ce

N

qui

qui a esté fait, & se fait encores à present, soit que regardiez la qualité, soit que regardiez la quantité.

Et à fin que tous Chrestiens ayent plus grande compassion de ces pauvres innocens, & qu'ils plaignent davantage leur perdition & damnation, & qu'ils detestent l'avarice, l'ambition & la cruauté des Espagnols, que tous tiennent pour plus que veritable, avec tout ce que j'ay dit cy-dessus, que depuis que les Indes se sont descouvertes, iusques à present, iamaïs les Indiens n'ont fait mal aux Espagnols en lieu qui soit, iusques à ce qu'ils ayent les premiers receu des torts & des iniures, estans desrobez & trahis : mais bien ils les tenoient pour immortels, pensans qu'ils fussent venus du Ciel, & ils les receuoient pour tels, iusques à ce qu'ils donnoient ouvertement à connoistre quels ils estoient, & à quoy ils pretendoient.

L'adju

I'adjousteray encores cecy , que dès le commencement iusques à ceste heure , les Espagnols n'ont eu non plus de soin à procurer, qu'à ces gens-là fust preschée la foy de Iesus-Christ, que s'ils eussent esté des chiens, ou autres bestes : mais bien qui pis est, ils ont defendu par expres aux Religieux, leur donnans beaucoup d'afflictions, & de persecutions, à fin qu'ils ne leur preschassent point , parce qu'il leur sembloit que cela mettoit empeschement à acquerir de l'or , & des richesses que l'avarice leur promettoit. Et aujourdhuy par tous les Indes il n'y a non plus de connoissance de Dieu (à sçauoir s'il est fait de bois, ou d'air, ou de terre) qu'il y auoit il y a dix ans, excepté l'Espagne neufue, où les Religieux sont allez , & est vn bien petit coin des Indes : & sont aussi peris , & perissent tous sans foy , & sans Sacramens.

Moy Frere Berthelemy de las Casas , Religieux de saint Dominique, qui par la misericorde de Dieu , suis venu en ceste Cour d'Espagne, pourchassant que l'Enfer fust retiré des Indes , & que ces ames infinies rachetées par le sang de Iesus-Christ , ne perissent point pour tout iamais sans remede : mais qu'elles connoissent leur createur , & soient sauuées : aussi par le soin & compassion de ma patrie , qui est Castille , à fin que Dieu ne la destruisse point , pour les grands pechez commis contre sa foy , & son honneur , & contre les prochains, à cause de quelques personnes notables , zelateurs de l'honneur de Dieu , touchées de compassion des afflictions & calamitez d'autrui qui suyuent ceste Cour (combien que i'auois bien proposé d'ainsi faire : mais ne l'auois peu faire si tost , par mes continuelles occupations) i'acheuay ce traicté & sommaire

Sommaire à Valence le 8. de Decembre l'an mil cinq cens quarante deux, estant venu au plus haut degré d'extrémité, la force, & toutes les violences, les oppressions, les tyrannies, les desolations, les angoisses, & les calamitez susdites, en toutes les parts des Indes, où il y a des Espagnols, combien qu'en vne part ils sôt plus cruels, plus sauuages, & plus abominables qu'en autre Mexico, & ses confins sont mal traitez. Certes l'on n'y ose faire des outrages ouuertement, parce que là (& non point en quelque autre part) y a aucune iustice, tant petite qu'elle soit, parce que là aussi on les tue par des tributs diaboliques. J'ay bonne esperance que l'Empereur & Roy d'Espagne nostre Seigneur, & sire Don Charles le Quint de ce nom, qui commence à entendre les meschancetez, & trahisons qui ont esté commises, & se commettent contre les pauvres gens

& pays, contre la volonté de Dieu, & la sienne, (car on luy a tousiours iustiques à présent finement celé la verité) extirpera tant de maux, & mettra remede à ce monde nouueau, que Dieu luy a donné, comme à celuy qui aime & exerce iustice: la gloire & vie heureuse & estat Imperial duquel Dieu tout-puissant vueille faire long-temps prosperer, pour remedier à toute son Eglise vniuerselle, & pour le salut de son ame Royale. Amen.

Après auoir couché par escrit ce que dessus, ont esté publiées certaines loix & ordonnances, que sa Majesté auoit faite en ce temps-là, à Barcelonne, l'an 1542. au mois de Nouembre, & en la ville de Madril en l'an suiuant, par lesquelles ordonnances il a esté mis tel ordre, que pour lors il sembloit conuenir, à fin de faire cesser tant de meschancetez, & pechez qui se commettoient contre Dieu & les prochains,


rochains, tendant à l'entiere ruine
perdition de ce monde nouveau.
a Majesté a fait ces loix-là, apres
avoir tenu plusieurs assemblées de
personnes d'autorité, de lettres & de
conscience, & apres avoir tenu des
disputes & conferences, en Valadolid,
& finalement avec l'accord, & l'aduis
de tous les autres qui ont donné leur
aduis par escrit, & ont esté trouvez
les plus approchans aux reigles de la
Loi de Iesus-Christ, vrais Chrestiens,
& aussi libres & nets de la corruption
& souilleure des thresors desrobez aux
indiens: lesquels thresors ont souillé
les mains, & beaucoup plus les ames
de plusieurs, ausquels lesdits thresors
& l'avarice commandoient, & dont
procedoit l'aueuglement, qui causa
d'ainsi gaster tout, sans aucun scrupu-
le. Ces loix estans publiées, des crea-
teurs des Tyrans qui estoient pour lors
en la Cour, en firent plusieurs copies

(car il leur faisoit mal, parce qu'il sembloit qu'on leur fermoit la porte au butin, & extorsion faicte par la tyrannie susdite) & les enuoyerent en diuers quartiers des Indes. Ceux qui auoient la charge de desrober, extirper, & consommer par des tyrannies, ainsi qu'ils n'auoient iamais tenu ordre, mais bien fait grand desordre tel que Lucifer mesme pourroit faire: comme ils veirent lescdites copies, deuant que les Iuges nouveaux, qui deuoient faire l'execution des mandemens, fussent arriuez, connoissans (comme il se dit, & il se peut croire) de ceux qui iusques à présent auoient supporté & soustenu leurs pechez, & leurs violences, qu'elles se deuoient faire, se mutinerent de telle maniere, que quand les bons Iuges furent venus pour les executer, ils s'auiserent (comme ceux-là qui auoient perdu l'amour & la crainte de Dieu) de per-

dre

re aussi toute honte, & l'obeissance
qu'ils deuoient au Roy: & ainsi ils
trindent le nom de traïstres, se por-
ans en tyrans tres-cruels & desbor-
gez, & principalement és Royaumes
du Peru, où maintenant en cét an mil
vingt cens quarante deux, il se commet
des actes horribles, & espouuantables,
qu'il n'en fut iamais fait de sembla-
bles, ny és Indes, ny en tout le reste
du monde, non seulement contre les
indiens, lesquels ils ont quasi tous
uez, ayans despeuplé tout ce pays-
là: mais aussi contr'eux mesmes, par
un iuste iugement de Dieu, qui a per-
mis qu'ils fussent bourreaux les vns
es autres. Auec l'ayde de la rebellion
de ceux-cy, toutes les autres parties
de ce nouveau monde n'ont point
voulu obeyr aux loix. Et auec cou-
eur de supplier à sa Majesté au con-
traire, ils se sont esleuez comme les
autres: parce qu'il leur fait mal de

laisser les estats & les biens qu'ils ont
vsurpez, & de dessier les mains aux In-
diens, lesquels ils tiennent en vne ca-
ptiuité perpetuelle. Et là où ils ces-
sent de tuer avec des espées, sur le
champ, ils tuent peu à peu par serui-
tudes personnelles, & charges iniustes,
& intolerables. Ce que le Roy n'a peu
iusques à present empescher, parce que
tous petits & grands, vont brigandans
& desrobant, les vns plus, & les au-
tres moins; les vns publiquement &
ouuertement, & les autres secrette-
ment: & sous quelque pretexte & cou-
leur de seruir au Roy, ils deshono-
rent Dieu, & desrobent sa Majesté:



E QVI S' ENSUIT, EST
vne partie de missiue , qu'escriuit vn
personnage de ceux-là mesmes qui su-
rent en ces voyages, & raconte les œu-
res que fit & consentit faire le Capi-
taine, aux pays par où il passa. Et com-
me ainsi soit que ladite missiue estant
donnée à relier , auec d'autres papiers,
le relieur en oublia , ou perdit vne fueil-
le , ou fueilles, d'autant que ladite mis-
siue contenoit des choses espouuantables,
que mesme vn de ceux-là qui les auoyēt
faites , m'auoit donné , & auoix le tout
en ma puissance : ce que ie vous en don-
ne maintenant , est sans commencement
& fin. Car pour estre cette parcelle qui
est demeurée , pleine de choses notables:
il m'a semblé bon qu'elle fust aussi im-
primée , me confiant qu'elle causera à
vostre Altesse autant de compassion
& horreur que les autres choses susdi-
tes,

204 *Histoire des Indes*
tes, & quant & quant vn desir d'y re-
medier.

M I S S I V E.

IL donna licence de les mettre à la
Cadene & en seruage. Ce qu'ils fi-
rent : & le Capitaine mena aupres de
luy trois ou quatre hardillées de ces
hommes enchainez : & en ce faisant il
ne procura point que le pays fust se-
mé & peuplé (comme il conuenoit
qu'il fust fait, & desrobant aux Indiens
tous les viures qu'ils auoient, les na-
turels du pays furent reduits à telle ne-
cessité, qu'on en a trouué grand nom-
bre morts de faim par les chemins. Et
les Indiens allans & venans à la coste,
chargez du bagage des Espagnols : il
en fit mourir par ce moyen enuiron
dix mille. Car pas vns d'eux n'arriua
à la coste sans mourir, pour estre le
pays excessiuement haut

Après cela suyuant la mesme trace,
& le

le chemin par où Jean d'Ambudia
estoit allé, enuoyant les Indiens qu'il
ra du Quito, vne iournée deuant luy,
fin qu'ils descouurissent les bourga-
es des Indiens, & les pillassent, à fin
ue le butin fust tout prest, quand il y
riüeroit avec ses gens. Et ces Indiens
estoit à luy, & à ses compagnons,
ont tel auoit 200. & tel 300. & tel
00. selon que le bagage que chacun
eux auoit : lesquels Indiens venoient
e rendre à leurs maistres, avec tout ce
u'ils auoient desrobbé. En quoy fai-
ant ils commettoient des grandes
ruautez à l'endroit des enfans & des
emmes, & si vsa de la mesme maniere
e faire en Quito, brullant tout le
pays, & les greniers où les Seigneurs te-
noient leur fröment en reserue. Il per-
nit de faire des grands outrages en
uant les ouïailles, desquelles se nour-
issoient & entretenoient le plus, &
es Espagnols, & les naturels du pays.

Et

Et seulement pour en auoir le cerueau
& le suif, il permit qu'ils tuassent deu
ou trois cens moutons, dont la char
fut iettée à perdition. Et les Indien
amis des Espagnols, qui alloient avec
eux pour seulement manger le cœur
des moutons, ils en tuerent grand
nombre, parce qu'ils n'en mangeoient
autre chose. Et deux hommes en vn
Prouince nommée Parua, tuerent
vingt-cinq moutons & brebis de vol
cture, qui valloient entre les Espa
gnols vingt-cinq ducats la piece
seulement pour en manger le cerueau
& le suif. Et ainsi par ce desordre de
tuerie excessiue ont esté perdus plus de
cent mille chëfs de bestail. A cause de
quoy le pays vint en grande necessité
les naturels mourans miserablemen
de faim. Et le Quito qui estoit pour
ueu de si grande quantité de fromen
qu'on ne le sçauoit bonnement dir
seulement par ce mauuais ordre f
ass

Mailly de telle famine , qu'un septier
de froment montoit iusques au prix
de dix ducats, & vne brebis à autant.

Après que ledit Capitaine fut re-
tourné de la coste , il delibera de se
partir de Quito : & pour aller trouuer
Capitaine Iean d'Ampudia, leua plus
de deux cens hommes de pied & de
cheual, entre lesquels y eust beaucoup
des habitans de la ville de Quito. Et
six habitans qui alloient avec luy,
ledit Capitaine donna licence d'em-
mener les Caciques, qui leur estoient
tombez en partage, avec autant d'au-
tres Indiens qu'ils voudroient. Ce
qu'ils firent : & Alonso Sanches Nuy-
za emmena son Cacique, avec plus de
100. Indiens, & quant & eux leurs fem-
mes, & semblablement Pierre Cobo
& son cousin, & en menerent plus de
cent & cinquante, & leurs femmes : &
plusieurs d'entr'eux menerent aussi
leurs enfans, parce que tous mou-
roient

roient de faim. Aussi Moran habitant de Popayan, mena plus de deux cens personnes. Et le mesme firent tous les autres bourgeois & soldats, chacun selon la puissance qu'il auoit : & lesdits soldats demandoient qu'il leur fust donné licence de pouuoir mettre en captiuité les Indiens & Indiennes qu'ils menoient, ce qui leur fut permis, iusques à ce qu'ils mourussent : & eux estans morts, qu'ils en fissent autant des autres : car si les Indiens estoient sujets de sa Majesté, aussi estoient les Espagnols qui mouroient en la guerre, aussi bien qu'eux. Et de cette maniere partit ledit Capitaine de Quito, allant à vne ville appelée Otaba, laquelle il tenoit à cette heure là pour son partage, & demanda au Cacique qu'il luy fust donné cinq cens hommes pour les mener à la guerre, qui luy furent donnez avec certains Indiens, personnages principaux. Il
depar

departoit vne partie de ces gens-là aux
soldats, & mena le reste avec soy,
quelques vns chargez, & quelques
vns enchainez, & quelques vns des-
fiez, à fin qu'ils seruissent & leur ame-
nassent à manger. Et de cette façon
menerent les soldats à la cadene,
liez avec cordes. Quand ils parti-
rent de la Prouince de Quitó, ils em-
menerent plus de six mille Indiens &
Indiennes, & de tous ceux-là, il n'en
retourna point vingt en leur pays: car
ils moururent tous, par les grands &
excessifs traux qu'on leur faisoit en-
durer és regions ardenes contre leur
naturel. Il aduint en ce temps-là qu'un
Alonso Sanchez, que ledit Capitaine
enuoya pour chef de quelque nom-
bre de gens à vne Prouince, rencontra
en chemin quelque nombre de fem-
mes & de ieunes garçons tous chargez
de viures: lesquels l'attendirent, sans
bouger du lieu, pour luy donner de

ce qu'ils auoient: & ce Capitaine com-
manda que tous fussent mis au tren-
chant de l'espée. Et aduint chose mer-
ueilleuse, c'est qu'un soldat frappant
vne Indienne, son espée rompit du
premier coup par le milieu: & au se-
cond coup, il ne luy demeura que la
poignée, sans que l'Indienne fust blef-
sée. Et vn autre soldat voulant frap-
per vne autre Indienne d'un poignard
quarré, le poignard se rompit au pre-
mier coup, à la longueur de quatre
doigts, & au second coup il ne luy de-
meura que le manche. Au mesme
temps que ledit Capitaine sortit de
Quito, & en tira grand nombre des
naturels, les desmariant, & donnans
les ieunes femmes à ses Indiens qu'il
menoit, & les autres femmes il les
donnoit aux autres qui demeuroident
à la ville, pour estre trop vieux. Il sor-
tit de Quito vne femme avec vn petit
enfant entre ses bras, criant apres luy

disant, qu'il n'emmenast point son mary, parce qu'elle auoit trois petits enfans, lesquels elle ne pourroit nourrir, & mouroient de faim. Et comme le Capitaine luy eust donné mauuaise responce à la premiere abordée, elle retourna la seconde fois avec plus grands cris, disant que ses enfans mouroient de faim. Et voyant que le Capitaine la faisoit repousser arriere, qu'il ne luy vouloit rendre son mary, elle frappa la teste de l'enfant contre les pierres, & le tua.

Il aduint aussi qu'au temps que ledit Capitaine vint en la Prouince de Chili, à vne ville appellée Palo, voisine de la grande riuiere, où il trouua le Capitaine Iean de Ampudia, qui estoit venu deuant, pour descouurir & passer le pays: ledit Ampudia tenoit la ville par luy proueuë de garnison au nom de sa Majesté, & du Marquis Francisco de Piçarro: & y auoit or-

donné pour le Gouverneur ordinaire vn Pedro Solano de Quenones, & huit Conseillers, & tout le reste du pays estoit en paix & partagé. Et comme il sceut, que ledit Capitaine estoit en ladite riuiere, il le fut voir avec beaucoup des habitans, & des Indiens de paix, chargez de viures & de fruiçts. Et après tous les Indiens les plus voisins le vindrent aussi voir, luy apportans à manger. Il y auoit les Indiens de Xamundi, & de Palo, & de Soliman, & de Bolo. Et parce qu'il n'apportoient tant de froment qu'il demandoit, il enuoya grand nombre d'Espagnols avec leurs Indiens pour aller chercher du froment : leur commandant de l'apporter quelque part qu'ils le trouuassent. Et ainsi allerent-ils à Bolo, & à Polo, & trouuerent les Indiens & Indiennes en leurs maisons en paix : & lesdits Espagnols & ceux qui estoient avec eux, leur prindren

brindrent & desfroberent le froment,
or & couuertes, & tout ce qu'ils
auoient, & en lierent plusieurs. Les
indiens voyans qu'on les traittoit si
mal, ils s'en allerent plaindre audit
Capitaine, demandans, que tout ce
que les Espagnols leur auoient osté,
fist rendu : mais le Capitaine ne leur
voulut rien faire rendre, & dit qu'on
n'y retourneroit plus. Toutesfois qua-
tre ou cinq iours apres les Espagnols
retournerent pour auoir du froment,
& pour piller les Indiens naturels
comme deuant. Parquoy eux voyans
que le Capitaine ne leur gardoit point
de foy, tout le pays s'esleua & reuol-
ta contre les Espagnols, dont il vint
grand dommage, & en fut Dieu & sa
Majesté offensée, & ainsi demeura le
pays despeuplé, pour autant que les
Olomans & les Manipos leurs enne-
mis (qui sont gens montagnars & bel-
leux) descendoient iournellement

pour les prendre & piller : quand ils voyent que les villes & lieux de leur residence estoient abandonnez. Et entre ceux-là, celui qui estoit le plus fort, mangeoit l'autre : car tous mourroient de faim. Et cela fait, le Capitaine vint à la ville d'Ampudia, où il fut receu pour General : & de là à sept iours il partit, pour aller vers les logis de Lili & de Peti, avec plus de deux cent hommes de pied & de cheual.

Après ce que dit est, ledit Cheu enuoya ses Capitaines d'une part & d'autre, pour faire cruelle guerre aux Indiens naturels, & tuerent de cette maniere grand nombre d'Indiens & d'Indiennes, bruslans leurs maisons & desrobans leurs biens. Et cecy dura plusieurs iours. Et voyans les Seigneurs du pays, qu'on les tuoit & destruisoit, ils enuoyerent des Indiens de paix avec viures. Et ledit Capitaine estant allé vers une ville nommée

Yce

Yce, avec tous les Indiens que les Espagnols auoient pris en Lili, sans en auoir relasché vn seul: & quand il fut arriué en ladite ville de Yce, il enuoya incontinent des Espagnols pour piller, prendre & tuer tous les Indiens & Indiennes qu'ils pourroient, & commanda de brusler beaucoup de maisons, & ainsi en bruslerent-ils plus de cent. Et de ce lieu s'en alla à vne autre ville, nommée Tulilicui, dont le Cacique sortit incontinent en paix, allant au deuant de luy avec beaucoup d'Indiens. Le Capitaine demanda de l'or de luy & de ses Indiens. Le Cacique luy dit, qu'il n'en auoit qu'un peu, & que ce qu'il en auoit luy feroit donné: & incontinent tous commencerent à luy donner tout ce qu'ils pouuoient. Dont ledit Capitaine donna à chacun d'eux vne cedulle, avec le nom dudit Indien, en témoignage de ce qu'il luy auoit donné de l'or: disant que celuy qui

n'auroit la cedulle, seroit ietté aux chiens pour estre deuoré, pourtant qu'il ne luy donnoit de l'or. Et ainsi tous les Indiens de peur qu'ils auoient donnerent tout l'or qu'ils pouuoient & ceux qui n'en auoient point s'enfuirent aux montagnes, & à des autres villes, de peur d'estre tuez. A cause dequoy il perit grand nombre des naturels du pays : & tantost apres ledit Capitaine commanda au Cacique qu'il enuoyast deux Indiens à vne autre ville, nommée Dagua, leur dire qu'ils vinssent en paix, & luy apportassent de l'or à foison. Et venant à vne autre ville, il enuoya cette nuit-là plusieurs Espagnols pour prendre des Indiens, & les Indiens de Tuhlicui : & ainsi ils amenerent le iour d'apres plus de cent personnes : & tous ceux qui pouuoient porter charges, il les prenoit pour soy, & pour les soldats, & les mirent à la cadene, où ils moururent.

urent tous. Et ledit Capitaine donna les petits enfans audit Cacique Tullilicui pour les mager: & encores pour le iourd'huy les peaux de ces enfans sont en la maison dudit Cacique Tullilicui pleines de cendres: & ainsi se partit de cette place sans truchement & s'en alla vers les Prouinces de Calili, où il se ioignist au Capitaine Iean d'Ampudia, qui l'auoit enuoyé pour decouurir par vn autre chemin, faisant l'vn & l'autre de grands outrages, & beaucoup de maux aux habitans du pays par tout où ils alloient. Et ledit Iean d'Ampudia vint à yne ville, de laquelle le Cacique & Seigneur, nommé Bitacon auoit fait faire certaines fosses pour se defendre, & tomberent en icelles deux cheuaux: l'vn d'Antonio Redondo, & l'autre de Marcos Marques. Celuy de Marcos Marques mourut, & l'autre non. A cause dequoy ledit Ampudia comanda qu'on

O s

prist

prist tous les Indiens & Indiennes qu'on pourroit. Et ainsi ils prindrent & mirent ensemble plus de cens personnes, & les ietterent toutes viues en ces fosses, & les tuerent, & bruslerent quant & quant plus de cent maisons en ladite ville. Et ainsi ils se trouuerent ensemble en vne grande ville, & sans appeller les Indiens de paix, & sans auoir truchement de parler avec eux, ils tuerent à coups de lances grand nombre d'iceux, leur faisans guerre cruelle. Et comme il est dit, incontinent qu'ils se furent joints, ledit Ampudia dit au Capitaine ce qu'il auoit fait en Bitaco, & comment il auoit mis tant de gens dedans les fosses, & ledit Capitaine répondit, que c'estoit fort bien fait: & quant à luy, il auoit fait de mesme en la riuiera de Bamba, quand il y entra: qui est en la Prouince de Quito, & auoit mis en des fosses plu de deux cens personnes, & là s'arrestèrent

resterent, faisans guerre à tout le pays. Puis apres il entra en la Prouince de Biru, ou de Anzerma, en faisant cruelle guerre à feu & à sang, iusques aux loges du sel. Et de là il enuoya Francisco Garcia deuant luy, pour piller, qui faisoit naturelle guerre aux naturels du pays, comme auparauant. Les Indiens venoient à luy deux à deux, faisans signe qu'ils demandoient paix, de la part de tout le pays, disans qu'ils donneroient tout ce qu'on pourroit demander, fusse or, ou femmes, ou viures: mais qu'on ne les tuaist point ainsi qu'il est vray: car eux-mesmes l'ont depuis confessé. Et ledit Francisco Garcia leur dit, qu'ils s'en allassent, qu'ils estoient des yurongnes, & qu'il ne les entendoit point: & ainsi il retourna la part où estoit ledit Capitaine, & partirent pour courir toute la Prouince, faisans guerre cruelle aux naturels du pais, en les pillant & dérobant

bant & tuant tous, & tira de là avec les foldats qu'il mena quant & luy plus de deux milles ames, & tous ceux cy moururent en la cadene. Deuant que sortir du lieu qu'il auoit peuplé, ils tuerent plus de cinq cens personnes. Et ainsi il retourna à la Prouince de Calili. Et en chemin si aucuns Indiens ou Indiennes estoient lassés, de maniere qu'ils ne peussent aller plus outre, on leur donnoit incontinent des estocades, & leur couppoit-on la teste contre la chaine, à fin de ne prendre la peine de l'ouurir, & que les autres qui alloient le mesme chemin, ne fissent point les malades: & de ceste maniere moururent tous: & par les chemins se perdirent toutes les gens qu'il auoit tiré de Quito, de Pasto, de Quilla Cangua, de Patra, de Popayan, de Lili, de Cali, de Anzerma, & d'autres lieux: grand nombre de gens mourut. Et incontinent

retour à la ville grande, ils entrèrent en celle, tuans tous ceux qu'ils peurent. Et en ce iour là ils prindrent trois cens personnes:

Il enuoya de la Prouince de Lili le dit Capitaine Iean de Ampudia avec beaucoup de gens, aux logemens & lieux peuplez de Lili: à fin qu'ils prissent tous les Indiens & les Indiennes qu'ils pourroient, & qu'ils les luy amenassent, pour s'en seruir à la voiture; parce que tous ceux qu'il auoit auparauant amenez d'Anzerma & de Alli, estoient morts, qui estoient en grand nombre. Et ledit Iean de Ampudia amena plus de mille personnes, & en tua beaucoup. Et ainsi ledit Capitaine print autant de gens qu'il auoit de besoin, & donna le reste aux soldats qui les mirent incontinent à la chaine, où tous moururent. Et ainsi despeuplant ladite ville des Espagnols & des naturels du pays en si grand
nom

nombre , comme il appert par le peu de gens qu'il y est demeuré : il partit pour aller à Popayan , & laissa en chemin vn Espagnol vif nommé Martin de Aguirre , qui ne pouuoit suyure les autres. Et estant venu à Popayan , il y mit garnison : & commença à exterminer & desrober les Indiens de cette contrée-là , à la maniere qu'il auoit fait aux autres. Et il fit là vn coin Royal , & fondit tout l'or qu'il auoit eu, & que Iean d'Ampudia auoit auant qu'il vinssse à luy , & sans en dresser aucun conte & raison , & sans en faire part à aucun soldat , prenant le tout pour soy : excepté qu'il donna ce qu'il voulut à quelques-vns qui auoient perdu leurs cheuaux. Et ayant fait cecy , leuant le cinquième de sa Majesté , il dit qu'il alloit à Cuzco, pour rendre raison & conte à son Gouverneur. Mais il s'en alla à Quito , prenant par le chemin beaucoup d'Indi

Indiens & d'Indiennes, & tous moururent au chemin & au lieu de Quito. Outre cela ledit Capitaine desfit le poin Royal qu'il auoit fait. Il faut icy dire vn mot, que cestui-cy dit soy-mesme, comme celuy qui n'ignoroit point les maux & cruautez qu'il faisoit. Il dit ainsi: d'icy à cinquante ans, ceux qui passeront par icy, & vuyront ces choses, diront: Par icy ala vn tel Tyran.

Vostre Altesse, doit sçauoir & estre asseurée, que ces entrées & sallies que cestui-cy fit en ces Royaumes-là, & de ceste maniere de visiter ces Indiens, qui viuoient à seureté en leurs contrées, & les méchancetez qu'il faisoit en icelles, ont esté pratiquée & exécutées par les Espagnols, qui ont tousiours suiuy le mesme train & maniere de faire, dés le temps qu'ils descouurirent, iusques aujourd'huy par toutes les Indes.


LE TRANSLATEVR.

ON pouuoit se contenter (amy Lecteur) de ce que iusques icy a esté veu des tyrannies & cruantez des Espagnols ; n'eust esté que comme ce traicté cueilly par expres, & du tout à propos par l'auteur pour ce faict, estoit acheué de traduire, estant prest à estre imprimé, Voicy venir en mes mains le mesme traicté en langue Brabançonne outre mon esperance, & toutes fois à mon tres-grand contentement, pour me voir deschargé du reste de la mesme version Brabançonne, ou Flamande, de laquelle i'en auois desia fait vn tiers : desirant aussi seruir au public en ma langue, apres que i'aurois fait ce qui me sembloit estre le plus expedient ou necessaire ; qui estoit de tourner premierement les dites tyrannies en tel langage, qui est le plus vsité & connu de ceux-là qui cherchent d'apprendre & connoistre quelque chose par lecture. Or ie ne pensois pas lors

vous

vous presenter plus de ce qui a esté veu cy-
deuant, laissant là trois autres traictez, que
nostre Autheur a aussi fait du mesme ar-
gument, & que i'auois en vn mesme vo-
lume, m'ennuyant d'escrire, & ouyr tant
& tant de fois, des choses si tristes. Aussi
consistent les autres trois traictez le plus en
disputes, & en allegations Latines, tirées
du droi & escrit, & des saintes lettres, du
vieil & nouveau Testament, & des Saintes
Peres, & des Docteurs scholastiques. Tou-
tes lesquelles choses, outre leur prolixité,
ne pouuoit bonnement faire seruir à tous
hommes. Toutesfois d'autant que ladite
copie Brabançonne, contient aussi quelques
autres choses fidellement extraictes, & ti-
rées de deux traictez des trois susdits, fai-
sans bien à nostre propos, pour me confor-
mer aucunement à ladite copie, à fin de ne
rendre nos peines & bons desseins suspects
à qui pourroit voir vne telle diuersité de
copies: si ie persistois en ma premiere deli-
beration, & ne passois plus auant: ie

m'aduisay de traduire aussi sur l'original
Espagnol lesdits extraicts, qui sont de plus
en la copie Brabançonne, suivant l'ordre
du temps auquel les choses ont esté escrites.
Et d'abondant i'ay icy adjousté quelques
prefaces ou prologues, faits à l'occasion des-
dits traictez, par ledit Euesque nostre Au-
theur, & le Docteur Gines de Sepulueda
Croniqueur de l'Empereur Charles le Quint:
lequel Sepulueda auoit voulu defendre &
excuser lesdites tyrannies des Espagnols, &
contre qui les deux desdits trois traictez
ont esté expressement escrits. Ces seules
prefaces ou prologues donneront sommaire-
ment, mais suffisamment à entendre le con-
tenu desdits traictez, & tout ce qui s'est
autresfois solennellement passé en Espagne,
y tenant la main l'Empereur mesme, afin de
maintenir en paix les Indiens qui estoient:
soin & estude vrayement digne d'un Prince
si magnanime, & si clement, comme a esté
connu par tout le monde l'Empereur Charles
le Quint, de bonne & loüable memoire.



L'AUTHEVR.

Entre les remedes que Don Frere Barthelemy de Las Casas, Euesque de la Ville Royale de Chiapa, rapporta par commandement de l'Empereur, nostre Seigneur, en l'assemblée que sa Majesté commanda de faire à Valladolid, l'an 1542. les Prelats, & autres lettrez & grands personnages, pour auiser sur le faict de la reformation des Indes, le huitiesme en ordre estoit celuy qui s'ensuit, contenant vingt raisons & motifs, par lesquels il conclud, que les Indiens ne doiuent point estre donnez aux Espagnols en commande, en fief, ou vassellage, ny en autre maniere quelconque, si sa Majesté veut (comme elle desire) les deliurer de la tyrannie & des pertes qu'ils endurent, comme de la gueule des dragons, & qu'ils ne les consomment entierement, & les tuent : & que tout ce

*monde-là ne demeure desert , & vuide de
ses naturels habitans , desquels nous l'a-
vons veu tres-plein.*

LE huitiesme remede qui entre les
autres est le principal & le plus
fort : car sans cestui-cy tous les autres
ne seroient d'aucune valeur, parce que
tous sont rapportez à cestui-cy , com-
me certains moyens à leur propre fin,
en ce qui touche & importe à vostre
Majesté, que nul ne pourroit expri-
mer : car il y va du moins de la totale
perte des Indes , ou de la conuersation
d'icelles. Et est le remede que ie dis,
Que vostre Majesté ordonne, com-
mande & constituë solemnellement
és Cours solemnelles par des fonctions
pragmaticques & loix royales , que
tous les Indiens aussi bien ceux qui
sont desia subiuguez, comme ceux qui
qui d'icy en avant seront assuiettis,
soyent mis, reduits & incorporez à la
Cou

Couronne royale de Castille & de Leon, sous le chef de vostre Majesté, comme sujets & vassaux libres, comme ils sont, & qu'ils ne soient donnez en commande aux Espagnols : mais que ce soit vne constitution inuiolable, determination & loy royalle, que jamais, ny aujourd'huy, ny à l'advenir, perpetuellement ils ne pourront estre tirez ny alienez de ladite Couronne Royalle, ny donnez, commandez, ou deposez en fief, commande ou en depost ou alienation, par quelque autre titre ou maniere que ce soit, ou estre demembrez de la Couronne royalle, pour seruice qu'aucun ait fait, ou merites de personne qui soit, ny par necessité qui se presente, ny cause ou couleur qui peust estre pretendue. Pour la fermeté & establisement de quoy vostre Majesté iurera formellement par sa foy, & parole de couronne royalle ; & par les autres

choses sacrées que les Princes Chrétiens ont accoustumé de iurer, qu'en nul temps par sa Personne royale, ne par les successeurs en ces Royaumes ny en ceux des Indes, tant qu'en luy sera, ne les reuoqueront, & commanderont par expres en son testamen Royal que telle ordonnance soit tousiours gardée, maintenüe, & defendue: & tant qu'en eux sera, ils le confirment & continuent: Et ceci est necessaire pour vingt raisons: *desquelles nous auons extraict & dirigé par escrit les choses qui ont semblé seruir à nostre propos.*

Extrait de la seconde raison.

LEs Espagnols à cause de leur grande avarice & cupidité d'auoir, ne permettent point que les Religieux entrent és Villes, & lieux qu'ils tiennent en commande, parce qu'ils desistent en receuoir deux dommages, dont le prin-

principalement l'un est, que les Religieux les tiennent empeschez, quand ils les assemblent pour les prescher, & qu'en cependant leurs affaires se perdent, les Indiens estans oyseux, & ne trouuaillant point. Et est aduenu aux Indiens estans à l'Eglise à ouyr (prescher) que l'Espagnol y entrant à la vue de tous en print cinquante ou cent, autant qu'il en auoit de besoin, pour porter ses bagages & biens: & parce qu'ils ne voulurent point marcher, il les chargea de coups de bastons, & les poussa auant à coups de pied, emouuant, & troublant, au regret des Indiens, & des Religieux, tous ceux qui y estoient presens, empeschant ainsi le salut des vns & des autres. L'autre dommage qu'ils disent receuoir, est; qu'apres que les Indiens ont enseignez & faicts Chrestiens, ils sont les maistres, & ont la croyance de sçauoir plus qu'ils ne sçauent, &

l'on ne se peut seruir d'eux, comme on auoit fait auparauant.

Les Espagnols ne cherchent autre chose que de commander, & d'estre adorez des Indiens comme Seigneurs.

Les Espagnols empeschent de propos deliberé & ouuertement le cours de l'Euangile, & que les Indiens ne deuiennent point Chrestiens.

Il aduient qu'on donne vne ville, ou bourg à deux, ou à trois, ou à quatre Espagnols : à l'un plus & à l'autre moins, & que l'un a pour son partage la femme, & l'autre le mary : & le troisieme les enfans, comme si c'estoyent des pourceaux. Et vn chacun possede les Indiens, les employant en quelque affaire en vne partie de terre, vn autre les enuoye aux minieres, chargez comme des bestes : autres les loient deux à deux, comme mulets pour porter charges, trente, quarante, cinquante,
cent

cent & deux cens lieuës loin. Et cela
se fait tous les iours, comme nous l'a-
uons veu. D'où vient que les Indiens
ne peuuent ouyr la parole de Dieu, ny
estre enseignez en la sainte foy? Ils
sirent d'hommes fort libres, des esclaves
estranges: Ils desfirent & dissipè-
rent de grandes villes, & grand nom-
bre de gens, de sorte qu'ils n'y laisse-
rent aucune maisons jointes, ny mes-
me les enfans avec les peres.

Les Espagnols ne faisoient non plus
de conte, & ne prenoient non plus de
soin à conuertir les Indiens, que si tou-
tes ces ames raisonnables deussent
mourir avec le corps, & qu'elles ne
deussent point auoir cy apres de vie
immortelle, ny de gloire, ny de peine,
non plus que bestes.

Extrait de la troisième raison.

LEs Espagnols ont la charge d'enseigner les Indiens en nostre foy Catholique, fuiuant quoy Iean Colmenero en Sainte Marthe, homme fantastique, ignorant & sot, à qui estoit donné vne grande ville en commande, & lequel auoit charge d'ames, estant vnefois par nous autres examiné, ne sçauoit se feigner : & estant enquis quelle chose il enseignoit aux Indiens, qui luy estoient commis, il répondit, qu'il les donnoit au diable : & que c'estoit assez qu'il leur disoit, *Per signin sanctin cruces.*

Comment pourroient les Espagnols qui vont aux Indes, tant soient-ils braues & nobles, soigner des ames? plusieurs d'entre eux ne sçachans point le *Credo*, ny les dix Commandemens, & la plus grande part d'eux ne sçachant point les choses appartenantes à leur

leur salut , & n'allans point aux Indes pour autre chose que pour satisfaire à leur desir & cupidité , estans tous gens vicieux , corrompus deshonestes & desordonnez : de maniere que qui voudroit balancer & paragonner avec eux les Indiens , il trouueroit sans comparaison les Indiens , plus vertueux , & plus saincts , qu'eux. Car les Indiens tout infideles qu'ils sont , ont toutesfois vne seule & propre femme , comme nature & necessité enseigne : & ils voyent que les Espagnols en tiennent quatorze & plus : ce que la loy de Dieu defend. Les Indiens ne mangent à personne leurs biens : ils n'iniurient point , ils ne travaillent , ils n'oppressent , ne tuent personne , & ils voyent que les Espagnols commettent tous les pechez , tous les maux , toutes les iniquitez , & desloyautez qui par les hommes se pourroient commettre contre toute iustice.

En

En somme les Indiens se moquent de tout ce qui leur est dit de Dieu , & quelques vns n'en croient rien, & s'en moquent ; de sorte qu'à la verité ils ont cette opinion de nostre Dieu , qu'il est le plus inique & le plus mauuais de tous les Dieux , puis qu'il a de tels seruiteurs. Et quant à vostre Majesté , ils la tiennent pour le plus iniuste, & cruel de tous les Roys , puis que vous enuoyez par delà, & tenez icy de si mauuais subiects , & pensent que vostre Majesté vit de sang & chair humaine. Nous sçauons que ces choses sont à vostre Majesté fort nouuelles & estranges : toutesfois elles sont là fort vfitées & vieilles. Et nous pourrions parler d'autres choses semblables , lesquelles auons veuës de nos yeux : mais elles offenseroyent les oreilles de vostre Majesté Imperiale : & effrayeroient les hommes, les rendans estonnez de ce que Dieu attend si longtemps

temps à abymer l'Espagne.

Ce titre de donner les Indiens en commande aux Espagnols, n'a esté trouué à autre fin, que pour auoir occasion de les mettre en seruage.

Vn Espagnol estant Seigneur de quelque ville, bourgade, ou village, ou en ayant charge, fera plus de mal par son exemple & mauuaise vie, que ne feroient de bien cent saincts Religieux en edifiant & conuertissant.

Extraict de la raison quatrieme.

Les Espagnols ayans commandement, ou interest particulier és Indes, ne peurent s'empescher, à cause de leur grande cupidité, d'auoir d'affliger, iniurier, troubler, greuer, inquieter, trauailler, & opprimer les Indiens, leur prenans leurs biens, terres, femmes & enfans, & leur vfans de plusieurs autres manieres d'iniquité, desquels il n'y a remede qu'ils en puissent estre

estre satisfaiçts, ou guarentis par la haute iustice de vostre Majesté: parce que les Espagnols les intimident & effrayent, iusques à les tuer, à fin qu'ils ne se plaignent, dont auons certaine connoissance: & de là il est manifeste qu'ils ne peuuent auoir, ny paix, ny repos, pour vacquer aux choses de Dieu: mais en ont mille destourbiers, angoisses, tourmens, tristesses, afflictions, amertumes, & vostre Majesté en hayne, & vne abomination de la loy de Dieu, laquelle trouuans tant pesante, amere, & impossible à porter, & le ioug & domination de vostre Majesté insupportable, tyrannique, & digne d'estre jetté au loin, ils maudissent Dieu, & se desespèrent, luy attribuant tous les maux susdits, puis que sous couleur, & le titre de sa loy, il leur vient tant de mal-heurs, & les supportant, & ne les chastiant point, & n'empeschant point

point ceux-là qui se vantent d'estre
des seruiteurs , desquels ils endu-
rent. Ils regretterent iour & nuict
leurs Dieux , pensans qu'ils fussent
meilleurs que nostre Dieu , puis que
par luy ils endurent tant de maux ,
& qu'ils receuoient par les leurs tant
de biens , & qu'il n'y auoit rien qui
les faschast , comme les Chrestiens
se faschent.

Extrait de la raison cinquième.

Nous monstrerons à vostre Maje-
sté, que les Espagnols en 38. ou
quarante ans, ont tué de conte fait,
& iniustement, plus de douze mil-
lions de vos sujets: ie laisse à dire com-
bien tout ce grand nombre de gens
eust peu multiplier, estant ce pays-
à le plus fertile soit en bestail, soit
en creatures humaines , de tout le
pays du monde, pour estre la terre
pour la plus grande part plus qu'autre
tempe

temperée & plus fauorifante à la génération humaine. Toutes ces gens innombrables, & tous ces peuples, les Espagnols les ont tué, pour auoir charge, Seigneurie, & commandement sur le reste : & quant en guerre iniuste, ils les ont tué, puis apres ils se seruent de ceux-là qui à droit ont fait resistance à tirer de l'or & de l'argent, couplans comme des bestes, pour leur faire porter des charges; les louians aussi, & les chargeans de tout ce qu'ils peuuent pour gaigner, & soit qu'ils viuent, ou qu'ils meurent, il ne leur en chaut, moyennant qu'ils en tirent du profit & des deniers. I'en dis la pure verité, & ie laisse encores beaucoup de choses à dire, que tout le monde sçait. Et quiconque voudra faire accroire à vostre Majesté le contraire, ou voudroit extenuer ces grands crimes, nous luy ferons connoistre par la force de la mesme verité qu'ils

qu'il est coupable de crime de leze Majesté, & qu'il a eu part aux meurtres & larrecinsés Indes, ou bien espere en auoir.

Quelle pestilence ; ou mortalité tant contagieuse pouuoit descendre du Ciel, qui eust peu consumer & embraser plus de deux milles cinq cens lieues de pays plein de gens, sans y laisser manant, ou suyuant ?

Extrait de la raison sixième.

Les Espagnols seulement pour leur profit temporel ont denigré les Indiens, d'une infamie la plus grande qu'on scauroit mettre sur homme du monde entre les infamies, plus hideuses & plus meschantes, & par lesquelles ils les ont voulu mettre hors du rang des hommes : à scauoir qu'ils estoient tous entaschez du peché abominable contre nature. Qui est vne grande meschanceté & fausseté. Car

Q

en

en toutes les grandes isles Espagnoles, Sainct Iean , Cuba, & Iamayca , & en soixante isles des Lucayos, où il y auoit vn nombre infiny de gens , il n'y eust iamais memoire , ny mention de cela, comme nous en sommes tesmoins , en ayans fait enqueste & information depuis le commencement. Aussi en tout le Peru on n'en parle point. Au royaume de Yuncatan iamais vn seul Indien ne s'est trouué entaché de crime , ny generalement en toutes les Indes : sinon que quelque part on dit qu'il y en a quelques vns : mais pour cela ne doit estre blasmé tout ce monde là. Nous disons le mesme du manger de la chair humaine , que cela ne se fait point en ces quartiers-là : combien qu'il se fait en quelques autres lieux. Ils les ont aussi accusé d'idolatrie , comme si encores qu'ils fussent tels , ils en deussent estre punis par les hommes , & non de Dieu seulement , contre qui
ils

ils pechent: ayans des terres & Royau-
mes à part eux, & ne deuans obeyf-
sance à personne qu'à leurs Seigneurs
naturels, & ont nos ancestres esté ido-
tres de la mesme maniere deuant
que la foy leur fust preschée, & tout
le monde l'estoit à la venuë de Iesus-
Christ. Ils les ont aussi tenu pour des
bestes, pour les auoir trouuez tant hu-
mains, doux & humbles, osans bien
dire qu'ils ne sont idoines, ny capa-
bles de la loy, ou de la foy de Iesus-
Christ.

Les Espagnols ont de propos deli-
beré, & de fait empesché que la doctri-
ne de la loy de Dieu, ny les vertus ne
ussent enseignées aux Indiens, cha-
cun des Religieux des villes & autres
places, afin qu'ils ne vissent, ny des-
couurissent leurs tyrannies: voire ils
ont gasté & corrompu par leur mau-
vais exemple les Indiens, leur ensei-
gnés beaucoup de mauuaises mœurs &

de vices qu'ils ne sçauoient point: comme sont iurer, & blasphemer le nom de Iesus-Christ, exercer vsure, mentir, & plusieurs autres meschancetez du tout contraires à leur naturel humain, doux, & droicturier.

Donner de nouueau les Indiens aux Espagnols, ou les leur laisser, n'est autre chose que les donner & laisser à ceux qui, sans aucune doute, les destruiront en corps & en ames.

Le Roy Ferdinand estant persuadé frauduleusement par les Espagnols, permit que les Indiens fussent tirez des Isles des Lucayos à celle de l'Espagnole, estans despatriez de leurs maisons & pays, contre tout droict naturel & diuin. Dont on a destruit plus de cinq cens milles personnes, de manieres qu'en plus de cinquante Isles (entre lesquelles il y en auoit de plus grandes que celle de Canarie) qui estoient toutes pleines de gens, com-

me des formilieres , dont il ne s'en est
puis apres trouué qu'onze personnes,
dequoy nous pouuons estre tesmoins.
De dire à vostre Majesté , la bonté &
sincerité des gens de ces Isles-là , que
l'on appelle Lucayos , & les cruautéz,
les tueries & les degasts qu'en icelles
furent les Espagnols , nous pourrions
estre cause que les entrailles & les
oreilles Royales s'en ressentiroient, &
s'en retireroient : que les Espagnols
ont fait guerre aux Indiens , qu'ils les
ont tuez , qu'ils leur ont osté leurs
femmes, leurs enfans, amis , & proches
parens , & qu'ils les ont despoüillez de
tous leurs biens, il a esté cy dessus assez
prouué, & aussi le pays totalement dé-
peuplé & desert le demonstre: le mon-
de le crie , les Anges le deplorent , &
Dieu le nous enseigne tous les iours,
par les grands chastiemens , dont il
vse contre nous.

Extrait de la raison septième.

LEs Espagnols succent aux Indiens toute la substance du corps, parce qu'ils n'ont autre chose à la maison. Ils leur font cracher du sang: ils les exposent à tous dangers: ils leur mettent sus des travaux diuers & intolerables: & par dessus tout cela, ils leur donnent beaucoup de tourmens, des bastonnades, & des flagellations: en somme, ils les consomment en mille manieres.

Mettre les Indiens en la puissance des Espagnols, est donné la gorge des enfans à des forcenez & frenetiques, qui tiennent vn rasoir en main: c'est mettre les hommes en la puissance de quelques furieux & capitaux ennemis, qui de long-temps les auoient attendu, avec grand desir de les mettre à mort: c'est comme si on mettoit vue
belle

elle ieune fille en la puissance d'un
eune homme , transporté & aveuglé
e son amour , dont ensuiuroit qu'elle
e seroit gastée & violée , sinon qu'elle
ist miraculeusement preseruée. En
omme, ce seroit comme si on les met-
oit entre les cornes des taureaux en-
agez : ou si on les liuroit aux loups,
ux lions , & aux tigres de long-temps
ffamez. Et ce qu'aideroyent & serui-
oyent les loix & les defences , & me-
aces faites à ces animaux cruels de ne
es deuorer point : nous disons & affir-
mons que tout autant profiteroient
es loix , defences , & menaces à l'en-
droit des Espagnols : qu'ayans puissan-
e sur les Indiens , ils ne les tuaissent
pour auoir de l'or. Et par la grande &
ongue experience que nous en auons,
ous certifions à vostre Majesté , que
ncores qu'elle commandast de met-
re vn gibet deuant la porte d'un cha-
un Espagnol , & qu'elle iurast par sa

couronne, que pour le premier Indien qu'on trouueroit à dire, ou qui feroit tué, il les y feroit pendre, ils ne lairront pour tout cela de tuer les Indiens, si sa Majesté concède & permet qu'ils ayent sur eux commandement, puissance, ou autorité immédiatement, ou en quelconque autre maniere.

Extrait de la raison huitième.

OVtre ce que les Indiens endurent pour seruir & contenter les Espagnols, on leur donne aussi vn boucher, ou cruel bourreau, qui les tient en commande en chacune ville, ou place: lequel on appelle *Estanciero*, ou *Calpisque*: à fin qu'il tienn e la main sur eux, & les fasse trauailler, & faire tout ce que le Seigneur commandeur, ou principal larron veut. Que quand il n'y auroit autre tourment en Enfer, cestuy-cy est incomparable. Ce bourreau
les

les fouëtte, leur donne des bastónades,
les arrouse de lard brullant : on les af-
flige par des tourmens & trauaux con-
tinuels : il viole & force leurs filles &
femmes, les deshonorant, & en abu-
sant : il mange leurs poulles, qui sont
le plus grand trefor qu'ils ayent ;
non qu'ils les mangent eux-mesmes ;
mais ils en font present & seruice à leur
Seigneur & Tyran major. Il leur fait
encores d'autres tourmens & fasche-
ries sans nombre. Et à fin qu'ils ne
fassent complainte de tant de maux,
ce diable les intimide, & dit qu'il les
accusera de ce qu'il les auroit veu ido-
latrer. En somme, ils ont à complai-
re & contenter plus de vingt person-
nes desordonnez & desraisonnables :
de maniere qu'ils ont quatre Seigneurs
& Maistres : vostre Majesté, leur Ca-
cique, celuy à qui ils sont donnez en
commande, & d'Estanciero, de qui
ie viens maintenant de parler : lequel

Estanciero leur est plus grief qu'un quintal de plomb. Et nous pouuons avec la verité, encores adiouster à tous ceux-là, tous les Mouchachos & Mores, desquels se sert le Commandeur & maistre: car tous ceux-cy trauail-
lent, oppriment, & desrobent aussi ces pauures gens-là.

Extrait de la raison dixième.

IL est fort à craindre, que Dieu desolera l'Espagne, à cause des grands pechez que cette nation a commis es Indes: dont nous voyons vn chastiment apparent, & lequel tout le monde void & confesse estre desia acheminé, par lequel Dieu nous afflige, & montre auoir esté fort offensé en ces quartiers-là: à cause de la destruction de ces nations-là, que de tant de thresors qu'on a tiré des indes en Espagne (que le Roy Salomon, ny autre Roy, en tout le monde n'a iamais eu, veu,
ny

ny ouy, d'autant d'or, & d'argent)
rien n'en est demeuré. Aussi de ce qu'il
y auoit vn peu deuant que les Indes se
descouurissent, on n'en void à cette
heure rien. Dont aduient que toutes
choses sont trois fois plus cheres qu'el-
les ne souloient, & que le pauvre peu-
ple endure beaucoup de miseres, ayant
nécessité. Et vostre Majesté ne peut
exploiter choses grandes.

Extrait de la raison onzième.

TOut le temps que Lares gouver-
na, qui furent neuf ans, on n'a
eu non plus de soin d'endoctriner &
mener à salut les Indiens: & n'y a-on
non plus trauaillé ou pensé, que s'ils
eussent esté des bois, des pierres, des
chiens, ou des chats. Il desfaisoit de
grandes Villes & places, donnant à vn
Espagnol cent Indiens, à vn autre cin-
quante, & à vn autre plus ou moins:
selon que chacun auoit sa grace, &
faueur,

faueur, & qu'il luy plaisoit en donner. Il donna les enfans, les vieillards, les femmes enceintes & accouchées, les hommes de qualité & d'estat, & de la commune, les Seigneurs naturels des Villes, & du pays: il les donna en partage à qui il voulut plus de bien, & de proffit, disant en la lettre de la commande, comme il s'ensuit: *A vous tel, sont donnez autant d'Indiens avec leur Cacique, à fin que vous vous en seruiez en vos minières & affaires.* De maniere que tous, petits & grands, ieunes & vieux, qui se pouuoient soustenir sur les pieds, hommes, femmes grosses & accouchées trauailloient, & seruoient aussi long-temps que l'ame leur battoit au corps.

Il consentit qu'on emmenast les hommes mariez, pour tirer de l'or, dix, vingt, trente, quarante, & huietante lieuës, & plus loin. Les femmes demeuroient és metairies & granges, fai-

sans,

sans des traux fort grands, assemblans des monceaux pour le faict des pains qui se mangent, qui est amonceler de la terre, laquelle elles fouysent & esleuent, iusques à quatre paumes de haut, & de douze pieds en quarré qui est le traual d'un geant, mesmement de fouyr en terre dure, non avec beches, ou louchets, mais avec pax. Et en autres lieux elles filloient du cotton, & faisoient d'autres diuers seruices, lesquels on trouuoit les plus propres pour gagner, & faire des deniers: de maniere que le mary & la femme ne s'entreuoyent point l'espace de huit ou dix mois, ou d'un an. Et quant au bout de ce temps-là, ils venoient à se rencontrer, ils estoient tant lassez & foibles de faim & de traual, qu'ils n'auoient point enuie de cohabiter ensemble: & ainsi la generation cessa entr'eux; & les petits enfans engendrez mouroient, parce que
les

les meres n'auoient point de lait pour nourrir, à cause du trauail, & de la faim qu'elles enduroient: lesquelles choses ont esté aussi cause que en l'Isle de Cuba par l'espace de trois mois, vn d'entre nous y estant present, moururent de faim sept mille enfans. Quelques femmes desesperées estoufferent & tuerent leurs propres enfans, & d'autres se sentans enceintes, mangeoient certaines herbes, pour faire perdre leur fruct: de maniere que les hommes mouroient aux minieres, & les femmes perissoient aux metairies. Ainsi cessant la generation tous de-failloient en peu de temps, & se depoploit tout iceluy pays. Ledit Gouverneur les donna à fin qu'ils trauaillassent continuellement, sans aucun repos. Et par dessus ce grand trauail, il cōsentit aussi qu'ils fussent mal traitez, avec vne rigueur & austerité extreme. Car les Espagnols auxquels ils estoient

estoit donnez en commande, com-
mettoient certains bourreaux sur eux:
l'un és minieres, lequel ils appelloient
Miniero : l'autre és metairies , qui
estoit appellé Estanciero , gens desna-
turez , qui les battoient de bastons &
de verges , leur donnans des soufflets,
& les picquans d'esguillons, les appel-
lans tousiours chiens. Et ne voit-on
jamais en eux aucun signe d'humani-
té, ou de douceur , & n'estoit de leur
fait qu'extreme amertume, rigueur &
austerité. Qu'à la verité ce seroit cruau-
té de traiter , ou gouverner ainsi mes-
me les Mores les plus cruels, pour tous
les maux qu'ils pourroient auoir faits
aux Chrestiens , estant les Indiens vne
gent tres-appriuoisée , tres-humaine,
tres-douce, & tres-obeyssante sur tou-
tes les gens du monde. Et parce qu'à
cause de ses tres-mal-heureux Estan-
cieros & Minieros , & de tant de tra-
vaux qu'on leur mettoit sus, quelques-

vns s'enfuyrent sur les montagnes, sans leur compte qu'on les feroit assurément mourir : les Espagnols choisirent vn certain officier, qu'ils appellerent *Alguaziles del Campo*, qui les alloit pourfuyure & mener aux montagnes. Le Gouverneur auoit és Villes & places des Espagnols, certaines personnes des plus honorables, & des plus apparentes de ceux qu'il y auoit, qu'il appella Visitateurs, ausquels seulement, pour le regard de l'office, sans les autres partages ordinaires qu'il leur auoit fait, il donna aussi pour salaire cent Indiens, qui les serussent. Ceux là estoient les plus grands bourreaux de la ville, & estoient plus cruels que tous les autres : par deuant lesquels estoient menez & presentez par les *Alguaziles del Campo*, ceux qui auoient esté attains & prins à ceste chasse : l'accusateur, celui qui les tenoit en commande, se trouuoit là present, & les

accu

accusoit, disant, que cettuy Indien, ou
Indiens estoient des chiens, qui ne le
vouloient point servir, & qu'ils al-
loient tous les iours aux montagnes,
pour estre des feneans & villacos: &
demandoient partant qu'ils les cha-
stiaist. Le Visiteur les lioit inconti-
nent à vn pal, & luy mesme avec ses
propres mains, prenant vne corde
poisée, laquelle on appelle sur les ga-
leres Anguille, qui est comme vne
verge de fer, leur donnoit tant de
coups, & les battoit si cruellement
que le sang découloit d'eux en beau-
coup d'endroits, & estoient laissez
pour morts: Dieu est tesmoin des
cruautez commises à l'endroit de ces
agneaux. Je croy que de mille parts
ie n'en pourrois dire, ou reciter vne,
ou ne pourroit estre recitée par autre
quelconque, comme il appartient. Le
travail qu'on leur mettoit sus, c'estoit
de leur faire tirer de l'or: pourquoy

R

faire

faire il seroit besoin d'hommes de fer: car il faut tourner les montagnes le dessus dessous mille fois, en fouyffant & bechant les rochers, & lauant & nettoyant le mesme or és riuieres, où ils sont continuellement en l'eau, se greuans & rompans le corps. Et quand les minieres mesme donnent de l'eau, par dessus tout autre trauail, il faut aussi puisser à bras icelle eau. En somme, pour comprendre quel trauail c'est que d'assembler or & argent: il plaira à vostre Majesté, considerer que les Empereurs Gentils & Payens (excepté la mort) ne donnoient point aux Martyrs plus grand tourment, ou condamnation, que de les mettre à tirer du metal. Quelques fois les tenoit-on és minieres vn an entier, mais depuis que l'on a veu, que beaucoup y mouroient; il fut ordonné, qu'on ne tireroit que cinq mois de l'or, lequel puis apres se fondroit en quarante iours,

iours, durant lequel temps ils se reposeroient. Et leur repos estoit en ce qu'ils faisoient des monceaux de ce qu'ils mangeoient durant ces quarante iours, qui estoit fouyr la terre, & la mettre en monceaux, desquels a esté dit cy-dessus, qui estoit vn trauail plus grand que n'est de dresser les vignes, ou labourer la terre. Ils ne sçauoient de toute l'année quand il estoit feste, & ne cessoit-on de les faire trauailler, ou peu, ou beaucoup. Et en tout ce grand trauail on ne leur donnoit assez à manger, non pas mesmes de Caçabi, qui est le pain du pays, fait de racines, de petite nourriture, s'il n'est accompagné de chair, ou de poisson. Auec cela, on leur donnoit du poiure du pays, & des ayes, qui sont des racines comme nauees rotis, ou bouïllis. Et quelques Espagnols, qui vouloient estre estimez larges & liberaux à donner à manger, faisoient tuer vn porceau,

ceau toutes les sepmaines, pour cinquante Indiens. Et le Miniero en mangeoit & destruisoit les deux quarts, départant les deux autres quarts aux Indiens, en donnant tous les iours à vn chacun autant, comme les Freres Iacobins donnent de pain benist es Eglises. Il y en auoit de tels, lesquels n'ayans que donner à manger aux Indiens, à cause de leur auarice, ils les enuoioiét paistre deux ou trois iours aux champs, & aux montagnes, où ils se pouuoient saouler de fruits des arbres, qu'il y auoit: & avec ce qu'ils en rapportoient en la pance, ils les faisoient traouailler deux ou trois autres jours sans leur donner vn seul morceau à manger. Que pour l'amour de Dieu, vostre Majesté considere, quelle subistance, ou force pouuoient auoir de ces choses ces corps-là, tant delicats de nature, & tant foibles, quasi du tout consummez, & traouaillez de ladite oppression

sion , & comment ils pouuoient viure long-temps , menans vne vie tant triste & angoisseuse , & avec si grands trauaux, sans manger. Le Gouverneur commanda, qu'ils fussent payez de leurs iournées & salaires, & pour leurs despens, trauaux & seruices, qu'ils faisoient aux Espagnols : & estoit leur payement trois blancs pour deux iournées, qui montoient par an vn demy Castillan , qui vaut 225. marauadis : qui pouuoit suffire pour acheter vn peigne , vn miroir , & vn chappellet de Patenostres verdes , ou bleuës. Aussi ne leur donnoit-on beaucoup d'années rien du tout : mais la faim, & les angoisses estoient si grandes, que les Indiens ne se soucioient point beaucoup de tout celà , & ne pensoient à autre chose qu'à manger vne fois leur saoul , ou à mourir, desirans de quitter vne vie tant desesperée. Il leur osta entierement la liberté , &

permet que les Espagnols les missent en vne plus aspre seruitude & prison, que personne qui ne les auroit veus, pourroit croire, ou cōprendre, n'ayans du tout rien en cette vie, dequoy ils peussent jouyr librement : & encores que les bestes ont par fois quelque liberté , & relasche pour paistre, quand on les met aux champs, si ne donnoient les Espagnols , desquels nous parlons, à ces pauures Indiens pour ce faire, ny pour autre chose, ne temps, ne loisir. Le mesme Gouverneur les mettoit en vne seruitude absoluë, perpetuelle, inuolontaire & forcée : car ils n'auoient iamais la volonté libre de faire chose, qui fust d'eux-mesmes, sinon que la cruauté, & desir d'auoir. & la tyrannie des Espagnols les voulut pousser à faire quelque chose, non comme hommes captifs, mais comme bestes que l'on meine liées, pour leur faire faire ce qu'on veut. Quand quelque

quelquesfois on les laissoit aller à la maison pour se reposer, ils n'y trouuoient ny femmes, ny enfans, ny aucune chose pour manger : aussi s'il y eust eu que manger, on ne leur eust point permis de temps, pour l'apprester : & n'y auoit autre remede, que de mourir. Ainsi ils deuindrent malades pour les longs & grands traux, & cela aduenoit bien tost & facilement; parce que comme il a esté dit, ils sont gens tres-delicats de nature, & leur estoit bien contraire d'estre ainsi mis subitement contre leur coustume, & sans aucune misericorde, en si grands traux, d'estre frappez à coups de pieds & de bastons, & d'estre nommez à tous propos villacos, en disant qu'ils faisoient les malades, comme des maraux, pour ne trauailler. Quand les Espagnols virent, que la maladie s'augmentoît, & qu'on ne pouuoit attendre d'eux ne seruice, ne profit, ils les

renuoyèrent en leurs maisons , leur donnans pour faire le chemin de trente , quarante ou huiſtante lieuës , vne demie douzaine de radix , ou reforts, qui ſont vne façon de nauets , & vn peu de Caçabi : & les pauvres gens n'alloient point loin , qu'ils ne mouruſſent deſeſperez : les vns alloient deux ou trois lieuës , & dix ou vingt avec grand deſir d'attaindre la maiſon , & finir là leur vie infernale, qu'ils enduroient , iuſques à ce qu'ils tombaient morts par les chemins : & ſouuentefois nous en auons trouué de morts, & en auons trouué d'autres qui rendoient l'eſprit : & d'autres qui agoniſoient , gemiſſans, & diſans le mieux qu'ils pouuoient *faim , faim*. Quand ledit Gouverneur voyoit que les Eſpagnols auoient tué la moitié , ou les deux tiers des Indiens , qu'il leur auoit donnez en commande , il venoit de nouueau à tirer le fort , & faire partage

tage des Indiens, suppleant le nombre qu'il auoit donné autrefois, & faisoit cela quasi tous les ans.

Pedrarias entra en la terre ferme, comme vn loup affamé apres vn troupeau de moutons & agneaux paisibles, & comme vne fureur & courroux de Dieu, commettant tant de tueries & larrecins avec les Espagnols qu'il auoit leuez:& dépeupla tant de villes & places, qui estoient comme des formilieres, pleines de gens, que iamais n'a esté veu, ny ouy chose semblable, par aucun de tous ceux qui se sont meslez d'escrire des histoires. Il desrobba sa Majesté & ses subjets, avec ceux qu'il mena quant & luy, & les dommages qu'il fit, montoient à plus de six millions d'or: il rendit desertes plus de 400. lieuës de pays: à sçauoir, depuis le Darien, où il arriua premierement, iusques à la Prouince de Nicaragua, vn pays le plus heureux, le plus riche, & le

plus peuplé du monde. De cet homme mal-heureux commença premièrement là, de donner les Indiens en commande, & s'est puis apres espanduë par toutes les Indes, où il y a des Espagnols, par laquelle toutes icelles gens se desfont: de maniere que de luy & de ses commandes est procedé le vray degast, & desolation que vostre Majesté a receüe de tant & si grands Royaumes, depuis l'an 1504.

Quand nous disons, que les Espagnols ont destruit & desolé à vostre Majesté sept Royaumes, plus grands que n'est l'Espagne, il faut entendre, que nous les auôs veus pleins de gens, comme vne formiliere de formis, & qu'à present il n'y a plus personne: parce que les Espagnols ont tué tous les naturels du pays de la façon susdite, & que les villes & places ne retiennent que les murailles; tout ainsi comme si toute l'Espagne fust despeuplée, de-
meurans

meurans seulement les murailles des villes, villages & places, toutes les gens en estans morts.

Extrait de la raison treizième.

Vostre Majesté, n'a point en toutes les Indes vn Marauadis de rente, qui soit certaine, perpetuelle & durable: mais tout le reuenu est comme les fueilles, & la paille qu'on leue de dessus la terre, lesquelles choses estans cueillies vne fois, on n'y retourne plus. Et ainsi est tout le reuenu que vostre Majesté a és Indes, vain, & de tres-petite durée, comme vne bouffée de vent, non pour autre cause, que pour autant que les Espagnols ont en leur puissance les Indiens: & comme ils les tuent, & diminuent iournellement, il faut necessairement qu'aussi les droits & rentes de vostre Majesté se diminuent.

Le Royaume d'Espagne est en grád danger

danger de se perdre & destruire, & d'estre desrobbé, oppressé, & desolé par autres nations estrangeres, nommément par les Turcs & les Mores: parce que Dieu, qui est tres-iuste, veritable, & souuerain Roy de tout l'Vniuers, est fort courroucé, pour les grandes offenses & pechez, que ceux d'Espagne ont commis par toutes les Indes, en affligeant, opprimant, tyrannisant, desrobbant, & tuant, tant & de telles gens, sans raison, ny iustice, & en dépeuplant en si peu de temps vn tel & si grand pays: toutes les gens duquel auoient des ames raisonnables, & estoient créées & formées à l'image & semblance de la tres-haute Trinité, & estans vassaux de Dieu, rachetez de son sang precieux, & qui tient conte & n'oublie point vn seul d'eux, & auoit choisi l'Espagne pour ministre & instrument, à fin qu'elle les illuminast, & amenast à la connoissance:

ce:& comme s'il l'eust voulu guerdonner en ce monde outre le loyer eternal, luy donna de si grandes richesses naturelles, luy découurant tant & de si grandes terres, si fertiles, plaisantes, quant & quant des richesses artificielles, de tant de minieres incomparables d'or & d'argent, & de pierreries, & de perles precieuses, avec beaucoup d'autres grands biens, ausquels on n'a iamais veu, ny ouy, qu'il y en ait eu de semblables: pour le regard desquelles choses elle s'est montrée ingrate, rendant tant de maux pour tant de biens qu'elle a receu. Et Dieu tient ordinairement cette regle à executer sa iustice & punition, c'est qu'il chastie les pechez du mesme, ou du contraire de cela, en quoy le peché a esté commis.

La destruction, les griefs, violences, iniustices, cruautéz & meurtres faicts & commis à l'endroit de ces gens-là,

gens-là, sont si grands, si enormes, si publics & notoires, que les larmes, les pleurs, & le sang de tant d'Innocens en paruiennent iusques au plus haut des Cieux, & n'en reuiennent iusques à ce qu'ils ayent donné aux oreilles de Dieu, d'où puis apres ils descendent ça bas, & desia ils s'estendent par tout le monde, & sonnent aux oreilles de toutes les nations estrangeres, tant horribles & inhumaines qu'elles puissent estre : dont ensuiura aux escoutans vn grand scandale, vne horreur, vne abomination, haine & infamie du peuple, & des Roys d'Espagne : d'où pourroient succeder avec le temps des grands dommages.

*Extrait de la protestation dudit Euesque
& Autheur.*

LE dommage & perte, qu'à cette cause ont receu la Couronne de Castille & de Leon, & que toute l'Espagne

pagne recevra encores des degasts , & tueries qu'elle fera du reste des Indes : les aveugles le verront , les sourds l'ouyront , les muets le crieront , & les sages le iugeront. Et parce que nous ne pouons viure long-temps , i'appelle à tefmoin Dieu , & toutes les Hierarchies , & les Ordres des Anges , tous les Saincts de la Cour celeste , & tous les hommes du monde , méme-ment ceux-là qui viuront à beaucoup d'années , de la certification que i'en donne , & de la descharge que ie fais de ma conscience : que si sa Majesté permet aux Espagnols les susdits departemens diaboliques , & tyranniques , quoy qu'il y soit pourueu avec telles loix & statuts, qu'on voudra faire , toutes les Indes seront en peu de temps desertes & despeuplées , comme est maintenant deserte l'Isle Espagnole , sans cela tres-heureuse & tres- fertile , & les autres Isles , & les pays de

de plus de trois mille lieuës, sans y
comprendre ladite Isle Espagnole, &
les pays qui en sont esloignez & voi-
sins: & pour lesdits pechez (comme
i'en suis bien informé par l'Escripture
saincte) Dieu chastiera horriblement,
& peut-estre destruira entierement
toute l'espagne.

L'an mil cinq cens 42.



PROLOGVE DE L'EUESQVE

*Barthelemy de Las Casas, au tres-
puissant Seigneur, le Prince d'Espagne
Don Philippe, nostre Seigneur.*

TRES-HA VT, & tres-puissant Sei-
gneur, ie fus ces iours passez meü,
& induit par le tres-vigilant Conseil
Royal des Indes, avec le zele & l'hon-
neur qu'il porte à Dieu nostre Sei-
gneur, & la loyauté cordiale, dont il
est orné, pour seruir à sa Majesté: de
donner

donner par escrit ce qu'aucune fois ie
luy auois declaré en presence, & de
bouche: à sçauoir, Quel estoit mon
mon aduis du titre & droict que les
Roys de Castille ont à la principauté
souueraine & vniuerselle des Indes:
comme ainsi soit que quelques-vns se
sont leuez (qui n'ont pas trouué bon
que i'aye traité & negocié avec sa
Majesté, & vostre Altesse, à fin de faire
cesser les ruines & pertes qui ont esté
commises, contre les gens de ce pays-
là (qui disent que quand ie les deteste
& abhorre avec vne telle aigreur &
aspreté, comme i'entens le faire tant
que ie viuray: ie mets en doute, & di-
minuë aucunement le droict & titre
Royal susdit.

Pour quoy faire en rendant témoi-
gnage de ce que i'en sens, & tiens à la
verité, selon Dieu & sa sainte loy: ie
presentay trente propositions, sans
autre preuue, que celle que chacune

contenoit de soy-mesme , ensuiuant necessairement l'vne de l'autre : Parce que ie fus pressé de les enuoyer à sa Majesté , au nom de la consultation, qui pour lors se tenoit.

Depuis poursuiuant & continuant le desir que i'ay de seruir à Dieu , en rembarant les calomnies de quelques vns , qui , ou pour ne pouuoir comprendre la verité , ou pour auoir des desseins & fins contraires , presument sous espee feinte & coulорée de seruir aux Roys , (qui de leur propre , naifue & noble nature , sont d'esprit & courage, benins & simples, iugeans & mesurans les autres à leur aulne) leur presentans vn breuuage venimeux , amer , & parauenture mortel : qui ne galtent point seulement les Royaumes , leur causans vne calamité angouisseuse , & vne perdition douloureuse ; mais aussi font tomber mesmes les personnes des Roys en des dangers

mani

manifestes , & en des dommages irreparables : (desquels conseils frauduleux ils infectent , tant qu'en eux est, les bonnes & sainctes affections des Roys , & gastent les vertueux desseins & estudes des Princes. De quoy s'est autrefois plaint ce tres-puissant Roy Artaxerxes, autrement nommé, le grand Assuerus , comme il appert au liure d'Esther) De maniere , tres-haut Seigneur , que i'ay maintenant mis en œuvre la preuue desdites 30. propositions, & d'autres d'auantage, comprenant le tout en ce très-brief Sommaire , tiré d'un autre grand volume, auquel chacune proposition est expliquée plus particulièrement, representant seulement icy la 17. & la 18. proposition , parce que toute la substance de cette matiere peut estre ramenée à ces deux propositions, comme à ses principes & fins.

Le titre de cét œuvre deuoit estre à

S 2 mon

mon aduis: (*Traité probatoire de l'Empire souverain, & principauté vniuerselle, que les Roys de Castille & Leon ont sur les Indes*) comme presupposant qu'il est clair, & prouué, puis que le Siege Apostolique l'a concedé, & qu'il n'est besoin d'expliquer autrement les raisons, pourquoy cét Empire peut auoir esté concedé.

Je promets en ce traicté, satisfaire principalement à ma conscience, vsant du ministere, lequel il semble que la Diuine prouidence m'ait ordonné, chargé de tant d'ans (car ie passe le nombre de cinquante) cause que i'ay si grande & si ample connoissance & oculaire experience des affaires des Indes, pour donner aduertissement de ce qui s'est passé en icelles, & de ce qui s'y deuoit faire, me rapportant à ce mesme desir, qu'aux desordres que i'ay veu commettre en icelles, fust mis quelque remede.

Et

Et parce que ceux qui plus empêchent tel remede, & sont plus dommageables en ces pays-là, ce sont, sans point de faute, ceux auxquels defaillant la verité & iustice, ils s'efforcent, avec fard & meslange de ce qui est faux & iniuste, avec cela qui semble faire pour le seruice de sa Majesté, de coulourer singulierement le droit qu'il a en ce nouveau monde : estans en verité du tout contraires à son seruice & profit, spirituel & temporel (comme tiendra pour certain tout hōme vraiment Chrestien & prudent.) Puis apres l'autre que i'espere d'obtenir & profiter par ce traité est, de mettre en euidence & en veuë les erreurs de ceux là, qui osent temerairement affirmer, que le droit & principauté des Roys de Castille sur les Indes, est fondé, ou doit estre fondé en armes, & en grande puissance, entrant en elles comme entra & establit sa domination Nem-

brod, qui fut le premier veneur & oppresser des hommes (comme le donne à cognoistre la sainte Escripture) & comme Alexandre le grand, & les Romains, & tous ceux qui ont esté remarquables, & fameux Tyrans, fonderent leur empire, & comme auourd'huy le Turc enuahit, trauaille & opprime la Chrestienté.

Combien ceux-là qui prononcent vne telle sentence font mauuais seruice, & offensent la sincerité & l'amour de la iustice des Roys de Castille, il est bien aisé à iuger.

Pour laquelle chose prouuer, ils mettent erreur sur erreur, & tirent apres eux d'autres choses absurdes, méchantes & tres-indignes d'estre ouyes de ceux qui sont tenus pour Chrestiens, & hommes raisonnables. Car c'est chose ordinaire à ceux qui vont se foruoyans de la vertu, ou verité, qu'en excusant vne faute, ou defendant

dant vne erreur, ils en commettent d'autres pires.


Il y en a d'autres qui assignent autres titres plus honnestes, qui ne meritent pas moins d'estre rejettez, repris, & mocquez; comme sont ceux qui disent, que parce que nous sommes plus prudens; ou parce que nous sommes plus proches; ou parce que les Indiens sont entachez de tels & tels vices, nous les pouuons subiuguer, & titres semblables: avec lesquels tant s'en faut qu'ils dressent & confirment ce qu'ils pensent fortifier, qu'ils le renuersent par terre.

A fin que sa Majesté sçache ce que dessus, & que comme tres-Chrestien, & tres-juste, il discerne entre ce qui est net & non net: entre ce qui est iuste & iniuste: se presentant à luy la verité, & qu'il connoisse aussi qui le sert de bonne volonté; & ceux aussi qui pour satisfaire à leurs propres affections

& profit particulier , inuentent & controuuent titres nouueaux de ses Indes , qui ne sont point probables, ny valables , avec esperance de pouuoir aller luy baïser les mains, plustost que ie n'ay sçeu faire : & parce qu'en presentant ce traicté à vostre Altesse, sa Majesté en fera seruie , puis que là où elle va , elle sera tant empeschée: Je supplie humblement vostre Altesse, de le receuoir en son nom, & de l'examiner , discerner , & connoistre avec telle sagesse & bonté , qu'elle tient de sa Majesté , & comme sa Majesté feroit , puis qu'ainsi est, que la diuine prouidence a ordonné à vostre Altesse, d'heriter le mesme droict, comme esperons , d'Empire & principauté. Et s'il semble que ce soit chose conuenable , qu'il doïue estre publié hors de ce Royaume , ie le mettray en Latin, si vostre Altesse me le commande. Et s'il ne merite estre publié, ny en Latin,

ny

ny en vulgaire, il y aura peu de perte: parce que ie l'ay fait seulement imprimer, à fin que vostre Altesse le peust lire plus aisément: la vie glorieuse & estat Royal, duquel nostre Seigneur augmente & fasse prosperer, Amen.



SOMMAIRE DE LA DISPUTE
entre l'Euesque Don Frere Barthe-
lemy de Las Casas, & le Do-
cteur Sepulveda.

LE Docteur Sepulveda, Chroniqueur de l'Empereur nostre Seigneur & Sire, estant informé & persuadé par quelques Espagnols, de ceux qui estoient les plus coupables des destructions qui ont esté faictes du peuple des Indes, escriuit vn Liure en façon de Dialogue en Latin, fort elegant, les regles & fleurs de la Rhétorique bien gardées (comme estant
S s homme

homme fort docte, & excellent en la dite langue) & ce liure contenoit deux conclusions principales: l'une est, Que les guerres, qui ont esté faites par les Espagnols contre les Indiens, ont esté iustes quant à la cause & droict qu'il y a pour les mouuoir: & que generalement les mesmes guerres se peuuent & doiuent faire. L'autre conclusion est, Que les Indiens sont obligez de se soumettre pour estre gouuernez par les Espagnols, comme les moins entendus à ceux qui sont plus sages: Que s'ils ne veulent s'assuiettir, les Espagnols leur peuuent faire guerre, comme il affirme. Ce sont les deux causes de la perte & mort d'une si grande infinité de gens: & que plus de deux mille lieues de pays ont esté dépeuplées par nouuelles & diuerses manieres de cruautez & inhumanitez des Espagnols aux Indes: à sçauoir par les conquestes, comme ils les appellent, & les com-
mandes

mandes , qu'ils ont accoustumé de nommer repartemens. Ledit Docteur Sepulueda dōna couleur à son traité, parce qu'il publia vouloir iustifier le titre que les Roys de Castille & Leon ont à la domination & souueraineté vniuerselle de ce monde des Indes, pour mieux couvrir la doctrine qu'il voulut espandre, & semer par ces Royaumes , & par les Royaumes des mesmes Indes. Il presenta ce liure au conseil Royal des Indes , suppliant avec grande instance & importunité, qu'ils luy donnassent congé de l'imprimer: ce qu'ils luy refuserent par plusieurs fois, voyans les scandales , dangers & dommages tres-apparens qui en viendroient au public. Et voyant le Docteur qu'il ne pouuoit publier son liure , le Conseil des Indes ne le permettant point, il fit tant par ses amis , qui suyuoiēt la Cour de l'Empereur, qu'ils luy obtindrent vne patente, par laquelle

laquelle sa Majesté le réuoya au Conseil Royal de Castille, où on ne scauoit rié des affaires des Indes. Comme ces lettres arriuerent, estant la Cour, & les Conselliers en Aranda de Duero l'an 1547. l'Euesque de la ville Royale de Chiapa, Don Frere Barthelemy de Las Casas arriua sur ce mesme point des Indes, lequel estant informé des menées du Docteur Sepulueda, entendit aussi la matiere que son liure contenoit : & connoissant l'aveuglement tres pernicieux de l'Autheur, avec les dommages irreparables, dont il seroit cause, si le liure s'imprimoit, il s'y opposa, avec toute rigueur qu'il peust : découurant & declarant le venin, dont il estoit plein, & à quoy il pretendoit.

Les Seigneurs du Conseil Royal de Castille, comme sages & iustes, delibererent de renvoyer ledit liure aux Vniuersitez de Salamanca & Alcala,
puis

puis que la matiere, dont il traittoit, touchoit la Theologie en la plus part d'iceluy, leur commandant de l'examiner & designer s'il se deuoit imprimer:lesquelles Vniuersitez, apres beaucoup de disputes exactement faictes, determinerent que le liure ne s'imprimeroit point, comme qui contenoit doctrine qui n'estoit pas saine. Le Docteur ne se contentant point, & se plaignant desdites Vniuersitez, delibera, nonobstant plusieurs refus, que les deux Conseils Royaux luy auoient fait, d'enuoyer son traicté à ses amis, qu'il auoit à Rome, à fin qu'ils le fissent imprimer, estant transformé en vne certaine Apologie, qu'il auoit escrit à l'Euesque de Segouia: par ce que le mesme Euesque ayant veu le traicté, & liure susdit, l'auoit fraternellement & amiablement, comme amy reprins & auisé par lettres. L'Empereur estant informé de l'impression dudit

dudit liure & Apologie, fit incontinent depescher ses patentés, à fin que toutes les copies en fussent leuées, & enseuelies : & fut semblablement commandé de leuer toutes les copies par toute la Castille : car le Docteur auoit fait vn certain Sommaire dudit liure en vulgaire : à fin qu'il fust plus divulgué par le Royaume, & que toute la commune, & ceux qui n'entendent point le Latin, en fussent aussi seruis, la matiere en estant sauoureuse & agreable à tous ceux qui desirent & trauaillent d'estre riches, & de monter à des estats, que n'y eux, ny leurs deuanciers n'ont iamais eu sans leur cousts, sueurs & angoisses, voire sans la perte de plusieurs. Quoy voyant l'Euesque de Chiapa, il delibera d'escire aussi vne Apologie en vulgaire contre le Sommaire dudit Docteur, pour la defense des Indes, impugnant & renuersant ses fondemens, & respondant

pendant aux raisons, & à tout ce que le Docteur pensoit faire pour luy, remonstrant au peuple quant & quant les dangers, inconueniens & dommages que contiennent sa doctrine.


Et comme plusieurs choses fussent ensuiuies apres ce que dessus, sa Majesté commanda en l'an passé 1550. de faire vne assemblée en la ville de Valladolid d'hommes lettrez, Theologiens & Iuriscultes, qui se missent avec le Conseil Royal des Indes, à fin qu'ils debattissent & determinassent par ensemble, s'il estoit licite, la iustice sauue, mouuoir guerres, qu'ils appellent conquestes, contre les gens de ces Royaumes-là, n'ayans commis aucune coulpe nouuelle, horsmis celle de leur infidelité.

On manda querir le Docteur Sepulveda, à fin qu'il declarast ce qu'il auoit à dire sur ce fait : lequel estant entré au Conseil, dit à la premiere cession
tout

tout ce qu'il voulut. Puis apres on appella aussi ledit Euesque , qui par l'espace de cinq iours continuels , leut toute son Apologie : & parce qu'elle estoit fort longue , les Theologiens & les Iuriconsultes de l'assemblée, requirerent l'excellent Maistre & Pere , Frere Dominique de Soto, Confesseur de sa Majesté, & de l'ordre de saint Dominique, qui estoit de la compagnie, de reduire en vn Sommaire, & d'en faire autant de copies, qu'il y auoit de Seigneurs, qui estoient quatorze en nombre : à fin qu'ayans estudié sur la matiere, ils en dissent puis apres, selon Dieu, leur aduis. Ledit Pere & Maistre Soto, mit audit Sommaire les raisons du Docteur, & celles que contre luy escriuit l'Euesque. Et fut donné au Docteur, à sa requeste, vne copie pour y respondre : duquel Sommaire il tira douze objections contre luy, ausquelles il fit douze responses :

contre

contre lesquelles responses l'Euesque
forma douze repliques.




PROLOGVE DV DOCTEUR

*Sepulveda, aux Seigneurs
de l'assemblée.*

TRES-ILLVSTRES, & très ma-
gnifiques Seigneurs, puis que vos
Seigneuries & graces, ont comme Ju-
ges, ouy le Seigneur Euesque de Chia-
pa, lire par l'espace de cinq ou six
jours, le liure auquel il a trauaillé
beaucoup d'années, à amasser toutes
les raisons controuuées par luy, & par
d'autres, pour prouuer que la conque-
ste des Indes est iniuste, quand on
veut subiuguer les Barbares, premier
que leur prescher l'Euangile, qui est
la façon laquelle a esté à present sui-
uie par nos Roys & nostre nation, con-
forme à la Bulle & concession du Pape
Alexandre V I. c'est bien raison, & i'en

T supplie,

supplie, qu'à moy aussi il soit concedé qui defens l'indult & autorité du Siege Apostolique, la iustice & honneur de nos Rois & de nostre nation, & qu'il me soit presté attentiuelement audience, tandis que ie répons brieffement & clairement à ses objections & subtilitez. Et i'espere avec l'aide de Dieu, & de la verité, laquelle ie defens, de montrer à veuë d'œil, que tout ce qui se dit au contraire avec des raisons friuoles & legeres, deuant de tels Iuges, tres-grands, & tres-sçauans, & desquels on ne peut auoir soupçon, qu'ils vueillent preferer à la iustice & verité, qui est de si grande importance, autre chose que ce soit, tant deust-elle estre respectée. Je viens donc au propos, abregeant mes parolles: car il y auroit eu d'honneur & de courtoisie d'vser de prolixité vers personnes tant occupées és affaires tres grandes, & mesme au gouuernement de la Republique.



PROLOGVE DE L'EVESEQUVE
de Chiapa, aux Siegneurs de
l'Assemblée.

TRES-ILLUSTRES, & tres-magnifiques Seigneurs, tres-Reuerens & tres-sçauans Peres, iusques à ceste heure en ce que i'ay leu & présenté par escrit en cette renommée & honorable Assemblée, i'ay parlé généralement contre les aduersaires des Indiens de nos Indes, qui sont en la mer Oceane, sans nommer quelqu'un, encores que i'en conneusse quelques vns qui trauaillent à escrire ouuertement des traictez, & font leur principal estat d'excuser & defendre les guerres, qui estoient & sont faictes, & se pouuoient faire contre ces gens-là. Lesquelles ont causé tant de dommages, destructions, & pertes de tant & si

T 2 grands

grands Royaumes, d'une infinité de Villes, & d'un nombre infiny d'ames: & que de subjuguer ces gens-là par guerre deuant qu'elles ayent, par predication de la foy, ouy le Nom de IESVS-CHRIST, est chose conforme à nostre loy Chrestienne; & que telles guerres sont iustes: desquelles il me semble que le Reuerend & excellent Docteur Sepulueda, s'est maintenant manifesté & déclaré estre principal mainteneur & defenseur, quand il répond aux raisons, autoritez & solutions qui sont au contraire: lesquelles pour detester les mesmes guerres, & pour demonstrier que celles que par autre nom ils appellent conquestes, sont iniques & tyranniques: i'ay compilé en vne nostre Apologie, dont i'en ay leu vne partie à vos Excellences & Seigneuries. Et puis qu'il a cherché à se descouurir, & qu'il n'a eu peur d'estre tenu pour autheur d'impietez tant


execra

exécrables, qui redondent à l'infamie de la foy, au deshonneur du nom des Chrestiens, & au dommage tant spirituel que temporel de la plus grande part du genre humain : il m'a semblé estre chose iuste, comme elle est, de l'impugner ouuertement : & pour couper le chancre venimeux qu'il veut esandre en ces Royaumes pour les destruire, de m'opposer & formalizer contre luy. Or ie supplie vos Illustres Seigneuries, graces & paternitez, de considerer cét affaire tant important & dangereux, non comme le mien propre : car ie n'y pretend autre chose, sinon le defendre comme il conuient à vn Chrestien, & comme estant chose appartenante à Dieu, à son honneur, à l'Eglise vniuerselle, & à l'estat spirituel & temporel des Roys de Castille, qui sont tenus de rendre compte des pertes d'ames qui sont desia peries, & periront encores, si la

porte ne se ferme à ce train calamiteux des guerres, lesquelles le Docteur Sepulveda veut iustifier, & que cette tres-honorable Assemblée n'admette point le fallace, dont il use, pour couvrir & pallier son opinion dommageable, par laquelle il montre vouloir pretendre de colorer & defendre l'autorité qu'il appelle Apostolique, & l'Empire des Rois de Castille, & Leon, qu'ils ont sur ces Indes: car nul Chrestien ne peut licitement & honnestement confirmer & defendre l'autorité qu'on dit Apostolique, ny la domination d'un Roy Chrestien avec guerres iniustes, en remplissant les montagnes & champs du sang innocent, & avec l'infamie & blaspheme de Iesus-Christ, & de sa Foy. Mais plustost le Siege Apostolique est par telle voye diffamé, & en perd son authorité, & le vray Dieu en est deshonore, & le vray titre & droit du
Roy

Roy s'en perd , & vient à rien : comme tout homme sage & Chrestien, connoistra aisément par cela mesme, que le Docteur Sepulueda met en auant. Ce titre & droict n'est point fondé sur l'entrer en ces pays-là, & contre ces gens pour les destrobber, tuer , & tyranniser sous couleur de prescher la foy, comme ils y sont entrez, & y ont fait les Tyrans , qui ont destruit par vne tuerie, & massacre vniuersel, vne si grande multitude d'innocens : mais consiste en vne pacifique , douce, & amiable Predication de l'Euangile, & introduction & fondation non feinte de la foy, & de la principauté de Iesus-Christ. Et qui veut donner à nos Roys & Seigneurs d'autres titres, pour obtenir la souueraine principauté de ces Indes, il ne void goutte, & est offenseur de Dieu, desloyal à son Roy, & ennemy de la nation Espagnole, laquelle il

abuse & trompe tres-pernicieusement, cherchant d'emplir l'Enfer d'ames. Or à fin que plusieurs d'entre vos Seigneuries, graces, & paternitez, ne viennent s'arrester à tels tres-damnables humeurs (comme tres-Chrestiens, & tres-sçauans) ce sera chose propre & expediente, d'imposer silence à vne opinion tant nuisante & abominable. Et combien qu'en nostre Apologie nous pensions auoir satisfait, & abondamment répondu à tout ce que peut estre amené pour confirmer la mesme Apologie : toutesfois, parce que ledit Docteur a mis en auant ses defences vne autrefois, en partissant le Sommaire du Pere Soto en douze objections : la raison veut, que ie luy replique & montre, que ces defences sont friuoles, & de nulle valeur. *Desquelles repliques suiuent deux Extraicts, seruans à nostre propos.*

*Extrait de l'onzième replique.*

IL n'est point vray ce qu'on dit, que les Indiens sacrifioient tous les ans en Espagne neufue 20000. personnes: non pas cent, ny cinquante: car si ain- si eust esté, on n'y eust point trouué tant de gens, & est cela controuué par les Tyrans, pour excuser & iusti- fier leurs tyrannies, & pour tenir les Indiens qui restoient de la vendange faiçte (desia oppresée & desolez) en seruitude & tyrannie. Nous pouuons plustost dire à la verité, que les Espa- gnols tout le temps qu'ils ont esté és Indes, en ont tous les ans plus sacrifié à leur deesse Auarice, tant aimée & adorée: que les Indiens n'en ont sa- crifié en toutes les Indes en cent ans. Ce que les Cieux, la terre, les elemens, & les pierres témoignent & crient, les


T s Tyrans,


Tyrans, & aussi ceux-là mesme, qui ont perpetré ces maux, ne le nient point : car l'on sçait assez combien ces pays-là estoient abondans en peuple, quand nous y entrames, & comment nous les auons laissez tous destruits & desolez. Nous deurions rougir de honte, que quand nous auons perdu la crainte de Dieu, nous voulons encores colorer, ou excuser les actes tant execrables : voyans mémement, que pour auoir seulement des biens & des richesses, nous auons consumé & destruit en quarante cinq, ou quarante huit ans, plus de pays qu'il n'y a en la longueur & largeur de toute l'Europe, & en vne partie de l'Asie, en le déroband, & vsurpant avec toute cruauté, iniustice, & tyrannie, lequel nous auons veu tres-plein de gens, tres-humains, & y ont esté morts, & destruits vingt millions d'ames.



*En la dernière & douzième replique
est ainsi dit.*

LEs Espagnols ne vont point és Indes, y estans menez de l'honneur de Dieu, du zele de sa foy, ny pour secourir & auancer le salut à leurs prochains, ny aussi pour seruir à leur Roy, dequoy ils se vantent tousiours à fausses enseignes: mais l'auarice & l'ambition les y pousse, à fin de perpetuellement dominer sur les Indiens en Tyrans & Diables, desirant qu'on les leur departe comme des bestes. Qui n'est autre chose, pour parler plainement & rondement, que de depouiller & déchasser les Roys de Castille de tout ce pays-là, & s'en impatroniser eux-mesmes, tyrannisans, & vsurpans la souueraineté Royale.





~~Tr~~^c

B642

C334h





